


33497 III

Mag. St. Dr.

e. III 10.



SANCTISSIMI IN CHRISTO PATRIS
ET DOMINI NOSTRI DOMINI

C L E M E N T I S

DIVINA PROVIDENTIA

P A P Æ XIII.

LITERÆ DECRETALES

SUPER

CANONIZATIONE

B. JOHANNIS CANTII

Presbyteri Secularis, & in Universitate Academiae
Cracoviensis Sacrae Theologiae Doctoris,
& Professoris.



R O M Æ MDCCLXVII.

Ex Typographia Reverendae Camerae Apostolicae.

SANCTISSIMI IN CHRISTO PATRIS
ET DOMINI NOSTRI DOMINI

CLEMENS

DIVINA PROVIDENTIA

PAPAE XIII.

LITTERAE DECRETALES

SUPER

CANONIZATIONE

B. JOHANNIS CANTII

Presbyteri secularis, & in Universitate Academiæ
Gasconiensis Sæpe Theologicæ Doctoris
& Professoris.

1743

III



ROMÆ MDCCCLXIII

Ex Typographia Reuerendæ Cameræ Apostolicæ.



CLEMENS EPISCOPUS

SERVUS SERVORUM DEI

Ad perpetuam rei memoriam.



ECCLESIAM suam Deus veluti munitissimam, quendam arcem ita instruxit, ut mille clypei pendeant ex ea, omnis armatura fortium; clypei autem, atque arma ejusmodi sunt zelus, & scientia Doctorum, qui sanam doctrinam, vel e Cathedra, vel e suggestu tradendam, suscipiunt, eandemque, ut facile in animos influat, integritate morum, & vitæ sanctitate commendant. Nimirum ad Ecclesiam tuendam, ne portæ Inferi prævaleant adversus eam, neque doctrina satis habet auctoritatis sine sanctitate, & sanctitas majus habet roboris cum doctrina conjuncta. Samaritanis impedire conantibus ne Israelitæ reduces e captivitate Hierosolymæ disjecta mœnia reficerent, ii, quibus instauratio commissa erat, una manu faciebant opus, altera tenebant gladium: atque hos quidem imitati sunt quovis tempore, & quotidie imitantur egregii Doctores, quos subinde Deus excitat, in iis præsertim regionibus, quæ ab Ecclesiæ hostibus, cujusmodi sunt Hæretici, atque Schismatici, tanquam

sup

A 2

a Sa

a Samaritis quibusdam Hierosolymæ infensis , & contumaciter adversantibus circumvallantur . Porro inter ejusmodi egregios viros doctrinâ , & sanctitate præstantes , qui facerent simul , & docerent , atque Orthodoxam fidem ab hisce adversariis nequissimis oppugnatam defenderent , dignum certe qui numeretur in paucis BEATUM JOHANNEM CANTIUM fuisse nemo ambiget , qui eundem noverit in Cracoviensi Academia purissimo haustam e fonte scientiam tradidisse , quum per ea tempora in aliis non longe distitis regionibus hæreses , & schismata grassarentur , & sanctiorem morum disciplinam , quam concionando e suggestu explicare populo satagebat , humilitate , castimonia , misericordia , corporis afflictatione , cæterisque integerrimi Sacerdotis , & strenui operarii virtutibus confirmasse . Itaque non modo illius Academiae Professoribus ornamentum , ac decus addidit singulare , sed exemplum etiam mirifice profuturum reliquit cæteris omnibus , qui in simili munere versantur , ut perfecti doctoris obire munus impigre studeant , & scientiam Sanctorum simul cum aliis facultatibus , quæ velut ancillæ illi subserviant , ad unius Dei laudem & gloriam docere , omni studio , atque ope nitantur . Ipse interea BEATUS JOHANNES decoratam olim suis virtutibus Academiam propitius ab alto respicere numquam desinet , & inclytam Nationem suam Orthodoxæ Romanæ Fidei non modo cultricem egregiam , sed validam etiam propugnatricem perenni suo patrocinio fovebit , ac proteget . Quocirca cum BEATUS JOHANNES CANTIUS scientiæ studium ad unius Dei laudem , & gloriam referens , lucerna extiterit in Ecclesia Dei ardens , & lucens , nec minus editis post mortem miraculis , quam in vita virtutibus coruscaverit ; Nos proinde , post eam , quam rei gravitas postulabat , accuratam , ac diuturnam virtutum , & miraculorum discussionem , adhibitis in consilium Venerabilibus Fratribus Nostris S. R. E. Cardinalibus , necnon Patriarchis , plurimisque Archiepiscopis , & Episcopis in Urbe congregatis , atque in primis Patre luminum pie , atque humiliter invocato , eundem BEATUM JOHANNEM Sanctorum in numerum referendum , atque

que in Ecclesia Dei venerandum, & colendum esse decernimus, definimus, & declaramus.

In Oppido Kentii Cracoviensis Diocesis BEATUS JOHANNES CANTIUS ex illustribus consulari genere, & Christiana pietate parentibus natus est die Junii XXIII. anno supra millesimum tercentesimo nonagesimo septimo, sedulam educationem cum indole egregia conjunctam secuta est, ut assolet, innocentia singularis, atque ea morum gravitas, ut virum quodammodo in puero mirari liceret. Artibus iis, quibus pueritia ad humanitatem informari solet, fatis excultus ad Cracoviensem Academiam, non ita pridem fundatam, missus est, ut Philosophicas, ac Theologicas facultates addisceret. Et quidem in iis ingenii acumine & laboris patientia præ cæteris tantum profecit, ut in Philosophia eximium honoris gradum, in Theologia Doctoris, non lauream modo, sed munus etiam adsequeretur. Id autem munus, & ex Cathedra, & e sacris rostris ita obibat, ut auditorum animi cum pura, sinceraque doctrina, studium pietatis & religionis infereret. Atque hæc quidem doctrinæ sinceritas Romanæ Ecclesiæ plane consentiens, eo pluris facienda erat, quod per ea tempora præsentissimum veluti pharmacum erat adversus errorum, atque heresum luem, quæ Hollandiæ, Britanniæ, & Germaniæ scholas infecerat. Porro tanta illius, tum doctrinæ, tum vitæ integritas præclaro signo divinitus ostensa est. Quum enim exorto Cracoviæ incendio flammæ in immensum excrecentes ita serperent, ut universa mox Civitas absumenda videretur, effusus in preces JOHANNES, (quandoquidem in humana vi spes nulla jam erat) virum sibi maturum ævo, adspectu venerandum, Sanctum Stanislaum Cracoviensem Episcopum esse opinio fuit, adstantem vidit, ex eoque intellexit, incendium ultra non processurum: Cæterum moneret cives, ut a flagitiis desisterent: si secus faxint poenas imminere longe graviore. Verum, cum cives prædictionis immemores, ad ingenium & pristinos mores rediissent, excitatum rursus incendium Civitatem magna ex parte consumpsit. Sacris Mysteriis quotidie JOHANNES tanto animi ardore, atque inde

emicante pietatis specie operari solebat, ut iis, qui aderant, summam erga rem divinam venerationem ingereret. Quod quum adversarius humani generis ferre non posset, quadam die hirundinis assumpta specie, templum circumvolitans adstantium mentes turbare, atque alio avertere conabatur. Itaque, ut omnes viderent quod divinitus ipse noverat apprehensam avem ad terram allidit. Ibi autem illa in colubrum versa horribilo sibilo ex oculis confestim sese subduxit. Religioni, qua res divinas tractabat, humilitas adjuncta erat, qua sibi vilescens nemini unquam, tametsi scientia omnium facile princeps, præferbat sese, quin etiam sperni se ab omnibus ac despici optabat; tantum aberat ut obtrectantes sibi (quod aliquando evenit) sui que contemptores parum æquo animo ferret. Quæ causa etiam fuit, cur delatos sibi honores declinaturus, vilis, atque egeni hominis habitu, longas pedestri semper itinere, semel ad Sancta Palestinæ loca, quater ad Sancta Apostolorum limina peregrinationes susciperet. Humilitatis comes erat rara quædam ac puero digna simplicitas: itaque in factis ejus, ac dictis nihil subdolum, nihil fictum: quod clausum habebat in pectore, hoc in lingua promptum habebat. Hujus autem eximiæ sinceritatis, quam nemo non nosset, illud sane specimen fuit plane admirandum. In Latrones inciderat, qui post ereptam, quam in crumena gerebat pecuniam, num quæ alia superesset, interrogarunt. Negat ipse quidquam reliqui esse: At mox reminiscens aureos quosdam in veste sub sutos habere, revocatis latronibus, illos etiam qui animo exciderant offerebat. Tam inusitata sinceritas perditorum quoque animos flexit. Itaque obstupefacti pecuniâ, quam abstulerant, statim redditâ, veniam sceleris postulant, illius se precibus commendant, utrumque facile impetrant a sancto viro.

Parœciam sibi delatam aliquandiu diligentissime administravit; sed quamvis Pastoris quæ sunt officia sedulo expleret, pro ea qua erat meticulosa conscientia, ratus negotium esse periculi plenum, dimisit, & consuetum in Collegio docendi munus repetere tutius existimavit. Abstinentiæ deditus, post adeptam

(VII)

ptam Theologiæ lauream , carnes nunquam comedit . Cæterum
cibus illi parcissimus , crebra jejunia , flagrorum frequens , per-
petuus cilicii usus , somnus brevis admodum nuda super humo ,
in senectute dumtaxat ursina pelle substrata . Castitatem proin-
de , tum animi , tum corporis illibatam servavit ; illiusque ar-
gumentum item & præmium fuit candidum sertum , quo illum
Deipara Virgo cum puero Jesu sese conspiciendam exhibens ,
tanquam eximium clientem suum decoravit . A peccato abhor-
ruit quam qui maxime . Leves noxas ita deflebat , ut gravium
reus criminum videretur . Si quam forte e verbis suis , dum
vera loquitur , ortam in aliis offensionem suspicaretur , ante-
quam ad Aram accederet , supplex veniam , non tam sui , quam
alieni erroris petebat , quum contra , quæ sibi ab aliis ingere-
bantur convicia , & probra , æquo , & miti animo ferret .
Jamvero misericordiæ in proximos nullum ferme officium fuit ,
quod non amantissime obiret . Afflictos in spem erigere , mœ-
rentes alloquio solari , peregrinos excipere , carceribus inclu-
sos visitare , pauperes quotannis coemptis vestibus operire so-
lemni illi erat , ita quidem , ut occurrenti per viam mendico ,
qui nudis pedibus incedebat , detraheret sibi calceos , ut nudi-
tatem illius operiret , suam ipse interea contegens pallio tan-
diu dum se domum reciperet . Die nascenti Domino sacra ,
dum ad Ecclesiam pergit , pauperem nactus super nive rigen-
tem gelu , lamentabili subsidium poscentis voce commotus , sua
illum veste contexit , quam tamen mox domum reversus suo
in cubiculo divinitus reperit . Ex hac JOHANNIS in pauperes
caritate , in Cracoviense Collegium pia & laudabilis , quæ ad
hanc usque diem manet consuetudo , inducta est , ut illius Pro-
fessores unum aliquem quotidie pauperem communi secum pran-
dio adhiberent , perinde quasi in illius persona Christum ipsu n-
convivam habeant . Hanc autem tam egregiam animi affectio-
nem , qua pius sacerdos nullam proximorum calamitatem alic-
nam ab se putabat , insigni miraculo Deus comprobavit . Quum
enim Ancilla quædam ob situlam , quam lacte plenam gerebat ,
lapsam e manibus , & contractam gerneret , quod heræ objur-

(VIII)

gationes timeret , JOHANNES miseratione ductus , collectis fragmentis , & coagmentatis , pristinae integritati reddidit , fufis ad Deum precibus , iisdemque mox aquam , qua situlam impleri jussit , in lac commutavit .

Christum Dominum pro salute nostra tam dira atque infanda perpeffum , & meditabatur assidue , & flagrantissime redamabat : quem quidem amorem , ut simul incenderet , & expleret , ad memoranda Christi tormentis loca Hierosolymam pedibus iter suscepit . Ibi autem dici vix potest , quam reverenter , quam pie , quam ardentem , non sine gemitu , & lacrymis monumenta Servatoris nostri maxime insignia perlustraret . Nec vero tenere se potuit , quin Turcarum impietatem ac perfidiam argueret , & Christianae Religionis veritatem liberrime praedicaret ; praecclare secum agi existimans , si ob eam rem vitam , quod maxime optabat , profundere contigisset . Ante imaginem Crucifixi Domini ipsas prope noctes orando infumebat , atque in longas non semel extases rapiebatur . Per diem vero , postquam suo munere perfunctus esset , e Liceo statim recta in Templum , ubi ante Christum in Eucharistia latentem contemplationes ac preces diu protraherat . Omnino unus in corde , unus in ore Deus erat . Hunc autem pium animi ardorem , ut foveret in dies , atque augeter , cum Sanctis quibusdam viris , qui per id tempus virtute florebant , versari , & colloqui gestiebat , & quae in illis summa erant suspiciens emulabatur . Sed satis jam in vinea Domini operarius impiger laboraverat . Tempus aderat mercedis accipiendae : itaque e languore corporis praesentens JOHANNES , mortem haud procul abesse , in eo totus fuit , ut ad felicem se exitum compararet , ac primum misericordia in pauperes , in quos quidquid domi supererat , erogavit ; divinam sibi Misericordiam magis magisque conciliavit , tum Confessione sacramentali , si quae erant conscientiae labes abterfit , & Sanctissimo Christi Corpore refectus lecto decubuit . Ingravescens morbus non metum , sed spem afferebat . Nihil enim optabat magis , quam , ut quantocius ab exilio migraret ad Patriam . Divino tandem viatico roboratus ,
post

(IX)

post salutaria monita , quibus Collegas ad omnia Christianæ virtutis , ac præcipue caritatis officia inflammavit , ad quos anhelabat , Christi Jesu amplexus feliciter evolavit die xxiiii. Decembris Anno reparatæ salutis MCCCCLXXIII. cum annum ageret septuagesimum sextum .

Sancti viri corpus Cives Cracovienses ad Ecclesiam delatum magno æque mœrore , atque honore sunt prosequuti , ac tum præsertim , quum illius Sanctitas , tametsi satis perspecta clarius cœpit miraculis explendescere . Veneratio præterea major accessit ex odore quodam suavissimo , quem centum triginta post annos a beato ejusdem obitu , reclusâ urnâ sepulchrali efflavit , cujus rei testes fide digni extiterunt . Porro purpuream CANTII vestem (Reverendam vocant) religiose asservatam , induere solet quisquis Philosophiæ recens Decanus , solemne dicit jusjurandum , ut unacum veste videlicet tanti olim Magistri , mores quoquo modo & virtutem induat .

Percrebescens de Sanctitate , & miraculis fama Episcopum Cracoviensem impulit , ut Processum de utrisque conficeret , eoque rite discusso sa. me. Urbanus PP. VIII. Prædecessor Noster negotium commisit Congregationi Sacrorum Rituum , illud præcipiens , ut , omiſſa generali , specialem dumtaxat quæſtionem institueret , quod cum factum non eſſet , caussa filuit ad annum usque MDCLXVI. Quo tandem fel. record. Alexandri PP. VII. etiam Prædecessoris Nostri jussu , prævio Rituum Congregationis consilio , caussa iterum tractari cœpit , sed propter edita dicti Urbani Prædecessoris decreta , necesse fuit expediri litteras remissoriales ad conficiendum processum super cultu immemorabili BEATI viri , per quem videlicet ab Urbani decretis fieret exceptio . Hujusmodi autem cultus approbatio in eadem Congregatione prodiit die xx. Maji MDCLXXVI. Expeditis subinde novis litteris remissorialibus pro instituenda quæſtione speciali , inter hæc Prædecessor quoque Noster Ven. me. Innocentius XI. die xxvii. Septembris Anni MDCLXXX. Poloniae Regis votis indulſit , ut anniversaria die B. JOHANNIS

Officium & Missa sub ritu duplici in Urbe Cracoviæ, atque in universo Poloniæ Regno recitari, ac celebrari posset: Quæ tamen B. JOHANNIS veneranda memoria per Sacrorum Rituum Congregationem paullo post iustis de causis translata fuit ad diem XIX. Octobris. Sub hæc absoluto Processu specialis Inquisitionis, validoque comperto, quum scripta quædam in Processu compulsata BEATO JOHANNI CANTIO falso tribuerentur, eadem Rituum Congregatio declaravit die XVII. Septembris MDCCXXX. Non constare quod opera in Processu Apostolico compulsata BEATO attributa, essent ipsius BEATI; ideo procedi posse ad ulteriora. Die postea IV. Julii MDCCXXXIII. eadem Congregatio Virtutum heroicarum excellentiam asseruit, atque approbavit.

Inter hæc BEATUS JOHANNES electus fuit in Compturum principalem Regni Poloniæ, & Magni Ducatus Lithuanie, eamque electionem ipsa Rituum Congregatio ratam habuit die XVI. Februarii MDCCXXXVII. concessio præterea officio sub ritu duplici primæ classis cum octava, ac die XXXI. Martii MDCCXXXIX. Oratione, & Lectionibus propriis secundi nocturni de eodem probatis.

Porro ventum est ad examen duorum miraculorum, quæ B. JOHANNIS intercessione divinitus patrata ferebantur, & primum quidem illa in generali Congregatione die III. Mensis Augusti anni MDCCXLV. coram fel. record. Benedicto XIV., deinde in particulari coram Nobis die XXII. Aprilis superioris anni perpensa fuere: Et quamvis omnium suffragantium vota in affirmantem sententiam convenirent; nihil tamen Nobis statuendum visum fuit, donec super aliis miraculis coram Nobis in simili generali Congregatione examinandis communes animi sensus percipissemus. Quum igitur die I. Mensis Decembris ejusdem anni MDCCCLXVI. super novis Miraculis similis generalis Congregatio coram Nobis coacta fuisset, quamquam cunctis suffragiis digna omnino visa essent, quæ probarentur, nihilominus ad divinam implorandam opem, & supernæ gratiæ lumen, eorum approbationem ad Kalendas Januarii Mensis proxime

me elapsi distulimus. Quæ quidem dies Circumcisioni Domini-
cæ, & Augustissimo Jesu nomini consecrata ad eam rem ma-
xime opportuna videbatur. Quatuor autem ex propositis Mira-
culis in tertio genere probavimus, & hæc sunt. *bs illud aut*
Primum, Instantanea sanatio pueri Sebastiani Luzark a
transmissa vitio Parentum & confirmata phthisi. Alterum, subi-
ta sanatio puellæ Hedwigis Paskowna ab acuta febre cum
integra atque absoluta virium instauratione. Tertium, impetra-
ta momento temporis sanatio Mariæ Gawlikæ ob gravem per-
niciosam febrem in extremum vitæ discrimen adductæ. Quar-
tum, subita, & perfecta sanatio Antonii Olexowic a grandi,
& profundo ulcere, quod a jugulo ad fauces usque perductum
præter tendines, & majora vasa nihil intactum reliquerat, &
foetidissima sanie scatebat cum dejectione alimentorum e parte
gutturis perforata. His autem accedit unum in secundo gene-
re; cujusmodi est: mercium in flumen Sola prolapsarum, &
procul aquarum impetu & vi raptarum, ad locum, ubi demer-
sæ fuerant adverso flumine regressus. *instans autem*

Quæ cum ita se haberent, Nos, fuis ad Deum precibus,
ut, menti nostræ necessaria ab eo lux affulgeret, tandem
die 11. Februarii vertentis anni, quæ dies Purificatæ Virgini
Deiparæ sacra est, Decretum Canonizationis BEATI JOHAN-
NIS CANTII quodcumque peragenda pronuntiavimus.

Cumque alias Christiani Principes, quampluresque Epi-
scopi, & Poloniæ Regni Proceres BEATI JOHANNIS Cano-
nizationem peroptantes, communibus votis & postulationibus
apud Prædecessores Nostros institissent, atque etiamnum apud
Nos carissimus in Christo Filius Noster Stanislaus Augustus Po-
loniæ Rex Illustris, & dilecti quoque Filii ejusdem Regni Ma-
gnates, præsertim Ecclesiastici, Cracoviensis Senatus & Aca-
demia ejusdem Civitatis Collegæ omnes, & Professores itera-
tis precibus instarent, ut ultimam denique sententiam ferre-
mus super tantopere optata Beati viri Canonizatione; ut more,
institutoque Prædecessorum Nostrorum tanti momenti rem pera-
geremus, Universi primum Collegii eorundem Venerabilium

Fra-

Fratrum Nostrorum S. R. E. Cardinalium in Consistorio secreto die xxvii. Aprilis proxime elapsi coram Nobis congregatorum, consilium audiendum duximus: Iisque postquam de serie totius causæ ad plenum instructi fuerant, adhortantibus Nos ad illius absolutionem, nedum probantibus, nihil amplius cunctandum rati, Venerabiles Fratres Archiepiscopos, & Episcopos, non modo propinquiores, sed remotiores etiam per Italiam degentes ad Urbem convocandos curavimus, ut Nobis de BEATI JOHANNIS CANTII, necnon BEATORUM JOSEPHI CALASANCTII A MATRE DEI, JOSEPHI A CUPERTINO, HIERONYMI ÆMILIANI, SERAPHINI A MONTE GRANARIO AB ASCULO denominati, & JOHANNÆ FRANCISÆ FREMIOT DE CHANTAL solemnem Canonizationem, quam sibi Deus inspirasset, sententiam declararent.

Præterea, ut eximie BEATI JOHANNIS virtutes, & probata Miracula, necnon in totius causæ discussione adhibita cautiones notæ omnibus fierent, narrationem illarum ex authenticis documentis haustam, & diligenter in compendium redactam, typisque vulgatas Patribus omnibus suffragaturis exhiberi mandavimus. Mox indicto coram Nobis Consistorio publico die vii. Maji verrentis anni, & adstante universo Ecclesiasticorum Ordinum, & Collegiorum cœtu, præcepimus, ut dilectus filius Alexander Litta nostræ consistorialis Aulæ Advocatus virtutes & miracula BEATI JOHANNIS oretenus palam exponeret. Demum convocatis die prima Junii proxime præteriti in Consistorio semipublico eisdem S. R. E. Cardinalibus, necnon Patriarchis, Archiepiscopis, & Episcopis qui in Urbe convenerant, ab iis quæsimus an ad BEATI JOHANNIS CANTII Canonizationem deveniri posse censerent. Ipsi tunc summa animorum consensione, pluribus gravibusque rationibus, in affirmativam sententiam ire comperti sunt. Quocirca a dilectis quoque filiis Apostolicæ Sedis Notariis publica instrumenta confici, & suffragiorum ipsorum exempla a singulis subscripta in Tabularium Ecclesiæ Romanæ inferri mandavimus.

(XIII)

Ut autem a Deo Optimo Maximo, quid ei placitum esset dilucide agnosceremus, publicas quoque Orationes, & dies Generalis Jejunii per Urbem indiximus, & tres Patriarchales Basilicas designavimus, in quibus Sanctissimum Eucharistiæ Sacramentum publicæ Fidelium adorationi per triduum exponi jussimus, omnes hortando, ut postquam sacramentali Confessione expiati, & Christi corpore refecti fuissent, in una saltem ex dictis Basilicis Omnipotentem Deum ad impetrandum Nobis spiritum sapientiæ, & intellectus, quo duce manifesta fieret illius voluntas, nobiscum precarentur, Indulgentiâ ad id plenariâ, & peccatorum remissione concessâ. Nos quoque ipsi, præter eas, quas privatim fuderamus assiduas, & plenas humilis fiducia preces, publicas quoque in tribus designatis Basilicis addendas curavimus, in quo quidem non sine tenero quodam pietatis sensu, atque animi nostri in Domino exultatione, spectavimus, quanta esset Romani hujus Populi religio, ac pietas, cum ex omni conditione, atque ordine ad easdem Basilicas convenissent, ac sua de solemniori cultu BEATIS decernendo, vel tacentes, præservida vota depromerent.

Demum hac die sacra Beatissimæ Virgini Mariæ de Monte Carmelo, qua die Coronationis Nostræ annua redeunt solemnia; in Basilica Principis Apostolorum splendide, & magnifice ornata, ad quam servata supplicationis publicæ forma Nos præcesserunt omnes Cleri secularis, & regularis Ordines, & Ministrorum Romanæ Curia Collegia, unacum Venerabilibus Fratribus Nostris S. R. E. Cardinalibus, necnon Patriarchis Archiepiscopis, & Episcopis; Priusquam immaculatam Hostiam solemni novæ legis sacrificio Omnipotenti Deo offerremus; instante iterum iterumque dilecto filio nostro Carolo Tituli Sancti Clementis S. R. E. Presbytero Cardinali Rezzonico nuncupato ejusdem S. R. E. Camerario, ad Canonizationem impetrandam Procuratore constituto; decantatis sacris Ecclesiæ precibus, ut Deiparæ Virginis, Angelorum, & Sanctorum omnium cum Christo regnantium intercessione, divinam opem implorarem, ac Paraclyto Spiritu cum gemitibus, ut adesset invoca-

to, ad honorem Sanctæ, & individuæ Trinitatis, ad exaltationem Fidei Catholicæ, & Christianæ Religionis augmentum, autoritate Domini Nostri Jesu Christi, Beatorum Apostolorum Petri & Pauli, & Apostolicæ autoritatis plenitudine, ac de Venerabilium Fratrum nostrorum S. R. E. Cardinalium, Patriarcharum, Archiepiscoporum, & Episcoporum in Urbe existentium consilio, & assensu, ipsum BEATUM JOHANNEM CANTIUM Sacerdotem secularem unacum BEATIS JOSEPHO CALASANTIO A MATRE DEI, JOSEPHO A CUPERTINO, HIERONYMO ÆMILIANI, SERAPHINO A MONTE GRANARIO AB ASCULO denominato, & JOHANNA FRANCISCA FREMIOT DE CHANTAL; Sanctum esse decrevimus, definivimus, ac Sanctorum Cathalogo adscripsimus, illumque, ab universis Christifidelibus, tamquam vere Sanctum, religioso cultu honorari mandavimus, prout etiam tenore præsentium, definimus, decernimus, & declaramus: Statuentes, & concedentes, ut ab universali Ecclesia in ejus honorem Ecclesiæ, & Altaria, in quibus Sacrificia Deo offerantur edificari, & consecrari, & singulis annis præscripta die XIX. Mensis Octobris ipsius SANCTI JOHANNIS CANTII inter Sanctos Confessores ab Ecclesia memoria recoli possit. Eademque autoritate omnibus Christifidelibus, qui eadem die annis singulis ad sepulchrum, in quo Corpus ejusdem SANCTI JOHANNIS requiescit, visitandum accesserint, perpetuo septem annos, & totidem quadragenas de injunctis eis, aut alias quomodolibet debitis poenitentiis misericorditer in Domino in forma Ecclesiæ consueta relaxamus.

Sub hæc Æternum Patrem, Regemque gloriæ Christum, Dominum Patris sempiterni Filium, & Sanctum Paraclytum, Spiritum, unum Deum, ac Dominum cum debita gratiarum actione venerati, omnibusque Christifidelibus ibi præsentibus plenariâ peccatorum remissione, & indulgentiâ concessâ, supra Beati Petri Confessionem, Sacrosanctum Missæ Sacrificium solemniter celebravimus, factâ eorundem Sanctorum speciali commemoratione.

Cæterum, si inter illustres, quibus vera Ecclesia dignoscitur, notas, non postrema est divinitus patefacta, & testata sanctitas eorum, qui e quovis ordine, & statu in illa floruerunt; æquum omnino, & pietati consentaneum est, ut gratias Deo Patri per Christum Jesum agamus, quod illi placuerit ex eo thesauro, unde quotidie profert nova, & vetera, tot, ac tantas gratiæ suæ divitias in S. JOHANNEM CANTIUM effundere, easque deinde ad ornamentum, ac decus Ecclesiæ suæ palam facere per miracula, quæ ad solemnem tam insignis SERVI SUI Canonizationem viam, atque aditum aperuerunt. Est præterea quod gratulemur inclytæ Polonicæ Nationi, quæ, cum pietati præ cæteris maxime addicta sit, non potest certe, non summo exultare gaudio, quod in tanta rerum perturbatione, tantoque Religionis discrimine, novum hoc sibi præsidium accesserit, quo egregia, & generosa suorum indoles magis magisque nullis perterrefacta periculis, Romanam Fidem adversus finitimos tum hæreticos, tum schismaticos, & arcte retineat, & fortiter ut semper magna cum laude præstitit, ad sanguinem usque tueatur. Academia vero Cracoviensis in hunc olim alumnum, nunc Patronum suum, quoties oculos defiget (defiget autem quotidie) propositum sibi præclarissimum videbit exemplar, unde illius Magistri, & Doctores, & bene docere, & recte facere discant; dum JOHANNES defunctus adhuc loquitur, atque ad omne virtutis officium hortatur.


Quoniam vero, hisce omnibus de more peractis, idem Carolus Cardinalis & Procurator designatus, a Nobis, quo par erat obsequio postulavit, ut Apostolicas Nostras literas in gestorum omnium perenne monumentum decerneremus; Nos petitioni perquam libenter annuentes, præsentis nostras Literas edi, & palam fieri demandavimus: Statuentes earundem exemplis etiam impressis ab aliquo ex Notariis publicis subscriptis, & sigillo Personæ in Ecclesiastica dignitate constitutæ munitis, eandem prorsus fidem ab omnibus adhiberi, quæ ipsis originalibus literis adhiberetur, si exhibitæ, vel ostensæ forent.

Nulli

Nulli ergo omnino hominum liceat paginam hanc nostræ definitionis, decreti, adscriptionis, mandati, statuti, concessionis, relaxationis, & voluntatis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, ac Beatorum Petri & Pauli Apostolorum ejus se noverit incursum.

Datum Romæ apud Sanctum Petrum, Anno Incarnationis Dominicæ MDCCLXVII. Decimoseptimo Kalendas Augusti, Pontificatus Nostri Anno Decimo.

✱ Ego Clemens Catholicæ
Ecclesiæ Episcopus.



- ✱ Ego C. A. Episcopus Ostien. & Veliternen. Card. Cavalchini Sacri Collegii Decanus.
- ✱ Ego F. M. Episcopus Portuen. & S. Rufinæ Card. Lantes.
- ✱ Ego J. F. Episcopus Sabinen. Card. Albani.
- ✱ Ego H. Episcopus Tusculan. Card. Dux Eboracensis S. R. E. Vicecancellarius.
- ✱ Ego F. Episcopus Albanen. Cardinalis Serbellonus.

✱ Ego

- ✠ Ego S. Tit. S. Joannis ante Portam Latinam Presbyter Card.
Buonaccorsi .
- ✠ Ego J. C. Tit. SS. Johannis & Pauli Presbyter Card. Boschi Major
Pœnitentiarius .
- ✠ Ego L. Tit. S. Anastasia Presbyter Card. Calinus .
- ✠ Ego A. Tit. Sanctæ Mariæ in Via Presbyter Cardinalis Columna
Branciforti .
- ✠ Ego P. Tit. S. Mariæ Transtiberim Presbyter Cardinalis Pam-
philus .
- ✠ Ego Ph. M. Tit. S. Chrisogoni Presbyter Card. Pirellius .
- ✠ Ego A. Sanctæ Mariæ in Via-Lata Prior Diaconorum Cardinalis
Albanus .
- ✠ Ego N. S. Eustachii Diaconus Card. Corsinius .
- ✠ Ego D. Sanctæ Mariæ ad Martyres Diaconus Card. Ursinus .
- ✠ Ego Fl. Sanctæ Mariæ in Porticu Diaconus Card. Chisus .
- ✠ Ego A. M. Sanctæ Agathæ ad Suburam Diaconus Cardinalis Tor-
rigiani .
- ✠ Ego J. C. Sancti Cesarei Diaconus Card. Caracciolus de Sancto
Bono .
- ✠ Ego N. Sancti Georgii in Velabro Diaconus Card. Perrelli .
- ✠ Ego A. Sancti Angeli in Foro Piscium Diaconus Cardinalis Cor-
sinius .

✠ Ego

(XIX)

✠ Ego A. Sanctorum Viti & Modesti Diaconus Cardinalis Nigronus .

✠ Ego Ae. S. Sancti Adriani Diaconus Card. Piccolomineus .

✠ Ego X. Sanctae Mariae de Scala Diaconus Card. Canale .

✠ Ego B. Sanctorum Cosmae & Damiani Diaconus Cardinalis Veterani .

✠
✠
✠
✠
✠
✠

C. Card. Pro-Datarius . A. Card. Nigronus .

VISA

De Curia J. Manassei .

L. Eugenius .

Loco ✠ Plumbi .

Registrata in Secretaria Brevium .

BIBLIOTHECA
VNI
GRACOVENSIS
Ex Typographia

- * Ego A. Sanderanus Viti & Modesti Diaconus Cardinalis Ni-
grouus.
- * Ego Ac. S. Sabasti Adriani Diaconus Card. Picolesminens.
- * Ego X. Sabasti Mariae de Scala Diaconus Card. Canale.
- * Ego B. Sanderanus Cosmae & Damiani Diaconus Cardinalis Ni-
geranus.

...

...

...

C. Card. Pro-Dataris. A. Card. Nigrouus.

De Curia J. Mansueti.

I. Eucenius.

- * Ego Ph. M. Tit. S. Christophi Praeceptor Card. Picolesminens.
- * Ego A. Sanderanus Viti & Modesti Diaconus Cardinalis Ni-
grouus.
- * Ego N. S. Sabasti Diaconus Card. Corsinus.
- * Ego C. Sabasti Diaconus Card. Corsinus.
- * Ego M. S. Mariae de Scala Diaconus Card. Canale.
- * Ego J. Sanderanus Cosmae & Damiani Diaconus Cardinalis Ni-
geranus.

...

...

...

SANCTISSIMI IN CHRISTO PATRIS
ET DOMINI NOSTRI DOMINI

C L E M E N T I S

DIVINA PROVIDENTIA

P A P Æ XIII.

LITERÆ DECRETALES

S U P E R

C A N O N I Z A T I O N E

B. HIERONYMI ÆMILIANI

Fundatoris Clericorum Regularium
Congregationis Somaschæ.



R O M Æ M D C C L X V I I .

Ex Typographia Reverendæ Camerae Apostolicæ.

SAUCTISSIMI IN CHRISTO PATRIS
ET DOMINI NOSTRI DOMINI

CLEMENS

DIVINA PROVIDENTIA

PAPAE XIII.



LITTERAE DECRETALES

CLEMENS SUPER

CANONIZATIONE

B. HIERONYMI EMILIANI

Fundatoris Clericorum Regularium
Congregationis S. Marci
CRACOVENSIS



ROMAE MDCCCLXXVII

Ex Typographia Reverendae Camerae Apostolicae.



CLEMENS EPISCOPUS SERVUS SERVORUM DEI

Ad perpetuam rei memoriam.



ANCTITAS quæ nusquam alibi, quam in Civitate Domini virtutum, hoc est in Catholica Romana Ecclesia, reperiri potest, quæque proinde una est e notis ad eam dignoscendam maxime illustribus; quamquam virtutes omnes communi nexas vinculo complectatur; multiformis tamen Dei gratia ita voluntates Servorum suorum afficit, ac disponit, ut aliam alii virtutem potissimum consecrentur, in eaque colenda, atque exercenda maxime excellant. Inde enim oritur mirifica illa varietas, qua stella a stella differt in claritate, atque ut diversæ hominum conditiones, atque indoles suam quæque habeant apprimè accomodatum ad imitandum exemplar. Quum autem benignissimus Deus Patrem se misericordiarum esse, & vocari gaudeat, & misericordiæ operibus summopere delectetur; ob eam rem homines subinde virtutis hujus exercitationi singulari quodam modo addictos in Ecclesia sua sibi delegit, qui Viri misericordiæ forent, & variis mortalium calamitatibus sublevandis se totos impenderent. Itaque, cum inter alias hujus vi-

tæ calamitates non postremo loco numeranda videatur orbitas
 puerorum, qui vel altero, vel utroque Parente carent; divi-
 næ utique Providentiæ fuit e Servorum suorum numero aliquos
 ad hoc potissimum eligere, ut præcipuum ejusmodi puerorum
 curam gererent, iisdemque non modo de victu, & cultu, sed
 etiam de recta institutione, atque educatione prospicerent. Quo-
 circa Omnipotentis Dei providentia dedit Ecclesiæ suæ B. HIE-
 RONYMUM ÆMILIANUM, qui hoc ipsum Orphanos educan-
 di munus sibi deposceret, & clarissimo quamvis genere ortus,
 atque in splendidissimis rei pacificæ, & militaris muneribus ma-
 gna cum laude versatus, ut id præstaret, ad quod divinitus
 vocabatur, ad infima quæque, & abjectissima in oculis homi-
 num ministeria descendere non erubesceret. Quandoquidem
 igitur sanctitatis omnis fons, & origo divina bonitas, quæ no-
 vos semper in Ecclesia suscitatur imitatores caritatis, & miseri-
 cordiæ suæ, his præcipue virtutibus B. HIERONYMUM ÆMI-
 LIANUM ornavit, atque ad eas ipsas christiano populo com-
 mendandas miraculorum etiam testimonium addidit valde per-
 spicuum; Nos propterea utrisque ad trutinam diu multumque
 revocatis, de consilio Venerabilium Fratrum nostrorum San-
 ctæ Romanæ Ecclesiæ Cardinalium, accedente etiam judicio Pa-
 triarcharum, & plurimorum Archiepiscoporum, & Episcopo-
 rum in Curia congregatorum, & super hæc superno lumine,
 Spiritus Sancti implorato, eundem B. HIERONYMUM ÆMI-
 LIANUM Sanctorum fastis adscribimus, atque eo, qui Sanctis
 in cœlesti Sede regnantibus exhibetur, cultu prosequendum, &
 venerandum esse pronunciamus, atque decernimus.

E parentibus patricia nobilitate clarissimis ortum habuit
 BEATUS HIERONYMUS ÆMILIANUS, vulgo Miani, Anno
 a Virginis partu MCCCCLXXXI. In hoc, quod gratia possit
 efficere ad quamlibet indolem in melius mutandam, luculen-
 ter sane perspectum est. Ingentes ille, sive a natura, sive a
 majorum exemplo spiritus hauserat, ob eamque rem ad arcem
 quandam, quæ acri hostium obsidione premebatur, tuendam,
 perquam idoneus est visus, sed propugnatorum paucitas ta-
 meti virtute HIERONYMI diu sustentata, numerum, & vim
 longe

longe majorem hostium non tulit. Victus itaque, atque in carcerem ab hoste detrusus, manicisque, & compedibus, & catenis revinctus, quod diutius tam exiguo cum numero militum restitisset, constantiæ suæ poenas dare coactus fuit. Sed, quo immitiorem hostem, eo benigniores in sese cœlites expertus est. Dum enim ferox ingenio juvenis infortunio mansuefactus, atque humanarum rerum instabilitatem edoctus, ad maximam post Jesum spem nostram Deiparam Virginem confugit, votoque se obstringit celeberrimæ cujusdam sacræ ædis Tarvisinæ pie, sancteque invisendæ, si præsentem ejusdem opem in tanto discrimine experiretur; fufas ex animo incensas preces misericordiæ Mater exaudit, eique suis ipsa manibus vincla solvit, & claves carceris tradit. Ille catenas, & saxum, quo ad collum appenso primum ad terram caput demittere cogere-
retur, omnia secum asportat. Tum Virgine pariter adjutrice ostia carceris referans, e squalente custodia se proripit. Sed quum per medios hostes incedendum esset, novo iterum favore Virginis ipsum benigniter manu ducentis impune pergens, magna cum animi alacritate eo, quo statuerat, recta se contulit; Ibi ad aram augustæ Servatricis suæ provolutus, manantibus præ gaudio lacrymis, corde magis, quam ore gratias eidem agens quantas poterat maximas, catenas, manicas, compedes, globum saxum, quæ hodieque visuntur, omnia ibi deposuit redditæ sibi per virginem monumenta libertatis. Venetias inde revertens, longe alius ac inde discesserat, decretos sibi a Republica honores adspernatus, per annos octo vitam in Urbe ipsa solitariam, atque ab hominum consortio remotam egit, ut liberius Dei cultui, & filiorum fratris educationi operam daret. Verum his inclusa septis HIERONYMI caritas diutius se continere non potuit; urgente etenim Venetiis magna Annonæ penuria, ac dira contagione grassante, illius misericordia, pravo pudore posthabito, palam prodiit. Strata passim per vias eorum, quos fames, morbusve confecerat, corpora noctu suis ipse humeris asportans insepulta jacere non patiebatur. Interdiu vero vagantes per compita, & cibum, vestem, tectum quærentes pueros convocare, & in conductam

ab se domum recipere. Aucto inopum, & miserorum numero, in illius pectore augetur & caritas, in pueros præfertim orbos parentibus. Quamobrem divendita domestica supellectili satis ampla ad eosdem alendos; stipem præterea pro illis per Urbem corrogare tanto genere natus nequaquam erubescerat. Sed cura potissimum in eo erat, ut eosdem Christianis dogmatibus erudiret, & bonis moribus informaret. Ad hæc ne adultis deesset quo ipsi sibi victum quærerent, mechanicam ut quisque artem addisceret prospiciens, impostero satagebat. Nusquam tamen HIERONYMI caritas præclarius sui specimen dedit, quam laborantes impetigine, aliisque id genus foeditatibus pueros, velut sedula mater, suâ ipse manu curabat, & quandoque, ut refugientem ejusmodi officia naturam vinceret, matris quoque amorem exsuperans, manantibus sanie illorum ulceribus os admovebat. Venetiis tanta se caritas continere non potuit. Quocirca in vicinas excurrere Insulas collectos ibi Orphanos, atque egenos pueros duabus in domibus collocat; quos tamen deinde transtulit in Hospitale Incurabilem, cujus a Præsidibus oblatam administrationem libenter susceperat. Veronæ pariter, & Brixie domum Orphanis, ac leges constituit. Bergomum inde eodem consilio quum pergeret, metentes in agris operarios nactus, curvam & ipse falcem ad opus arripit, blandèque se insinuans in agrestium animos rerum divinarum ignaros docet quæ necessaria sunt ad salutem, atque a cantionibus prophanis, & minus pudicis absteritos ad pias, & sanctas Christianorum preces decantandas hortatur. Ut vero in eam Urbem venit idem pietatis opus aggressus facile ad effectum perduxit, idemque pariter, quod Venetiis præbuit virtutis specimen singulare. Id autem multo clarius tum cœpit esse, quum deficientibus die quadam obsoniis, HIERONYMI cum pueris orantis precibus factum est, ut ingredientiæ triclinium parata, ibi divinitus fercula plusquam suffectura invenirent. Fuit & illud in ea Civitate perutile æque ac difficile caritatis ejusdem opus, quod publicas in perniciem civium mulieres lucri Deo fecit, atque ad poenitentiam adductas, præscriptis ab se legibus vitam acturas septis inclusit. Sed quum frequenti barbarorum

(VII)

rum incurfione multa in finitimas Regiones vitia irrepfiffent, ftudio animarum extimulante, iis remedium parare quoquo modo conftituit. Delectis itaque ex numero Orphanorum, quos pietate, atque intelligentia maxime idoneos duceret, pagos, & villas cum iis circumiens, præeunte falutifero Crucis Infigni populos undequaque ad fe convocabat. Tum docere quæ ad fidem pertinent, ponere ante oculos parata fontibus fempiterna fupplicia, abfterrere a vitiis, ad pœnitentiam impellere, hæc, & id genus alia erant, in quibus fermo ejus fimplex, & planus, fed magno cum ardore animi verfabatur. Novocœni poft peragrata, quæ circum oppida erant, pari fedulitate duas Orphanorum domos, & familias conftituit, iifdemque viros præficit fuo fpiritu imbutos, quos fibi focios adjunxerat. Ipfe Bergomatum valle iterum perluftrata in Pagum Venetæ dittonis, Somafcha denominatum, qui locus ad pœnitentiam propter afperitatem, ad contemplationem propter folitudinem, ad falutem animarum propter rudium populorum infcitiam opportunus præ cæteris vifus eft, fe recepit, & inibi domicilium fibi, ac Sedem, in qua diutius, libentiusque degeret, locavit, ac ftatuit. Huc igitur advocans laborum fuorum focios, pias illis leges præfcribit, quibus & fociorum ipforum, & puerorum inftitutio contineretur. Ex eo autem loco factum eft nomen Congregationi Clericorum Regularium, quam HIERONYMUS divino confilio ad Christianæ Reipublicæ utilitatem inftituit. Mediolani deinde repudiatâ ingenti pecuniâ, quam Dux ad experimentum fæctimonix dono miferat, facile auxilium ab illo impetravit, ac domum, ubi Orphanos collocaret. Hic autem, fi unquam alibi, Caritati ipfius fatis ampla meritorum feget oblata eft. Quum enim per id tempus in magna illa Urbe lues vix ulli parcens foediffime graffaretur, HIERONYMUS frequenti mortis imagine nihil territus, invifendis ægris fublevandis pauperibus, ad pietatem, ac pœnitentiam omnibus cohortandis præfto aderat. Caritatis autem tam alacris præmium, utique exiffimandum, & Miraculi loco merito habendum videtur, quod ex Orphanis, & Ministris non paucis Or-

phanotrophii nemo unus fuerit in tam multorum Civium interitu desideratus. Quibus ex rebus increbescente fama HIERONYMI Sanctitatis factum est, ut complures, & quidem e nobilibus, atque opulentis familiis, illius Institutum amplecterentur, & vestigiis insisterent. Papiæ itidem domo excipiendis Orphanis constituta, Somaschæ denuo se reddidit, ubi illud plane memorabile, quod, quum fratres duo ex diro inter se dissidio conviciis, non sibi modo, sed Deo etiam contumeliosis certarent, cum nihil monitis, atque obtestationibus profecisset; ingesto demum sibi in os cœno, ut pro eorum noxa aliquam vindici Deo pœnam exsolveret; ad poscendam a Deo veniam, & mutuam inter se concordiam renovandam adegit. In Montis, qui Somaschæ imminet vertice humilem sibi, & suis casam parat, architectus idem, & faber, & bajulus: Huic parvum addit tugurium in medio clivo aptum ægrotantibus valetudinarium; opportunum item propter propinquitatem degentibus Somaschæ orphanis quotidie revifendis locum. Deerat hic aqua: sed fufis ad Deum precibus fontem elicit e vicina rupe non sitientibus modo, sed ægris etiam salutarem. Signo Crucis Lupos in fugam vertit: eodem sanat repente Ruricolam, qui grave sibi, dum ligna scindit, vulnus inflixerat. Panem item, & vinum multiplicat. Hæc ille, atque alia mira patrabat, quæ tamen ipse (qua erat humilitate) puerorum innocentia, & pietati tribuere solebat. Beatissimæ Virginis Mariæ cultui addictus quam qui maxime, eundem & aliis instillare, atque inferere studebat sedulo. Multo etiam magis ejusdem erga divinam Eucharistiam, & Sacramentum Pœnitentiæ religio, & pietas eluxit. Pedestri itinere Venetias rediens Hospitalia visitat. Tum Veronæ, Brixæ, Bergomi aliquandiu substitit, caritate, & paupertate ubique similis sui. Illi Bergomensis Civitas orborum parentibus puerorum, ac puellarum domos; illi respicientium mulierum septum, & Capuccinorum cœnobium accepta refert. Denique post petitam ab Episcopo Theatino, qui Veronæ tunc diversabatur, benedictionem ultimam Somascham revertitur. Ibi vero, propinquæ mortis præsciis, si unquam antea, solitariam,

at-

(IX)

atque asperam vitam instituit; Flagris, inediâ, siti, somno brevissimo, eoque nudo super lapide corpus afflicta. Spiritum vero diurnæ, ac nocturnæ orationis pabulo alit, ac reficit. Sed profecto, qui addictam semper caritatis operibus vitam duxerat, non aliter utique, quam inter eadem caritatis officia finire vitam decebat. Cum igitur Somascham lues infestaret, quid valeat incensus amor in proximum tunc maxime ostendit. Dicit vix potest, quot, quantosque labores exhausserit, dum pestifero morbo correptos invisit, dum morientibus quoquomodo subvenire nititur, dum mortuos suis ipse humeris tumulandos exportat; neque vero unquam destitit, nisi, postquam eodem & ipse morbo implicatus est, pulcherrima caritatis victima moriturus. Ad mortem ergo decumbens, suos, atque externos piis, sanctisque monitis adhortatus, atque extremo Sacramentorum præsidio munitus, hilari animo, sereno vultu, post iterata suaviter dulcissima Jesu, & Mariæ nomina acceptissimum Conditori, & Servatori suo spiritum reddidit die Februarii octava anno MDXXXVII. Ad corpus demortui, quem tamquam Patrem omnes habuerant, frequens e finitimis pagis concursus factus est populorum, quibus ut copia fieret illius venerandi, ad plures dies differri sepulturam oportuit. Sanctus autem, ut haberetur, & vocaretur HIERONYMUS, edita, ante, & post obitum superna signa suadebant. Illud constat Sanctum Carolum Borromæum, quum eó venisset, illius ossibus suavi sese odore prodeuntibus thuris honorem tribuisse. Præter miracula quædam ab Auditorio Causarum Palatii Apostolici, prout ea ferebant tempora, anno MDCXXX. apud fel. record. Urbanum PP. VIII. Prædecessorem Nostrum commendata, alia relata fuerunt in acta Processûs ex Apostolica auctoritate Somaschæ peracti anno MDCLXXVIII.

Porro virtutum HIERONYMI præstantiam in gradu heroico, auditis Sanctæ Romanæ Ecclesiæ Cardinalium, qui sacris Ritibus præsunt, & Consultorum suffragiis declaravit Clemens XII. etiam Prædecessor Noster decreto suo die xxv. Augusti MDCCXXXVII. edito. Jam vero quod attinet ad miracula

HIERONYMI intercessione a Deo patrata, per quæ ad Beatificationem aperiretur via, ejusdem recordationis Benedictus XIV. Prædecessor quoque Noster duo præ cæteris per decretum die xxiii. Aprilis MDCCXLVII. approbatu digna comperit. Primum quidem in Hieronyma Durighella Venetiis anno MDCCXXXVII. quæ, quum habituali morbo scorbutico, atque inde ortis malignis ulceribus, diris convulsionibus, aliisque deterrimis symptomatibus laboraret per annos complures, quorum quatuor extremos lecto affixa miserandum in modum transfegerat, invocato HIERONYMO statim convaluit. Sanatio altera instantanea supra vires naturæ contigit anno MDCCXXXVIII. in puero septenni Antonio Blanchini ab insanabili morbo comitiali, qui ab incunabulis usque sæpissime diebus singulis male illum habuerat. Sub hæc idem Benedictus Prædecessor die v. Augusti anni MDCCXLVII. tuto ad Beatificationem deveniri posse pronuntiavit. Quod quidem decretum effectum habuit die xxii. subsequenti mensis Septembris editis litteris illius Beatificationis, cujus sacræ ceremoniæ in Vaticana Basilica die xxix. ipsius mensis peractæ sunt.

Quum vero alia deinde miracula ad Canonizationem viam sternere viderentur, novi autoritate apostolica Processus confecti sunt, quorum validitas primum ab ipsa Congregatione die vii. Maji MDCCLXIII. deinde vero a Nobis die xiv. ejusdem mensis probata fuit. Comperta itaque Processuum validitate, coeptum est agi de miraculis ipsis in specie, & post coactas Congregationes, antepreparatoriam v. Februarii MDCCLXV., preparatoriam vero iv. Martii MDCCLXVI. In comitiis denique generalibus coram Nobis habitis die xiii. Maji ejusdem anni, duo miracula mox adscribenda digna sunt habita, quæ probarentur. Verum Nos, sumpto adhuc ad invocandum Patrem luminum spatio, die tandem mensis ejusdem Maji xxv. constare de duobus miraculis pronuntiavimus. Miracula autem hæc sunt. Primum contigit in sorore Maria Gesualda Pocobella. Mense Junii MDCCXLVIII. supra naturæ vires B. HIERONYMI intercessione sanata, cum ex pessimo ulceroso humore in-

tarso sinistri pedis caro, & ossa computruissent. Alterum naturæ vim supergrediens per ejusdem BEATI opem sanatio cum subita virium redintegratione mense Aprili MDCCLIV. perspecta est in Elisabetha Zandanillia, quam colica nephritica, aliæque pravæ affectiones in extremum vitæ discrimen adduxerant. Proposito sub hæc dubio in Congregatione Generali habita coram Nobis die xxiii. Septembris MDCCLXVI. An stante approbatione duorum miraculorum ad solemnem BEATI HIERONYMI ÆMILIANI Canonizationem tuto procedi posset; Nos tametsi Cardinales, & Consultores in affirmantem sententiam convenientes audivissemus, ante decreti editionem faciendum duximus, ut iterum, iterumque fuis precibus Deum consuleremus; donec tandem die xii. Octobris anni proximi præteriti Canonizationis BEATI HIERONYMI ÆMILIANI quandocumque faciendæ decretum edi, & in astra Sacræ Congregationis Rituum referri mandavimus.

Hoc edito decreto, preces, quas Apostolicæ Sedi aliqui Christiani Principes, & præcipue dilecti filii nobiles viri Dux, & Respublica Venetiæ ab hujus causæ exordio obtulerant, Nobis iterum exhibitæ fuere, Congregatio vero dilectorum filiorum Clericorum Regularium de Somascha nuncupata assidue aliorum postulationibus & suas demississimas preces adjicere non desinebat, ut peroptatam Canonizationis sententiam ferremus. Nos idcirco prius universo S. R. E. Cardinalium Collegio compendium vitæ, virtutum, & miraculorum BEATI HIERONYMI, ex iis, quæ Sacrorum Rituum Congregatio habito diligenti examine, probavit, depromptum, & impressum distribui jussimus, mox secretum die xxvii. Aprilis vertentis anni indiximus Consistorium, atque in eo postquam summa virtutum, & miraculorum BEATI HIERONYMI ipsis S. R. E. Cardinalibus exposita fuit; Nos ipsi eos alloquuti, singulorum consilium exquisivimus, an ad solemnem Canonizationem esset procedendum Beati Viri, qui inter heroicas virtutes, quas in ejus animam divina indidit gratia, singulari excelluit in Proximum caritate, cui exercendæ præsertim erga pauperes Orphanos,

nos, & humano præsidio destitutos, studium omne contulit suum; Cumque eorundem Cardinalium animi sensus, id sibi placere affirmantium, ingenti cum animi nostri lætitia audivissemus; ut adhuc in hac re tutius, & juxta laudabilem Apostolicæ Sedis consuetudinem procederemus, Venerabiles etiam Fratres nostros Archiepiscopos, & Episcopos in Italia degentes, de consilio nostro commonefaciendos curavimus, itemque adhortandos, ut ad Urbem intra præstitutum tempus venientes in tam gravi negotio suffragiis suis, & precibus adjuvarent. Eiusdem compendii exempla illis tradi jussimus, utque de totius causæ BEATI HIERONYMI serie, atque de virtutibus, & miraculis ab Apostolica Sede approbatis cumulatus erudirentur; publicum coram Nobis die ix. mensis Maji proxime elapsi consistorium convocavimus, cui præter S. R. E. Cardinales, Patriarchæ quoque, Archiepiscopi, & Episcopi in Urbe congregati interfuere, atque in illo, impetratâ a Nobis veniâ, dilectus filius Julius Cæsar Fagnani consistorialis Aulæ nostræ Advocatus pro ejusdem BEATI HIERONYMI canonizatione gravi, & ornato sermone peroravit. Nos vero ob rei gravitatem eisdem Cardinales, Patriarchas, Archiepiscopos, & Episcopos ibidem præsentem magnopere hortati fuimus, ut jejniis, & orationibus instarent apud eum, qui dat omnibus affluenter, & non improperat.

Post hæc, Consistorio semipublico die xv. nuper elapsi mensis Junii indicto, præter eosdem Cardinales, & Patriarchas, Archiepiscopos, & Episcopos, etiam Nostros, & Sedis Apostolicæ Notarios, duosque antiquiores ex causarum Palatii Apostolici Auditoribus interesse jussimus. Ibi autem Nos universos, qui convenerant, alloquuti, singulorum suffragium exquisivimus, an Sancti cultum, & honorem BEATO HIERONYMO tribui oporteret: Cumque omnes, gravibus allatis causis, Beati Viri Canonizationem non modo probarent, sed justum id, atque æquum censerent; perjucunda Nobis fuit illorum in idem placitum mira consensus.

Verum-

Verumtamen, ad implorandam uberius Dei misericordiam, qui mitteret Nobis auxilium de sancto triduanum in Urbe Jejunium indiximus, & tres Patriarchales Basilicas designavimus, in quibus Sanctissimum Eucharistiæ Sacramentum per totidem dies publicæ venerationi exponeretur, omnesque Christifideles hortati fuimus, ut sacramentali peccatorum Confessione expiati, & Christi corpore refecti, jejuniis, & Orationibus Omnipotentem Dominum nobiscum unâ obsecrarent, ut sedium suarum assidricem sapientiam Nobis impertiretur, cujus affulgente luce, quid ei placitum esset dignosceremus, indulgentiâ ad id, & plenâ peccatorum remissione concessâ. Nos itaque præter diurnas, & assiduas humilique fiducia effusas privatas preces, ad easdem Basilicas visitandas tribus designatis diebus reverenter accessimus, atque non sine animi nostri sancta exultatione spectavimus confluentem ad eas summa cum religione totius fere Romani Populi multitudinem, & sua de BEATIS in sanctorum numerum cooptandis vota, vultu ipso, atque oculis præferentem.

Hac die denique Beatissimæ Virgini Mariæ de Monte Carmelo dicata, qua Coronationis Nostræ recurrunt solemnia, ad Basilicam Principis Apostolorum splendide, & magnifice ornata, servatâ supplicationis publicæ formâ, & præcedentibus omnibus Cleri sæcularis, & regularis Ordinibus, & Ministrorum Romanæ Curie Collegiis, unacum Venerabilibus Fratribus Nostris S. R. E. Cardinalibus, Patriarchis, Archiepiscopis, & Episcopis perreximus. Atque ubi ad Confessionem Beati Petri ventum est, antequam sacris solemnibus operaremur, postulante semel atque iterum dilecto filio nostro Carolo Tituli Sancti Clementis S. R. E. Presbytero Cardinali Rezzonico nuncupato ejusdem S. R. E. Camerario, ad Canonizationem impetrandam Procuratore constituto, decantatæ fuere sacre Ecclesiæ preces, ut Deiparæ Virginis, Angelorum, & Sanctorum omnium cum Christo regnantium intercessione divinum Nobis adesset auxilium. Tum Paraclyto Spiritu cum gemitibus invocato, ad honorem Sanctæ, & individue Trinitatis, ad exaltationem

nem

nem Fidei Catholicæ , & Christianæ Religionis augmentum, auctoritate Domini Nostri Jesu Christi, Beatorum Apostolorum Petri & Pauli, & Apostolicæ nostræ auctoritatis plenitudine, ac de Venerabilium Fratrum nostrorum S. R. E. Cardinalium, Patriarcharum, Archiepiscoporum, & Episcoporum in Urbe congregatorum consilio, & assensu, ipsum BEATUM HIERONYMUM ÆMILIANUM Fundatorem Congregationis Clericorum Regularium de Somascha denominatæ, unacum BEATIS JOHANNÉ CANTIO, JOSEPHO CALASANTIO A MATRE DEI, JOSEPHO A CUPERTINO, SERAPHINO A MONTE GRANARIO, AB ASCULO denominato, & JOHANNA FRANCISCA FREMIOT DE CHANTAL; Sanctum esse decrevimus, ac Sanctorum Cathalogo adscripsimus, illumque ab universis Christifidelibus, tamquam vere Sanctum, religioso cultu honorari mandavimus, prout etiam tenore præsentium definimus, decernimus, & declaramus: Statuentes, & concedentes, ut ab universali Ecclesia in ejus honorem Ecclesiæ, & Altaria, in quibus Sacrificia Deo offerantur edificari, & consecrari, & singulis annis die octava mensis Februarii ipsius SANCTI HIERONYMI ÆMILIANI inter Sanctos Confessores ab Ecclesia memoria recoli possit. Eademque auctoritate omnibus Christifidelibus, qui eadem die annis singulis ad sepulchrum, in quo Corpus ejusdem SANCTI HIERONYMI conditum servatur, visitandum accesserint, perpetuo septem annos, & totidem quadragenas de injunctis eis, aut alias quomodolibet debitis pœnitentiis misericorditer in Domino in forma Ecclesiæ consueta relaxavimus.

Mox decantato pro debita gratiarum actione laudis, & confessionis hymno, omnibusque Christifidelibus, qui ad tantam celebritatem confluxerant, plenâ peccatorum remissione, & indulgentiâ concessâ, supra Beatissimi Apostolorum Principis Confessionem, Sacrosanctum Missæ Sacrificium solemniter celebravimus, factâ eorundem Sanctorum speciali commemoratione.

Jam

Jam vero, si omnino decet laudare Dominum in Sanctis ejus, in BEATO utique HIERONYMO peculiarem quamdam habemus rationem, cur id præstare debeamus; etenim quum Christianæ, & Catholicæ Religionis insigne quoddam, ac veluti tesseram Christus Jesus mutua in caritate constituerit; hæc profecto tessera, hoc insigne in quo vere divini Præceptoris discipuli cognoscantur, tum in aliis quolibet tempore, tum in SANCTO HIERONYMO præsertim enituit, ita quidem ut ad similitudinem Dei qui Pater dicitur Orphanorum, maxime accedere videretur. Qua quidem in re, & Catholicam Ecclesiam novi Ordinis institutione illustriorem reddidit, & evangelicæ pietatis cultoribus exemplum reliquit, quo scilicet in misericordiâ erga pauperes exercendâ ad Patrem misericordiarum imitandum excitarentur. Dum igitur Ecclesiam ipsam novis in diem splendoribus coruscare gaudemus, ad eos illuminandos, qui in tenebris, & in umbra mortis sedent, illud simul curare omni studio debemus, ut quæ in Ecclesia quotidie instaurantur exempla virtutum, non frustra Nobis proposita esse videantur.

Hic autem prætermittere illud non possumus ut Venetæ Urbi, in qua natos Nos esse gloriamur; magnopere in Domino gratulemur. Etenim, si præclarum est ei Cives habuisse per omnes ætates, tum pacificis, tum militaribus artibus memorandos, longe utique præclarius eidem esse fatendum est, quod viros Sanctos habuerit, quos heroica christiana virtus inter superos collocavit, quique, ut olim in Terris, sic multo magis in Cœlis, Patriæ sint præsidium & decus.


His igitur omnibus peractis, cum idem Carolus Cardinalis, & Procurator designatus a Nobis obsequenter petierit, ut Apostolicas Nostras literas in gestorum omnium perenne monumentum decerneremus. Nos petitioni perquam libenter annuentes, præsentis Nostras Literas edi, & palam fieri demandavimus: Statuentes earundem exemplis etiam impressis, ab aliquo ex Notariis publicis subscriptis, & sigillo Personæ in Ecclesiastica Dignitate constitutæ munitis, eandem prorsus fidem ab omnibus adhiberi, quæ ipsis originalibus literis adhiberetur, si exhibitæ, vel ostensæ forent. Nulli

(XVI)

Nulli ergo omnino hominum liceat paginam hanc nostræ definitionis, decreti, adscriptionis, mandati, statuti, concessionis, relaxationis, & voluntatis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, ac Beatorum Petri & Pauli Apostolorum ejus se noverit incursurum.

Datum Romæ apud Sanctum Petrum, Anno Incarnationis Dominicæ MDCCLXVII. Decimoseptimo Kalendas Augusti, Pontificatus Nostri Anno Decimo.

✠ Ego Clemens Catholicæ
Ecclesiæ Episcopus.



- ✠ Ego C. A. Episcopus Ostien. & Veliternen. Card. Cavalchini Sacri Collegii Decanus.
- ✠ Ego F. M. Episcopus Portuen. & S. Rufinæ Card. Lantes.
- ✠ Ego J. F. Episcopus Sabinen. Card. Albani.
- ✠ Ego H. Episcopus Tusculan. Card. Dux Eboracensis S. R. E. Vicecancellarius.
- ✠ Ego F. Episcopus Albanen. Cardinalis Serbellonus.

✠ Ego

(XVII)

✠ Ego J. F. Episcopus Prænestin. Card. Stuppanius.

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

Ego C. Tit. S. Clementis Presbyter Card. Rezzonico S. R. E. Camerarius.

Ego F. M. Tit. Sancti Silvestri in Capite Presbyter Cardinalis de Rubeis.

Ego J. M. Tit. S. Alexii Presbyter Card. Castelli.

Ego C. Tit. Sancti Petri ad Vincula Presbyter Cardinalis Elephantinus.

Ego P. H. Tit. SSma Trinitatis in Monte Pincio Presbyter Card. Guglielmi.

Ego P. P. Tit. S. Stephani in Monte Caelio Presbyter Card. de Comitibus.

Ego Fr. L. Basilica Sanctorum XII. Apostolorum Presbyter Card. Ganganelli.

Ego M. A. Tit. Sancte Mariæ de Pace Presbyter Cardinalis Columna.

✠ Ego

- ✠
 - ✠
 - ✠
 - ✠
 - ✠
 - ✠
 - ✠
 - ✠ Ego S. Tit. S. Joannis ante Portam Latinam Presbyter Card.
Buonaccorsi .
 - ✠
 - ✠ Ego J. C. Tit. SS. Johannis & Pauli Presbyter Card. Boschi Major
Pœnitentiarius .
 - ✠ Ego L. Tit. S. Anastasia Presbyter Card. Calinus .
 - ✠
 - ✠ Ego A. Tit. Sanctæ Mariæ in Via Presbyter Cardinalis Columna
Branciforti .
 - ✠
 - ✠
 - ✠ Ego P. Tit. S. Mariæ Transtiberim Presbyter Cardinalis Pam-
philius .
 - ✠
 - ✠ Ego Ph. M. Tit. S. Chrisogoni Presbyter Card. Pirellius .
 - ✠ Ego A. Sanctæ Mariæ in Via-Lata Prior Diaconorum Cardinalis
Albanus .
 - ✠ Ego N. S. Eustachii Diaconus Card. Corsinius .
 - ✠ Ego D. Sanctæ Mariæ ad Martyres Diaconus Card. Ursinus .
 - ✠ Ego Fl. Sanctæ Mariæ in Porticu Diaconus Card. Chisus .
 - ✠ Ego A. M. Sanctæ Agathæ ad Suburam Diaconus Cardinalis Tor-
rigiani .
 - ✠
 - ✠ Ego J. C. Sancti Cesarei Diaconus Card. Caracciolus de Sancto
Bono .
 - ✠ Ego N. Sancti Georgii in Velabro Diaconus Card. Perrelli .
 - ✠ Ego A. Sancti Angeli in Foro Piscium Diaconus Cardinalis Cor-
sinius .
- ✠ Ego

(XIX)

✱ Ego A. Sanctorum Viti & Modesti Diaconus Cardinalis Nigronus .

✱ Ego Ae. S. Sancti Adriani Diaconus Card. Piccolomineus .

✱ Ego X. Sanctae Mariae de Scala Diaconus Card. Canale .

✱ Ego B. Sanctorum Cosmae & Damiani Diaconus Cardinalis Veterani .

✱
✱
✱
✱
✱
✱

C. Card. Pro-Datarius . A. Card. Nigronus .

VISA

De Curia J. Manassei .

L. Eugenius .

Loco ✱ Plumbi .

Registrata in Secretaria Brevium .



0

SANCTISSIMI IN CHRISTO PATRIS
ET DOMINI NOSTRI DOMINI

C L E M E N T I S

DIVINA PROVIDENTIA

P A P Æ XIII.

LITERÆ DECRETALES

S U P E R

C A N O N I Z A T I O N E

B. JOANNÆ FRANCISCÆ

FREMIOT DE CHANTAL

Fundatricis Ordinis Visitationis

SANCTÆ MARIE.



R O M Æ MDCCLXVII.

Ex Typographia Reverendæ Camerae Apostolicæ.

SANCTISSIMI IN CHRISTO PATRIS
ET DOMINI NOSTRI DOMINI

CLEMENS

DIVINA PROVIDENTIA

PAPAE XIII.

LITTERAE DECRETALES

SUPER

CANONIZATIONE

B. JOANNIS FRANCISCAE

FREMIOT DE CHANTAL

SANCTAE
FUNDATIONIS ORDINIS
CRACOVENSIS



ROMAE MDCCCLXXVII.

Ex Typographia Reverendae Camerae Apostolicae.



CLEMENS EPISCOPUS

SERVUS SERVORUM DEI

Ad perpetuam rei memoriam.



ORTITUDO & decor indumentum militantis Ec-
 clesiae, admirabili sane divinae providentiae
 consilio, quemadmodum se prodidit in Judi-
 tha, in Debora, in Matre septem Machabaeo-
 rum, & siquae aliae extiterunt similes harum,
 quae foemineae cogitationi masculinum animum
 inferuerunt; ita & post Christi Salvatoris ad-

ventum elucet maxime, non modo in iis foeminis, quae pro
 christiana Religione per Tyrannos, & Carnifices mactari me-
 ruerunt, sed in illis etiam, quae ipsae se, perfecta sui rerum-
 que omnium abdicatione, vivas hostias in odorem suavitatis im-
 molaverunt. Hoc pacto nimirum, & Omnipotentis Dei gratiae
 virtus per ea, quae ignobilia, atque infirma sunt mundi, splen-
 didissime apparet, & Catholicae Ecclesiae, in qua unica salu-
 tis spes est, sanctitudo, & veritas argumentis minime obscuris
 pulcherrime confirmatur. Atque in hac profecto illustrium,
 ac fortium Foeminarum classe collocandam vel in primis esse
 BEATAM JOANNAM FRANCISCAM FREMIOT DE CHAN-

TAL singularia illius strenue gesta declarant. Illa enim materni veluti affectus immemor, ut Christo Jesu, cujus adorandum nomen candente ferro pectori impresserat, totam sese dicaret, per filium, quem unice diligebat, in ostio domus strato corpusculo hærentem ad electum sibi cœlestem Sponsum pergere non dubitavit, & voto se arduo, ac perdifficili obstrinxit, ut ageret ea semper, quæ perfectiora esse intelligeret. Quæ quidem, atque alia id genus in subjecta ipsius vitæ compendiarie descriptione recognoscere quivis facile poterit, tum ad Dei Omnipotentis laudem & gloriam, tum ad imitationem, tam eximiæ, consummatæque virtutis. Itaque quum singularis Dei benedictio Beatam hanc famulam suam heroicis virtutibus apprime insignem, & consequentis obitum ejus miraculis valde gloriosam reddiderit, ut iis potissimum fœminis, quæ se Deo dicaverunt, vel in ejusmodi deliberatione versantur, nova semper suppetant ad imitandum exempla; Nos propterea post eam, quæ præmitti solet, tum virtutum illius, tum miraculorum severam, ac sedulam disquisitionem, adscitis in consilium Venerabilibus Fratribus Nostriis S. R. E. Cardinalibus, ac præterea Patriarchis, plurimisque Archiepiscopis, & Episcopis eandem BEATAM JOANNAM FRANCISCAM publica totius Christiani Orbis veneratione dignam asserimus, & Sanctorum fastis adscribendam decernimus.

BEATISSIMA clarissimis Parentibus, Divione in Burgundia, JOANNA FRANCISCA FREMIOT DE CHANTAL ortum habuit. Piæ sanctæque educationis fructum tulit, quem debuit, puellæ indoles ad virtutem nata. Catholicæ Religionis jam inde a teneris annis tanto erat incensa studio, ut quintum ætatis annum nondum excedens hæreticum quemdam adversus veritatem Corporis Christi in Eucharistia cavillantem sapienter, atque animose redarguens pudore suffunderet. Tentata dolo-
sis artibus a vaserrima, quæ domi erat, muliere, innocentiam non sine peculiari ope Deiparæ Virginis, quam defunctæ Genitricis loco Matrem delegerat, incontaminatam servavit. Aliud quoque gravius fortasse periculum ejusdem B. Virginis auxilio

evasit incolumis. Quum enim de connubio illius ageretur cum Equite nobili sane, atque opulento, Deum JOANNA FRANCISCA per Matrem ejus Sanctissimam consulens, Calviniana illum, tametsi dissimulata, hæresi infectum, Deo illustrante, cognovit; quo illa periculo ita commota est, ut vel recordationem illius refugeret animus, ac perhorresceret. A Sorore, apud quam aliquandiu fuerat, Patri reddita, ita se illi obsequentem, docilem, suavem, morigeram præbuit, ut nihil supra. Nihil in ea quod delicias, quod luxum, quod levitatem animi redoleret. Pietas in Deum, ac Deiparam eximia, summum precandi studium, misericordia in pauperes singularis. Voluntati suæ, qua libentius ad vitam coelibem ferebatur, paternam præponens nobilissimo viro in temporalibus Domino DE CHANTAL nuptui se dari non recusavit. Præclaræ illæ, quas ad matrimonium attulerat, virtutes magis magisque in aliorum quoque utilitatem redundarunt. Clementer enim familiam regere, filios sancte educare, virum ad pietatis suæ imitationem adducere, invisere ægros, egentibus subvenire, subditis opitulari, Deo, & sibi vacare, hæc illius erat vitæ ratio laboriosa semper, numquam otiosa. Cujus quidem sollicitudinis fructus erat summa in domo pax, summa tranquillitas.

Sed adversæ res inciderunt, quibus tam præclara ista in secundis virtus longe splendidior effulsit. Vulnerato enim inter venandum, & paullo post extincto viro, quem carum in primis habebat, casum quidem acerbissimum dolenter tulit, sed in eo consilium Dei, qui totam sibi deposceret, animo reputans, sanctissimæ illius voluntati acquievit, ac præterea ad Aram Beatissimæ Virginis Deo, meliori utique Sponso, votum nuncupans perpetuæ castitatis, se obstrinxit. Illi autem, qui viro ipsius, tametsi imprudens, lethale vulnus infixerat, non modo veniam libenter indulgit, sed in argumentum etiam peculiaris benevolentia illius Filium e sacro fonte suscepit. Qua quidem in re, æquissimo virtutum æstimatore S. Francisco Salesio teste, heroicæ perfectionis exemplum edidit plane admirandum.

Quum autem perfectius adhuc, atque excellentius meditarietur vitæ genus, rei familiaris sarcina magna ex parte deposita, mundi muliebris quidquid erat pretiosum, partim in levamen pauperum, partim in ornatum Templorum convertit. Ad redigendum in servitutem corpus jejunia, cilicia, vigiliis adhibet. Tempus omne Religionis inter, ac misericordiæ officia partitur. Demissionis, ac patientiæ neque illi occasio, neque occasioni ipsa defuit. Dicitur vix potest, quot quantasque ab ancilla injurias pertulerit. Summa erat prorsus, ac pene incredibilis in altera contumacia, in altera mansuetudo. Novis inter hæc oblati a Patre nuptiis constantissime recusatis, ut propositum, quo totam se Deo mancipaverat, magis magisque firmaret, pulcherrimo quidem, sed asperrimo invento, adorabile Jesu nomen candente ferro pectori impressit. Tam strenue in suscepto evangelicæ perfectionis itinere progredienti datus est tandem, quem diuturnis a Deo precibus expetiverat, sapientissimus item, & sanctissimus conscientiæ moderator Sanctus Franciscus Salesius, quem ut primum aspexit, mutuo sese agnoverunt, quum antea de facie non nossent. Probante itaque tanto Magistro votum illud maxime arduum edidit, semper id exequendi, quod perfectius, atque acceptius Deo esse intelligeret. Neque vero minus firma opus erat fortitudine animi, ut ea perficeret, quæ de novi Ordinis fundatione a Salesii Magisterio didicerat. Multæ enim, & graves superandæ fuerunt difficultates: quas inter fortasse illa maxima, quod quum Filius strato per januam corpore intercludere aditum Matri tentasset, ne Annecium profectura, quo divinitus vocabatur, domo pedem efferret, strenua mulier recogitans forte illud Hieronymi: Per calcatum perge Patrem: super Filium transit, quem eximie carum habebat. Quid autem incensa caritas possit efficere statim apparuit. Salesio enim velut Architecto prima jecit fundamenta Ordinis Sanctimonialium a Visitatione Beatæ Mariæ Virginis nuncupati, quem, obnitente, frustra Dæmonum, & perversorum hominum fraude, tametsi non sine magnis exantlatis laboribus, multis ac diversis in locis

locis ita propagavit, ut quatuor supra octoginta Monasteria ipsius opera, & studio fundata numerarentur. Hujus autem Ordinis institutio, tametsi nihil asperum, nihil austerum præferat, dum tamen voluntati, atque humanis affectionibus nihil quidquam, quod libitum fuerit, indulget, rerumque omnium abdicationem, & omnimodam sui abnegationem fortiter simul, & suaviter præcipit; ad perfectionem summam, quemadmodum, Deo incrementum dante, ad hanc usque diem non sine animi nostri jucunditate conspicimus, mira quadam ratione perducit. Jussu præterea Episcoporum alia non sui Ordinis Monasteria, visitans labentem in iis disciplinam restituit. Ubi autem præsens voce non poterat, per literas, quæ extant bene multæ, sacris potissimum Virginibus præsto erat. Mors deinde consanguineorum, in iisque Filii dulcissimi, sed Francisci Salesii potissimum, a cujus nutu, consiliisque pendeat, virilem illius animum adeo non fregit, ut nihilo secius quam antea ardua, quæque adoriri, ac perficere conaretur. Quibus rebus in eam sapientiæ, & Sanctitatis opinionem apud omnes venit, ut ex ordine quovis, etiam Episcopali, JOANNÆ FRANCISCÆ consilia expeterent principes Viri, ac Reges illius se precibus commendarent, & Sanctus ipse Vincentius de Paulo Instituti sui leges eidem examinandas, & corrigendas traderet.

Tam excellens virtus, quæ quamvis per tot præclare gesta sese prodiderat, majus tamen aliquid, quam quod exterius patebat, latere intus indicabat (ita quidem, ut Salesio ipsi optimo rerum æstimatori admirationi esset) ad eum perfectionis apicem pervenerat, ut matura jam cœlo esset. Itaque quum Famula Dei Parisiis rediens, quo jussu Episcopi Gebennensis, ab Anna Austriaca expetita, sese contulerat, Molini in morbum incidit, e quo instare sibi supremam diem, intelligens Sacramenta Ecclesiæ pie sancteque suscepit. Epistolam mox dedit ad omnes sui Ordinis Alumnas, caritatis, & sapientiæ plenam. Cunctis demum præsentibus, absentibus, futuris etiam Instituti sui Monialibus a Deo fausta omnia præ-

(VIII)

cata fervidos inter fidei , spei , caritatis actus ad amplexum Sponsi sui coelestis , quem unice semper dilexerat , feliciter convolavit , Idibus Decembris Anni MDCXLI. Eximiam JOANNÆ FRANCISCÆ gloriam declaravit visus a S. Vincentio de Paulo splendescens globus alteri mox adjunctus splendidiori , atque alius demum longe supra quam dici potest lucidissimus , qui utrumque sibi commixtum excepit . Intellexit enim superno lumine perfusus Vir Dei , in primo illo globo JOANNAM FRANCISCAM , in altero Sanctum Franciscum Salesium , in tertio vero Deum ipsum , qui lucem inhabitat inaccessibilem , designari .

Tametſi autem de JOANNÆ FRANCISCÆ sanctimonia fama esset percelebris , ex inani tamen opinione quadam , quod ante quinquagesimum annum inquiri de ea non liceret , factum est , ut tempus ad eam rem opportunius elaberetur : donec tandem anno MDCCXV. coeptum est agi de illa in Beatorum numerum referenda . Instituto igitur ex eo tempore duplici examine , Episcopali scilicet , & Apostolico , atque utriusque actis exhibitis , & approbatis , in Congregatione Sacrorum Rituum quaestiones , quæ solent , habitæ sunt . Testimonio deinde clarorum Scriptorum , qui coevi erant SERVÆ DEI , ac potissimum S. Francisci Salesii , & S. Vincentii a Paulo , heroicas fuisse JOANNÆ FRANCISCÆ virtutes satis aperte probatum est . Sed quum testis illarum de visu , tam longo post ab obitu illius intervallo , nemo unus reperiretur , ad rem expediendam felic. record. Benedictus XIV. Prædecessor Noster sapienter præcepit , ut accederet adminiculum ex aliis duobus præter duo requisita miraculis per invocationem SERVÆ DEI post mortem patris .

Et quidem quatuor præ cæteris probatu digna reperiuntur . Primum exhibuit Gabriella - Angelica Morel in Monasterio Visitationis Abalonensi Diocesis Augustoduni , cui , quum SERVÆ DEI se commendasset , crus dexterum semipalmo brevius altero , ac pene succi , & caloris ex-

pers

pers, ad omnimodam cum sinistro æqualitatem redactum, fuit.

Secundam divinitus factam sanationem experta fuit Elisabeth Dronier de la Perouse Professa ejusdem Ordinis Visitationis in Oppido de Saint Amour, quod est in Diœcesi Lugdunensi, quæ ex diutini morbi vi semimortua, atque a medicis destituta, cum per tres menses immobilis in lectulo decumberet, ad BEATAM JOANNAM FRANCISCAM confugiens, momento temporis sospes, integra, & consuetis omnibus ministeriis apta e lecto profiluit.

Tertium miraculum patratum est in Clara de Rubeis puella Romana, quæ contracta phtisi eo deducta, ut munita extremo Sacramentorum præsidio jamjam moritura videretur, immo etiam aliquando haberetur pro mortua, sed, quum proposito sibi dierum novem obsequio BEATÆ JOANNÆ FRANCISCÆ opem posceret, a tertio, vel quarto usque ad diem nonum, depulsa vi morbi, convalescens, colore, ore, viribus redditis, domo egressa in conspectum omnium prodierit.

Quarta miraculosa sanatio contigit Eugeniæ Trochon Professæ Ordinis Visitationis in Civitate Salmuriensi Andegavensis Diœcesis. Hæc a quintodecimo ætatis anno gravissimo per octo annos asthmate pene præfocata, dein correpta paralyfi, quæ brachio, & cruri motum ademit, & magna ex parte sensum imminuit, post dies ferme quadraginta infestæ hujus ægritudinis, nulla adhibita Medicorum ope, BEATÆ JOANNÆ FRANCISCÆ novendiali cultu sese commendans, postremam nondum elapsa, die, momento temporis affectorum membrorum motu redintegrato, sana surgit, ac vicens, & munia facile repetit, quæ solebat.

Sed quintum etiam miraculum addendum duxit laudatus Prædecessor Noster Benedictus XIV., quod quidem quamvis factis testatum esset autoritate Episcopi Aurelianensis, quum tamen Sedis Apostolicæ autoritate destitueretur, adeoque ido-

neum non esset, ut probata inter miracula referretur, idem Pontifex, hoc vitio sublato, ratum habuit, & confirmavit. Sanatio porro ita se habuit. Susanna Bienfait Professa Ordinis Visitationis, scirroso tumore non sine acri dolore, & cruciatu viscerum laborabat. Huc accessit paralyfis, quæ cruribus, quorum dexterum etiam ex atrophia exaruerat, motum omnem, & sensum penitus interceptit. Humanis itaque per menses duos remediis abstinens BEATÆ JOANNÆ FRANCISCÆ consuetudine novem dierum prece implorat auxilium. Labente adhuc die nona puncto temporis, motu, sensu, & carne præterea cruri arido restituta, vivida, & vicens ministeriis omnibus fungi potuit, quibus cæteræ Moniales bene valentes, atque integræ fungebantur.

Quum itaque virtutibus, & miraculis autoritate Apostolica confirmatis, nullum jam dubium superesset, quin ad formalem SERVÆ DEI JOANNÆ FRANCISCÆ Beatificationem procedi posset, idem Benedictus Prædecessor die XIII. Novembris Anni Domini MDCCLI. per suas literas in forma Brevis illi tamquam BEATÆ cultum decrevit, Officio, & Missa quotannis die XXI. mensis Augusti, qua solemnia Coronationis suæ recurrebant, ad ejus honorem certis in locis concessa.

Nova post indultam JOANNÆ FRANCISCÆ venerationem miracula sequuta sunt, quæ manifestam de augendo eidem cultu voluntatem Dei declararunt. Quibus, cognita prius Processuum validitate, in Congregatione Venerabilium Fratrum Nostrorum Sanctæ Romanæ Ecclesiæ Cardinalium, quæ Sacris Ritibus præest, ad examen vocatis, atque discussis, ex aliis pluribus, quæ ferebantur, in generali simili Congregatione coram Nobis die XXVIII. Januarii anni proxime præteriti coacta, duo hæc quæ sequuntur speciali approbatione digna comperta sunt, prout ex Decreto Nostro die IX. subsequentis mensis Martii apparet.

Miraculum primum ejusmodi est. Maria Droz Sanctimonialis in Monasterio Pontis Aurelii Bisuntinæ Diocesis, Ordinis

nis S. Bernardi, phtisi laborans, tentatis frustra per triennium remediis ad eam depellendam, eo jam devenerat, ut ob vitiatos pulmones, morbumque, ut ajunt, jam confirmatum, indicia ferme omnia lethalem exitum proderent mox imminentem, ac propterea Medicorum judicio recuperandæ valetudinis spes nulla relinqueretur. Sed quæ ab humanis remediis obtineri non poterat, B. JOANNA FRANCISCA, cui Monialis magna cum fiducia tametsi morti proxima se commendarat, peracta novendiali supplicatione, momento temporis ei valetudinem reddidit, atque ita reddidit, ut nulla prorsus deplorati jam morbi vestigia superessent.

Altera supra vires naturæ sanatio contigit in paupercula quadam Virgine, cui nomen Florida, sive, ut Galli loquuntur, Fleuries Coing. Huic enim, dum in Lugdunensi Nosocomio imperitus Chirurgus brachii dexteri venam incidit, atque ad eliciendum sanguinem e foramine non fluentem acum ferream profundius immittit; læso, aut scisso, ut opinio fuit, bicipiti nervo, vel alio quopiam, protinus brachium intumuit, obrigitque ita, ut flecti nullo modo posset. Huic incommodo occursum est forata miseræ Virgini non semel affecta parte, sed eo factum est, ut brachii pars inferior contracta superiori velut affixa cohereret, itemque digiti in pugnum coacti palmam arctius premerent, ut proinde medium aliquid interponi oportuerit, ne palma digitorum unguibus læderetur. Per quinquennium infelix vitam traxit emortuo brachio, sensus quippe omnis, & motus, & nutritionis experte, donec Annecium profecta, ut ad BEATÆ JOANNÆ FRANCISCÆ tumulum, quod biennio ante eodem itinere frustra emenso obtinere nequiverat, accederet, ubi ut primum expiata Sacramento Poenitentiae, & Sanctissimo Christi Corpore refecta, ac spei plena inutilem illam corporis partem B. JOANNÆ FRANCISCÆ admovit Sepulchro, protinus emortuum brachium revixit momento temporis, sensu, motu, carne, viribus restitutus.

His

His igitur rite approbatis, quum in eadem generali Sacerorum Rituum Congregatione die xxiii. Septembris ejusdem anni habita, proposita fuerit quaestio, an tuto ad solemnem BEATÆ JOANNÆ FRANCISCÆ Canonizationem procedi posset, nemini dubium fuit, quin juxta constantem praxim, Apostolicæ Sedis, & Prædecessorum Nostrorum, decreta omnia ad hujusmodi effectum abunde suppeterent, Nos vero Decreti editionem, ut divinam implorarem opem, differre voluimus, sed demum die xii. Octobris proxime præteriti post fusas ad Deum humillimas preces, eorum sententiam ratam habentes, Decretum protulimus de eadem Canonizatione servatis servandis quandocumque peragenda.

Quemadmodum autem alias claræ memoriæ Carolus VI. Romanorum Rex in Imperatorem electus, & Philippus V. Hispaniarum Rex Catholicus, ac Jacobus III. Rex Angliæ, alique tunc in humanis agentes Christiani Principes, Romanique Imperii Electores, ac plurimi Archiepiscopi, & Episcopi, Comititia præterea Cleri Gallicani, Ordinumque aliorum Regularium Præsides, Capitula quoque Ecclesiarum, & Civitatum, Magistratus, præcipue vero claræ etiam memoriæ Victorius Amedeus dum viveret Sardinia Rex, datis propterea literis apud Prædecessores Nostros, progressum Causæ Canonizationis BEATÆ JOANNÆ FRANCISCÆ enixe poscentibus: itaque quoque Charissimi in Christo Filii Nostri Ludovicus Galliarum Rex Christianissimus, & Carolus-Emanuel Sardinia Rex Illustris, iteratis ob eam rem votis instare non desierunt. Dilectæ vero in Christo Filiaë instituti ab JOANNA FRANCISCA Ordinis Alumnae multo enixius assiduis, demissisque precibus postulabant.

Quocirca visum est Nobis cum Venerabilibus etiam Fratribus Nostris ejusdem S. R. E. Cardinalibus in Consistorio Secreto die xxvii. proxime præteriti mensis Aprilis habito editum Decretum executioni tandem esse mandandum: iisdemque omnibus in affirmantem sententiam convenientibus, Venerabiles

les itidem Fratres Nostros Archiepiscopos, & Episcopos ex tota ferme Italia ad gravissimum hoc negocium advocavimus, eorumque iudicio seriem Causæ, atque omnia, quæ de virtutibus & miraculis BEATÆ JOANNÆ FRANCISCÆ probata fuerant, tum oretenus in Consistorio publico die ix. mensis Maji proxime elapsi coram Nobis coacto, in quo Dilectus Filius Paulus Franciscus Antamorus Nostræ Consistorialis Aulae Advocatus in ipsius BEATÆ causa peroravit, tum etiam in scriptis exponi mandavimus, tradita nempe singulis distincta gestorum omnium relatione, ex authenticis Documentis ipsius Congregationis religiose desumpta; quibus præmissis aliud Consistorium sub die x. currentis mensis Julii convocavimus, in quo præter S. R. E. Cardinalium præfatorum Collegium, Patriarchas, Archiepiscopos, & Episcopos in Romana Curia præsentibus federe jussimus, ut adstantibus Apostolicæ Sedis Notariis, Prothonotariis nuncupatis, & duobus antiquioribus Causarum Palatii Nostri Auditoribus super expetita B. JOANNÆ FRANCISCÆ Canonizatione sententiam suam aperirent. Cumque omnes unanimes pro Suprema ipsius BEATÆ glorificatione non assensum modo validis rationibus roboratum, sed enixa etiam studia, & vota obtulissent, Nos quidem ea de re ab Apostolicæ Sedis Notariis publica Instrumenta confici, ac præterea prolatorum suffragiorum exempla a singulis subscripta colligi, & in Tabularium S. R. E. referri mandavimus.

Priusquam tamen ad ferendam tanti momenti sententiam adduceremur, indictis per Urbem generalium jejuniorum diebus, designatisque ad supplicationes tribus Patriarchalibus Urbis Basilicis cum Indulgentia ab iis consequenda, qui Suas cum Nostris obsecrationibus jungerent; publicas Ecclesiæ preces apud Deum Patrem luminum interponendas curavimus, ut ad dirigendos sensus nostros juxta viam suam, gratiæ suæ opem, & auxilium Nobis impertiretur.

Demum hac die Beatæ Mariæ Virgini de Monte Carmelo dicata, quæ Coronationis Nostræ solemnia redeunt, ut ad im-

(XIV)

positum Nobis gravissimum Supremi Pontificatus onus ; quo valde preminur, sustinendum, novos adhuc apud mediatorem Dei & hominum Jesum Christum, cujus Vicarias vices gerimus in terris, Intercessores obtineremus; in Vaticana Basilica, ad quam solemni ritu Nos præcesserunt omnes Cleri Sæcularis, & Regularis Ordines, omnia Officialium Romanæ Curiaæ Collegia, cum S. R. E. Cardinalibus, Patriarchis, Archiepiscopis, & Episcopis, antequam Sacrosanctum Sacrificium solemniter celebraremus, exhibitis Nobis iterum iterumque a dilecto filio nostro Carolo Tituli Sancti Clementis S. R. E. Presbytero Cardinali Rezzonico nuncupato ipsius S. R. E. Camerario, pro Canonizatione impetranda Procuratore constituto, Christianorum Principum, Antistitum, & Capitulorum Ecclesiarum, Magistratuumque, ac Ordinis Visitationis postulationibus, precibus, & votis pro ipsius BEATÆ JOANNÆ FRANCISCÆ, quemadmodum etiam pro BEATORUM JOANNIS CANTII, JOSEPHI CALASANCTII A MATRE DEI, JOSEPHI A CUPERTINO, HIERONYMI ÆMILIANI, & SERAPHINI A MONTE GRANARIO, AB ASCULO denominati, solemni Canonizatione; & implorata prius cælestium Spirituum, & Sanctorum omnium intercessione, atque speciali Hymno Paraclyto invocato Spiritu; ad honorem Sanctæ & Individuæ Trinitatis, ad exaltationem Fidei Catholicæ, & Christianæ Religionis augmentum, de concessa Nostræ humilitati Apostolicæ auctoritatis plenitudine, ipsam BEATAM JOANNAM FRANCISCAM FREMIOT DE CHANTAL Ordinis Visitationis Beatæ Mariæ Virginis nuncupati Fundatricem, omnibus evangelicis virtutibus cumulatissimam, & miraculorum testimonio gloriosam, unacum dictis JOANNE CANTIO, JOSEPHO CALASANCTIO, JOSEPHO A CUPERTINO, HIERONYMO ÆMILIANI, & SERAPHINO A MONTE GRANARIO AB ASCULO denominato, SANCTAM esse decrevimus, & definivimus, ac Sanctorum Cathalogo adscripsimus, ejusque memoriam, quam in subsequenti Missæ celebratione Nos ipsi solemniter vene-

ne-

nerati fumus, ab univerſa Eccleſia quotannis dicta die **xxi.** Auguſti religioſe coli mandavimus. Cunctis quoque Chriſtifiſdelibus, qui ad tantam celebritatem confluerant, plenariam, iis vero, qui ſingulis annis prædicta die ad ejuſdem **SANCTÆ JOANNÆ FRANCISCÆ** Corpus venerandum acceſſerint, ſeptem annorum, & totidem quadragenarum Indulgentiam in forma Eccleſiæ conſueta miſericorditer in Domino elargiti ſumus.

En igitur ſapientiſſimo Dei conſilio in una **SANCTA JOANNA FRANCISCA** non uni dumtaxat mulierum cætui, ſed cujuſvis illarum conditioni, ac numeris omnibus abſolutum exemplar. Habent hic virgines, habent nuptæ, habent viduæ, habent Sacræ Deo Moniales quod admirentur, quod imitentur. Illa enim virginitatis cuſtos integerrima, ſi nuptiis conſenſit, non ſuæ, quæ illis adverſabatur, ſed paternæ obſecuta eſt voluntati. In matrimonio non filios modo ad imitationem pietatis ſuæ, ſed virum etiam adducere ſedulo ſtudit. Vidua porro ſanctius vitæ genus aggreſſa inſtituendo ab ſe Ordini egregie proluiſit. Ubi vero ad altiora vocanti ſe Deo alacriter paruit; fundatis opera ſua Monafteriis tam multis, ac fundandis in poſterum, non tam optimis ab ſe conſtitutis legibus, quam pulcherrimis virtutum omnium operibus, ac monumentis, arduum ſimul, & ſuave ad evangelicam perfectionem iter oſtendit, atque explanavit.

Ut autem præmiſſa omnia ad univerſæ per Orbem Eccleſiæ notitiam perducantur, eorumque memoria perpetuis futuris temporibus ad Dei gloriam, & fidelium exemplum perſeſeret, Nos ea præſentibus Apoſtolicis Literis complecti volumus, mandantes eorum tranſumptis etiam impreſſis, manu alicujus Notarii publici ſubſcriptis, & Sigillo Perſonæ in eccleſiaſtica dignitate conſtitutæ munitis eandem adhiberi fidem, quæ ipsis præſentibus adhiberetur, ſi forent exhibitæ, vel oſtenſæ.


Nulli ergo omnino hominum liceat paginam hanc noſtræ definitionis, decreti, adſcriptionis, mandati, ſtatuti, con-

(XVI)

concessionis , relaxationis , & voluntatis infringere , vel ei au-
fu temerario contraire ; si quis autem hoc attentare præ-
sumpserit , indignationem Omnipotentis Dei , ac Beatorum Pe-
tri & Pauli Apostolorum ejus se noverit incursum .

Datum Romæ apud Sanctum Petrum , Anno Incarnationis
Dominicæ MDCCLXVII. Decimoseptimo Kalendas Augusti, Pon-
tificatus Nostri Anno Decimo .

✠ Ego Clemens Catholicæ
Ecclesiæ Episcopus .



✠ Ego C. A. Episcopus Ostien. & Veliternen. Card. Cavalchini Sacri
Collegii Decanus .

✠ Ego F. M. Episcopus Portuen. & S. Rufina Card. Lantes .

✠ Ego J. F. Episcopus Sabinen. Card. Albani .

✠ Ego H. Episcopus Tusculan. Card. Dux Eboracensis S. R. E. Vi-
cecancelarius .

✠ Ego F. Episcopus Albanen. Cardinalis Serbellonus .

✠ Ego

(XVII)

- ✠ Ego J. F. Episcopus Prænestin. Card. Stuppanius .
- ✠
- ✠
- ✠
- ✠
- ✠
- ✠
- ✠
- ✠
- ✠
- ✠
- ✠
- ✠
- ✠ Ego C. Tit. S. Clementis Presbyter Card. Rezzonico S. R. E. Ca-
merarius .
- ✠
- ✠ Ego F. M. Tit. Sancti Silvestri in Capite Presbyter Cardinalis
de Rubeis .
- ✠
- ✠
- ✠ Ego J. M. Tit. S. Alexii Presbyter Card. Castelli .
- ✠ Ego C. Tit. Sancti Petri ad Vincula Presbyter Cardinalis Ele-
phantinus .
- ✠ Ego P. H. Tit. SSmæ Trinitatis in Monte Pincio Presbyter Card.
Guglielmi .
- ✠ Ego P. P. Tit. S. Stephani in Monte Cælio Presbyter Card. de Co-
mitibus .
- ✠
- ✠ Ego Fr. L. Basilica Sanctorum XII. Apostolorum Presbyter Card.
Ganganelli .
- ✠ Ego M. A. Tit. Sanctæ Mariæ de Pace Presbyter Cardinalis Co-
lumna .
- ✠
- ✠ Ego

- ✠ Ego S. Tit. S. Joannis ante Portam Latinam Presbyter Card. Buonaccorsi .
- ✠ Ego J. C. Tit. SS. Johannis & Pauli Presbyter Card. Boschi Major Pœnitentiarius .
- ✠ Ego L. Tit. S. Anastasiæ Presbyter Card. Calinus .
- ✠ Ego A. Tit. Sanctæ Mariæ in Via Presbyter Cardinalis Columna Branciforti .
- ✠ Ego P. Tit. S. Mariæ Transtiberim Presbyter Cardinalis Pamphilius .
- ✠ Ego Ph. M. Tit. S. Chrisogoni Presbyter Card. Pirellius .
- ✠ Ego A. Sanctæ Mariæ in Via-Lata Prior Diaconorum Cardinalis Albanus .
- ✠ Ego N. S. Eustachii Diaconus Card. Corsinius .
- ✠ Ego D. Sanctæ Mariæ ad Martyres Diaconus Card. Ursinus .
- ✠ Ego Fl. Sanctæ Mariæ in Porticu Diaconus Card. Chisus .
- ✠ Ego A. M. Sanctæ Agathæ ad Suburam Diaconus Cardinalis Torrigiani .
- ✠ Ego J. C. Sancti Casarei Diaconus Card. Caracciolus de Sancto Bono .
- ✠ Ego N. Sancti Georgii in Velabro Diaconus Card. Perrelli .
- ✠ Ego A. Sancti Angeli in Foro Piscium Diaconus Cardinalis Corsinius .

✠ Ego

(XIX)

✠ Ego A. Sanctorum Viti & Modesti Diaconus Cardinalis Nigronus.

✠ Ego Ae. S. Sancti Adriani Diaconus Card. Piccolomineus.

✠ Ego X. Sanctae Mariae de Scala Diaconus Card. Canale.

✠ Ego B. Sanctorum Cosmae & Damiani Diaconus Cardinalis Veterani.



C. Card. Pro-Datarius . A. Card. Nigronus .

VISA

De Curia J. Manassei .

L. Eugenius .

Loco ✠ Plumbi .

Registrata in Secretaria Brevium .



* Ego A. Samborum Viti & Modesti Diaconus Cardinalis Ni-
 gonus.
 * Ego Ae. S. Sancti Adriani Diaconus Card. Piccolominus.
 * Ego X. Sanctae Mariae de Scala Diaconus Card. Canale.
 * Ego B. Samborum Cosma & Damiani Diaconus Cardinalis Ve-
 terani.

* Ego J. C. Tit. SS. Joannis & Pauli Presbyter Card. Bischof
 Panninorum.
 * Ego L. Tit. S. Anthoni Presbyter Card. Canar.

* C. Card. Pro-Datarus . A. Card. Nigonus .
 De Curia J. Mansueti .
 I. Eugenius .

Loco * Plumbi
 Registrata in Secretaria Privatum .

* Ego Ph. M. Tit. S. Christophi Presbyter Card. Perelli .
 * Ego A. Sanctae Mariae in Lateranensi Diaconus Cardinalis
 Abanni .
 * Ego N. S. Ruffachi Diaconus Card. Corsolini .
 * Ego P. Sanctae Mariae ad Martyres Diaconus Card. Ursini .
 * Ego H. Sanctae Mariae in Porticu Diaconus Card. Ursini .
 * Ego M. Sanctae Agathe ad Suberam Diaconus Cardinalis Ter-
 rignani .



* Ego F. Sancti Cosmae & Damiani Diaconus Card. Caraculini de Sancto
 Romae .
 * Ego M. Sanctae Petri in Vinetis Diaconus Card. Perelli .
 * Ego A. Sancti Augustini in Foro Piscium Diaconus Cardinalis Car-
 pini .

* Ego

SANCTISSIMI IN CHRISTO PATRIS
ET DOMINI NOSTRI DOMINI

C L E M E N T I S

DIVINA PROVIDENTIA

P A P Æ XIII.

L I T E R Æ D E C R E T A L E S

S U P E R

CANONIZATIONE

B E A T I J O S E P H I

A C U P E R T I N O

Sacerdotis professi Ordinis Minorum S. FRANCISCI
Conventualium .



R O M Æ M D C C L X V I I .

Ex Typographia Reverendæ Camerae Apostolicæ .

SAHCTISSIMI CHRISTO PATRI
ET DOMINI NOSTRI DOMINI

CLEMENS

DIVINA PROVIDENTIA

PAPAE XIII.

LITTERAE DECRETALIS

CLAUDETI
BENEDICTI
A CUPERTINO

UNIVERSITATIS
CRACOVENSIS



Faint, illegible text impressions, likely bleed-through from the reverse side of the page.



CLEMENS EPISCOPUS

SERVUS SERVORUM DEI

Ad perpetuam rei memoriam.



SCENDENS Christus in altum dedit dona hominibus, amoris sui scilicet pignora, ac triumphalis suæ monumenta victoriæ. Id autem non modo tunc ostendit, quum ex hac terra discedens gloria & honore coronatus, utpote Rex virtutum in Coelum rediit, sed etiam per omnes deinceps ætates benignissime præstitit, atque ad consummationem usque sæculi, pro sua in homines perpetua caritate, ac munificentia præstabit: sed nimirum, si Dominus dives est in omnes, qui invocant illum, in electos utique quosdam Servos suos, qui in simplicitate ambulant, atque in toto corde exquirunt eum, divitias sui erga illos amoris effundit: idque tum ut eos glorificet, qui glorificare ipsum unice student, tum ut per eos Ecclesia sua tamquam Regina vestitu induta deaurato, ac tam multiplici coelestium charismatum, ac donorum varietate circumamicta, facile a quovis cognosci possit, & magis magisque refulgeat. Hanc autem ipsam coelestium charismatum mensuram bonam, & confertam, & coagitatam, & superfluentem, si unquam in-

aliis, non possumus certe non admirari, ac suspicere in BEATO JOSEPHO A CUPERTINO ex Ordine Fratrum Minorum SANCTI FRANCISCI Conventualium nuncupatorum, quem superiori ætate bonorum omnium Largitor Deus Ecclesiæ dedit, ut in eo disceremus non esse Nos Terræ hujus cives, sed hospites, ac peregrinos, nostramque proinde in Coelis conversationem esse oportere. Hoc ille nempe quamdiu vixit, non tam verbis, quam re ipsa pulcherrime docuit, quum terram veluti dedignatus, frequentes, ac prope quotidianas ecstases patiens sublimis in aera ferretur, ac modo exultabundus celerrimo impetu circumvolans, choreas veluti duceret, modo alios quoque secum sublime raperet, suamque illam, quam induisse videbatur, gloriosam agilitatis dotem communicaret, ita prorsus, ut medius quidam viatores inter, & comprehensores homo esse haud immerito credi posset. Quod autem BEATUS JOSEPHUS tam frequenter, tam facile sublimis ascenderet, quid est, nisi quod descendebat in se demississima humilitate, qua sperni se ac despici, non modo ferebat æquo animo, sed etiam gaudebat? Quod vero, ubi erat impetus spiritus, eo & corpus expers veluti ponderis agillime sequeretur, quid est, nisi quod corpus ipsum inusitata quadam, ac propemodum nimia asperitate in servitutem redigere satagebat? Quæ quidem, atque alia id genus BEATI JOSEPHI sanctitatis documenta in ea, quam exhibemus, tametsi brevi narratione melius patebunt.

Quocirca cum is, qui suscitatur de pulvere egenus, BEATUM JOSEPHUM tam eximiis in vita donis, ac virtutibus, tam præclaris post mortem signis, ac miraculis illustraverit, ut dubitari non possit, quin inter superos cum Deo regnet, cujus conversatio, cum inter mortales ageret, semper in Coelis fuit. Nos propterea, qui Christi vices, licet indigni, gerimus, habito prius diligenti virtutum, & Miraculorum, ejus examine, de consilio Venerabilium Fratrum Nostrorum, S. R. E. Cardinalium, necnon accedente suffragio Patriarcharum, ac plurimorum Archiepiscoporum, & Episcoporum in Romana Curia congregatorum, & quod potissimum est, implorato

rato sapius Divini Spiritus auxilio, & lumine, eundem BEATUM JOSEPHUM Candelabro imponimus, ut luceat omnibus, qui in domo sunt, eique honorem, & cultum, qui Sanctis cum Christo regnantibus exhibetur, tribuendum esse decernimus.

Sub initium sæculi a reparata salute xvii. Cupertini, Oppido in Salentinis Neritonensis Diocesis, parentes humiles sortitus, ac pios; in stabulo, quo repentinus pavor Matrem compulerat, editus in lucem fuit. A teneris usque annis pietatem coluit, defixis in cœlum oculis, & labris hiantibus inter orandum, quod quidem futuræ post in adulta ætate altissimæ contemplationis vel indicium esset, vel potius initium. A gravi morbo Deiparæ Virginis ope liberatus, ad Beati Francisci septa transire constituit. Repulsam passus a Fratribus Conventualibus, quos primum adierat; ab iis, quos Capuccinos vocant, exceptus est, sed acerbior deinde fuit ejectio. Nam post aliquot Tyrocinii menses, tamquam ineptus ad Instituti munia habitus ad suos redire coactus est. Dure acceptus a Patruo, qui in Conventualium Ordine Concionator erat, durius a Matre, religiosæ vitæ consilium non abjecit. Ad Conventuales iterum confugiens tandem obtinuit, ut Laicorum ministeriis addiceretur. Sed in novissimo loco libentissime recumbentem, jussit illum Dominus superius ascendere. Patribus enim, qui per triennium præclaram JOSEPHI, & majora in dies pollicentem virtutem suspexerant, visum est illum referre inter Clericos. Longo ipsi, atque improbo labore cum rudi, atque hebeti ingenio luctandum fuit, ut sacros libros, si minus intelligere, at legere saltem apte, ac distincte disceret. Post solemnia vota sacerdotio initiatus Divinæ Hostiæ primitias obtulit eo Religionis intimo sensu, ut præsentem ibi Christi personam, non tam credere, quam cernere videretur, novumque sibi ex eo tempore perfectius vitæ genus ordiendum proponeret. Ergo in Cœnobio de Cryptula, cui fuerat adscriptus, ita per decennium vixit, ut solitaria maxime loca adamaret, asperrime in corpus sæviret, & coram superiore sola contentus extima tunica, rebus omnibus abdicatis, ad Crucifixi

(VI)

pedes procumbens, vere illud usurpare posset: Ecce Domine, propter Te omnia dimisi: Tu modo sis mihi omne bonum. Sed tam rigidæ paupertatis pressus angustiis, ut consumpta jam veste novam sibi unde quæreret non videret; ad piam erga Deum fiduciam abjiciendam sollicitatus ab humanæ salutis hoste, nullius præterea cælestis solatii rore in animum defluente recreatus, ac nimio proinde mœrore confectus, per biennium in camino humiliationis, velut in fornace perstitit, & in humilitate sua patientiam habuit. Denique, cum conversus ad Deum in eas voces erumperet: Ut quid, Deus, dereliquisti me; **SERVUM SVUM** benignissimus Dominus mœrore & luctu confici passus non est. Itaque Religiosus quidam ignotus (Angelo, ut opinio fuit, ea sub specie apparente, ac statim ex oculis subducente se) novâ illi tunicâ allatâ mœrentem crexit, afflictumque recreavit. Ad omnimodam rerum externarum, abdicationem asperrimam corporis macerationem adjunxit. Cura illi major animum jejunio, quam cibo corpus reficere. Intetdictis sibi, non carne modo, & lacticiniis, sed pane etiam, & vino per longum tempus, insipidis leguminibus, atque amarissimis herbis libenter vesci, quin etiam certos quosdam dies sine ullo prorsus cibo transigere, sola Eucharistiæ divina dape satis, abundeque refectus. Ad hæc ciliciis, catenis, laminis ferreis, flagris ita se laniabat, ut nudatum aliquando jussu Præsidis ipsius corpus adspici sine horrore non posset; tam foede lacerati artus erant, & sanie manantes. Versabatur nempe ei diu noctuque ante oculos, defixusque erat in animo penitus Christus Jesus, qui ad mortificationem ipsius in corpore suo circumferendam exstimulabat: quæ itidem causâ fuit, cur complura variis in locis humanæ salutis signa statuenda curaret. Qua in re illud prorsus mirabile accidit, quod Crucem quamdam immanis ponderis, quæ simul adhibitis multorum viribus dimoveri vix poterat, unus ipse prodigioso volatu facillime sustulit, atque ubi destinaverat, attonitis præ stupore, qui aderant, collocavit. Ejusmodi autem cum volatu ecstases ita crebræ, & mirabiles in eo fuere, ut Patrum, & Majorum nostrorum memoriâ nemo fortasse facile inveniatur, qui earumdem

dem vel frequentia, vel magnitudine JOSEPHUM æquiparet. In celebrioribus numeratur ea, cujus recol. mem. Urbanus Papa VIII. Prædecessor Noster spectator, & testis fuit; alia item in Nostra Patriarchali Basilica Assisensi, cum depictam in fornice Deiparæ Virginis Mariæ imaginem conspicatus, statim ad eam propius venerandam octodecim e terra palmis sublatus advolavit. Neque vero minus illustris illa, qua in Sacello Novitiorum festo die Conceptionis Beatæ Mariæ Virginis Immaculatæ, quod ille Mysterium eximie colebat, Præsidem amplexus ac secum trahens in aera paullisper, & mox dimittens ipse altius ascendit, Mariam iterum iterumque Pulchram inclamans. Huic volatui geminus est, qui accidit in conspectu Aedis Lauretanæ, quam item ingredientium, & egredientium Angelorum frequentia stipatam eminus vidit. Hæc autem, aliaque id genus, quum adeo crebra essent, ut sacris functionibus, sive in Choro, sive in Ecclesia officere viderentur, Præsilibus visum fuit JOSEPHUM in abdita loca a conspectu, & consortio hominum segregare. Sed hæc, & similia, quæ longum nimis esset singula recensere, mirari fideles possunt, non assequi, atque imitari. Meliora igitur virtutum charismata JOSEPHUS exhibet ad æmulandum. Ac primum quidem obedientiam, quæ cæteras omnes virtutes animo inserit, insertasque custodit. Hujus ille ita studiosus erat, ut ne in minima quidem re ab ejus præscripto discederet, solitus idcirco dicere, obedientiæ regendum se tradidisse veluti cæcum, quem catulus circumducit. Illud autem in hoc genere prorsus mirabile, quod, quum alienato a sensibus animo, sive clamores ederent, sive excuterent ipsum, sive etiam adurerent, nihil quidquam sentiret, una Præsidis vox, tametsi non audita, visionem abrumpens, statim eum ab ecstasi revocabat. Atque huic sane tam insigni obedientiæ tribuenda est perpetua JOSEPHI tranquillitas, atque idem semper vultus, eademque frons tot inter, ac tantas vicissitudines, dum vel Moderatorum Ordinis, vel Sacræ Inquisitionis jussu hac illac errare, ac per triennium etiam ablegatus a suis apud Fratres Capuccinos versari cogitur. Quod quidem divino consilio factum esse non dubitamus, ut illius sanctitas &

progressus in diem majores faceret, & plures ad exemplum testes, ac spectatores haberet. Obedientiæ humilitas non impar extitit, qua fiebat, ut objurgationes, & probra æquissimo ferret animo, & ecstases quandoquidem dissimulare non poterat, infirmitatis, torporis, somnolentiæ nomine obtegere conaretur. Paupertatem adamavit ita, ut perfectum in eo Francisci Filium facile quis posset agnoscere. Quocirca moriturus vere affirmare potuit, nihil apud sese, quod superiori resignaret, ac redderet inveniri. Paupertatem excipit patientia; multa enim, indigna ab hominibus; multa diu a Dæmonibus dura perpessus est, invictus semper, ac similis sui, pari constantia fuit in ariditatibus ac desolationibus, ut ajunt, spiritus perferendis. Castitatem vero, tametsi diuturnâ per Dæmones blandissima quæque objicientes pugnâ tentatam, integram semper, atque incontaminatam servavit. Hujus autem indicium erat non dubium, tum suavissimus odor, quem rebus etiam ab se contactis afflabat, tum horror quidam singularis obscæni flagitii, ut homines eo deturpatos dignosceret, atque ad abluendam, ut ipse loqui solebat, spurcam atramento faciem adhortaretur. Hoc vero tam egregiæ castitatis donum, tametsi tribui magna ex parte possit severissimæ sensuum custodiæ, & corporis, cui numquam pepercit asperrimis per dies, noctesque macerationibus: Deiparæ tamen Mariæ Virginis, quam ille veluti Matrem unice diligebat, atque ab aliis diligendam summo studio curabat, patrociniis, & clientelæ potissimum, acceptum referendum esse non dubitamus. Neque vero illud solum, sed cætera omnia dona, quæ Deus in ipsum tam larga concessit manu, a Beatissimæ Virginis cultu repetenda esse ducebat. Itaque Maria in corde, Maria in ore semper illi erat. Quin autem Beatissima Virgo pulchræ dilectionis Mater sit, & vocetur, JOSEPHUS non modo ipsam suavissime redamare, sed imitari etiam studebat in proximis diligendis. Erga ærumniferos misericors, erga ægros sedulus, erga periclitantes opitulator. Pro scelestis, atque improbis, quorum sæpissime occulta flagitia detegens paterne corripuit, corporis sui afflictationes, Deo quasi piacularem hostiam offerebat. Quin etiam eodem cari-
tatis

(IX)

ratis instinctu pro Hæreticorum conversione, non sine magna corporis afflictatione, Deum deprecatus, ex iis nonnullos ad Catholicæ Ecclesiæ communionem revocavit. Comis præterea, festivus, hilaris illud in ore habebat, Caritate qui præditus sit, eum, tametsi nesciat, divitem esse. Qua quidem ipse adeo excellebat, ut ex iis, quas affert Apostolus Caritatis notas, nullam in ipso requireres. Atque id ipsum ferme dicere licet de iis, quæ gratiæ gratis datæ vocantur, quasque divina liberalitas servis suis impertiri consuevit. Non illi Prophetia defuit, non cordium perscrutatio, non curatio ægritudinum, non Miraculorum facultas, non denique, quod magis mirandum fuit, sapientiæ donum, quo abditissima Theologiæ dogmata homo plane rudis, ac pene idiota perspicue explicabat.

Sed annum jam sexagesimum primum agenti SERVO DEI tempus aderat, quo in Auximano Cœnobio, quemadmodum ipse prædixerat, ab altissima quidem, sed abstractiva ad intuitivam Dei contemplationem evocaretur. Itaque correptus febrî, quæ mensem, eoque amplius tenuit, quum quinta post die, quæ dies erat Assumptæ in Coelum Virgini dicata, sacrum ultimum ad Aram fecisset, editis subinde, præcipue quum mors in propinquo esset, præclaris patientiæ, humilitatis, pietatis, fidei, fiducia, Caritatis actibus, divina Eucharistia refectus, sacra Unctione roboratus; per idemque tempus raptus, atque ecstases suavissimas passus, hilari animo, ridenti ore, vultu cœlesti luce perfuso, ad Deum, quem unice quaesierat, e corporis vinculis evolavit XVIII. Kalendas Octobris anno salutis MDCLXIII.

Statim vero, nec dum tumultato corpore, ac multo magis processu temporis supernaturalibus signis Deus Servi sui gloriam testatam facere cœpit. Quæ causa fuit, cur biennio post de JOSEPHO Beatissimis adnumerando ageretur. Quocirca tribus ob eam rem per Episcopos Neritonensem, Assisiatem, Auximanum confectis processibus, quibus alter accessit ex auctoritate Apostolica; eorundem sinceritate, atque integritate perspecta Prædecessor Noster Innocentius XI. ven. mem., qui JOSEPHI adhuc inter mortales agentis sanctimoniam explorave-

rat, Beatificationis illius Caussam Sacrorum Rituum Coetui commisit. Satis longo post intervallo, tribus, quæ præire solent, habitis in eadem Congregatione Comitibus, quibus tum virtutum excellentia, tum miraculorum veritas ad exactam trutinam revocaretur; tandem Clemens XII. die xv. mensis Augusti anno MDCCXXXV. declaravit constare de Servi Dei virtutibus in gradu heroico. Quod vero ad miracula pertinet, Prædecessor etiam Noster Benedictus XIV. duo præ cæteris insignia, decreto suo comprobavit die iv. Octobris MDCCLII. Primum autem ex iis editum fuit in puero duodenni Stephano de Matthæis, qui ex ictu lapidis vulneratâ, ac discissâ dexteri oculi pupillâ; unde factum erat, ut exhaustis humoribus, oculique proinde orbitâ introrsus depressâ, videndi facultatem amitteret; quum ad BEATUM JOSEPHUM confugiens, sepulchro ejus læsi luminis palpebram admovisset, ipsissimo temporis puncto oculum integrum, venustum, atque ad visum aptissimum recuperavit. Alterum vero patratum fuit in Victorio de Matthæis Parente pueri, de quo dictum est. Hic enim, quum per annos ferme sex alterum genu ex humorum, qui obduraverant, confluxu enormiter intumuisset, ut ingredi, procumbere in genu, nonnisi ægre admodum posset, quam humanitus desperatam, numquam tentaverat, in BEATI JOSEPHI ope, ac præsidio sanitatem invenit. Vix namque affecto genu connixus est insuppeditaneo Altaris, JOSEPHI adhuc ex longo ibi precandi usu vestigia præferente, quum tumore omni sublato, statim incolume, atque expeditum ad motum genu persensit. Itaque idem Benedictus peculiare ob causas compendiarium insistens viam, Literas Apostolicas Beatificationis expediri jussit sub die xx. Februarii anni MDCCLIII., quibus publicatis in Basilica Vaticana, solemnes Beatificationis ejusdem Cæremoniæ peractæ sunt.

Cum JOSEPHO esset indulta veneratio, Omnipotens Dominus per nova signa de augendo Servi sui cultu manifestam suam ostendere dignatus est voluntatem. Proptereaque alii tres Processus Apostolica authoritate super novis miraculis constructi fuere: iisque Congregationis Sacris Ritibus præpositæ judicio

dicio exhibitis: postquam & Processuum validitas, & miraculorum veritas in Congregationibus antepreparatoria die xviii. Septembris MDCCLXIV., & preparatoria die x. Decembris MDCCLXV. perquam diligenter expensa fuit; generalem coram Nobis Congregationem die xxiii. Septembris anni proxime præteriti coegimus, in qua Venerabilium Fratrum Nostrorum S. R. E. Cardinalium, ac dilectorum filiorum Consultorum suffragia excepimus. Sed, ut maturius hac de re deliberarem, ac nostris, & aliorum precibus divinum a Patre luminum auxilium implorarem die xii. Octobris proxime præteriti de tribus sequentibus miraculis per intercessionem BEATI JOSEPHI a Deo patris constare Decretum edi, atque in acta referri jussimus.

Primum miraculum compertum est in Maria Magdalena Panzironi die xxxi. Octobris MDCCLIII. Scyrrhosis tumor in ore Stomachi prægrandis, ac durus pene instar lapidis eo miseram adduxerat, ut motu, colore, pulsu, loquela sensim, deficientibus, desperata a Medicis valetudine justa illi funebria parentur. Sed implorata, prout in illo pene ultimo agone potuit, BEATI JOSEPHI ope, hujusque & reliquiâ digitis puellæ insertâ, & imagine mortifero tumori admotâ, statim convaluit, ac vesperâ ipsâ, qua id contigerat, nullo alterius adminiculo surrexit e lectulo, ac cætera, quæ sani, ac vegeti solent, munia obivit.

Altera naturæ vires exsuperans sanatio contigit in cælibe fæmina Benedicta Pierangelini die xviii. Januarii anno MDCCLVI. Quum enim duæ polyposæ moles vasis cordis adhærentes præpedito liberiore sanguinis cursu, per sexdecim annos male illam habuissent, ut creberrima egeret phlebotomia, atque in præfocationis, & mortis discrimine identidem versaretur; ad extremum, morbo per dies quindecim ingravescente cum lethali paroxismo, sacris, quæ morituros ad felicem exitum juvant, mysteriis munienda fuit. Sub hæc nihilominus in spem erecta BEATUM JOSEPHUM animo invocans, præsentissimum ejus auxilium experta est. Applicatâ enim pectori sacrâ illius reliquiâ gravissimo quidem paroxismo corripitur, sed tamen

men hunc ægra ad valetudinem evasurum interius quodammo-
do perferens videbatur. Tum a Chirurgo consueta sangui-
nis missione facta, quam abnuente Medico Benedicta petierat,
ex incisa vena, quam salvatellam vocant, polyposæ illæ duæ
carnosæ substantiæ moles mirifice prodeuntes, multiplici supernæ
virtutis miraculo, sanam illam, ac sospitem momento temporis
reliquerunt.

Miraculo tertio (quod supra numerum vocant) fanitate
instantaneæ donatus est Bernardinus Senogaliese Mulio. Huic
herpes in ulcus evaserat sævissimo quodam humore manans, qui
& carnes scinderet, & pannos ipsos eroderet. Tum ab ingui-
ne ulcus ad genu perductum, gradiendi facultate intercepta,
dolores præterea ciebat maximos, ut nullam quietis partem
capere liceret. In tanto discrimine, quum pia illius uxor ad
BEATI JOSEPHI opem enixe implorandam in Ecclesiam se
contulisset, ut Mariti in doloris lecto decumbentis precibus &
suas adderet; inter hæc BEATUS ipse JOSEPHUS coram
ægro se sistit, atque illum ad recitandas secum Beatissimæ Ma-
riæ Virginis Litanias adhortatur. JOSEPHO igitur præunte,
respondente ægro ad singulas salutationes, ubi ad eam deven-
tum est, qua Deipara Salus infirmorum vocatur, repente si-
mul cum visione morbus omnis abscessit. Bernardinus e lecto
profiliens expedito gradu pergit ad Templum, impensas Libe-
ratori suo gratias acturus, & postera die suo Mulionis mini-
sterio se reddit valens, ac vicens.

Approbatione miraculorum sequuta, aliam Congregatio-
nem itidem Generalem die xxvii. Januarii proxime elapsi co-
ram Nobis indiximus, ejusque exquisivimus consilium, an mo-
re, institutoque laudabili ipsius Congregationis, & juxta op-
portunas Prædecessorum Nostrorum Constitutiones tuto ad BEA-
TI JOSEPHI Canonizationem procedi posset: Patres omnes in
ea suffragium ferentes unanimi sensu, & validis rationum mo-
mentis omnia, quæ in hujusmodi causa desiderari possunt, fa-
tis abundeque suppetere sunt arbitrati. Verum Nos ab ea die
divinum Nostris, & aliorum precibus implorantes lumen, die
festo Purificationis Beatæ Mariæ Virginis Decretum, quod ad

(XIII)

solemnem BEATI JOSEPHI Canonizationem procedi posset ,
edidimus .

Quoniam autem alias aliqui Christiani Principes , & Præ-
fules Ecclesiarum B. JOSEPHI Canonizationem peroptantes com-
munibus votis , & postulationibus apud Prædecessores Nostros ,
& Nos institerant , & præclarus Ordo Fratrum Minorum SAN-
CTI FRANCISCI Conventualium nuncupatorum assidue aliorum po-
stulationibus , & suas demississimas adjungere , non desinebat ,
ut tandem supremam sententiam ferremus . Nos idcirco com-
pendium vitæ , virtutum , & miraculorum BEATI VIRI , ex
iis , quæ Sacrorum Rituum Congregatio prævio severo examine
admisit , complectens , typisque vulgatum singulis Venerabili-
bus Fratribus Nostris S. R. E. Cardinalibus distribui curavimus ,
ac subinde die xxvii. mensis Aprilis proxime præteriti secre-
tum indiximus Consistorium , in quo iisdem S. R. E. Cardina-
libus summâ virtutum , & Miraculorum BEATI JOSEPHI expo-
sitâ , eorum consilium exquisivimus , an ad solemnem hujus ad-
mirabilis Viri Canonizationem esset procedendum . Cumque
libentissime eorundem Cardinalium animi sensus audivissemus
oretenus affirmantium , id ipsis placere : ut adhuc in hac re
maturius procederemus , Venerabiles etiam Fratres Nostros Ar-
chiepiscopos , & Episcopos in Italia degentes de hoc consilio
certiores fieri curavimus , eosque hortati fuimus , ut ad Ur-
bem accederent , Nobisque in re tanti momenti adessent : eos
quoque per idem Compendium typis vulgatum de Causâ to-
tius serie , atque virtutibus , & miraculis BEATI JOSEPHI ad
plenum edoceri curavimus , & publico coram Nobis die vii.
nuper elapsi mensis Maji , habito Consistorio , cui præter S. R. E.
Cardinales , Patriarchæ quoque , Archiepiscopi , & Episcopi in
Urbe congregati interfuere , in illo de Mandato Nostro dile-
ctus filius Philippus Durani Consistorialis Aulæ Nostræ Advoca-
tus dilucida oratione integram causam exposuit .

Hisce itaque præmissis , aliud die xv. mensis Junii subse-
quentis coegimus Consistorium , in quo præter eosdem S. R. E.
Cardinales , & Patriarchas , Archiepiscopos , & Episcopos , etiam
No-

Nostros, & Sedis Apostolicæ Notarios, Prothonotarios nuncupatos, ac duos Seniores ex Caussarum Palatii Nostri Apostolici Auditoribus adstare mandavimus. In eo siquidem Nos ipsi verba fecimus, omnesque rogavimus, ut sensum suum aperirent, an Sancti cultus, & honos B. JOSEPHO jure ac merito a Nobis decerni posset. Cumque universi summa consensione B. JOSEPHI Canonizationem probarent, & singuli benedicentes Domino BEATUM JOSEPHUM inter Sanctos numerandum esse responderent, Nos prolatorum suffragiorum exempla a singulis subscripta colligi, & in Tabularium S. R. E. inferri, atque ab Apostolicæ Sedis Notariis publicum ea de re instrumentum confici mandavimus.

Publicas deinde orationes, & dies generalis jejunii per Urbem indiximus, & tres Patriarchales Basilicas designavimus, in quibus Sanctissimum Christi Corpus publicæ venerationi per triduum exponi jussimus, omnes Christifideles hortando, ut Omnipotentem Dominum Nobiscum precantes spiritum sapientiæ, & intellectus Nobis impertiretur, quo duce quid ei placitum esset dignosceremus.

Hiscæ omnibus rite absolutis, quæ ex Sacris Constitutionibus, Romanæque Ecclesiæ consuetudine peragenda erant, hac die demum Beatæ Mariæ Virgini de Monte Carmelo nuncupatæ dicata, qua a felicis recordationis Gregorio Papa IX. etiam Prædecessore Nostro BEATUM FRANCISCUM ejusdem Ordinis Minorum Fundatorem, Sanctorum Canoni adscriptum fuisse perhibetur, & qua decimus inchoatur annus a peracta Coronatione Nostri; in Basilica Principis Apostolorum splendide, ac magnifice ornata, ad quam servatâ supplicationis publicæ formâ Nos præcesserunt omnes Cleri Sæcularis, & Regularis Ordines, & Ministrorum Romanæ Curiæ Collegia, unacum Venerabilibus Fratribus Nostri S. R. E. Cardinalibus, necnon Patriarchis, Archiepiscopis, & Episcopis; priusquam immaculatam hostiam solemnem novæ Legis sacrificio Omnipotenti Deo offerremus, instante iterum iterumque dilecto Filio Nostro Carolo Tituli Sancti Clementis S. R. E. Presbytero Cardinali Rezzonico nuncupa-

to,

to, ejusdem S. R. E. Camerario, ad Canonizationem impetrandam Procuratore constituto, decantatis Sacris Ecclesiæ precibus, ut Deiparæ Virginis, Angelorum, & Sanctorum omnium cum Christo Regnantium intercessione divinam opem implorarem, ac Paraclito Spiritu cum gemitibus, ut adesset, invocato; ad honorem Sanctæ, & Individuæ Trinitatis, ad exaltationem fidei Catholicæ, & christianæ Religionis augmentum, auctoritate Domini Nostri Jesu Christi, Beatorum Apostolorum Petri, & Pauli, & Apostolicæ auctoritatis plenitudine, ac de Venerabilium Fratrum Nostrorum S. R. E. Cardinalium, Patriarcharum, Archiepiscoporum, & Episcoporum in Urbe existentium consilio, & assensu ipsum BEATUM JOSEPHUM A CUPERTINO Sacerdotem Ordinis Fratrum Minorum SANCTI FRANCISCI Conventualium nuncupatorum expresse professum, unacum BEATIS JOANNE CANTIO, JOSEPHO CALASANCTIO A MATRE DEI, HIERONYMO ÆMILIANI, SERAPHINO A MONTE GRANARIO, AB ASCULO denominato, & JOANNA FRANCISCA FREMIOT DE CHANTAL Sanctum esse decrevimus, definivimus, ac Sanctorum cathalogo adscriptimus, illumque ab Universis Christifidelibus, tamquam vere Sanctum, religioso cultu honorari mandavimus, prout etiam tenore præsentium definimus, decernimus, & declaramus: Statuentes, & concedentes, ut ab universali Ecclesia in ejus honorem Ecclesiæ, & Altaria, in quibus sacrificia Deo offerantur, ædificari, & consecrari, & singulis annis die a Benedicto Prædecesore præfato in Literis illius Beatificationis præscripto, nempe decima octava Septembris ipsius SANCTI JOSEPHI A CUPERTINO inter Sanctos Confessores ab Ecclesia memoria recoli possit. Eademque auctoritate omnibus Christifidelibus, qui eadem die annis singulis ad Sepulchrum, in quo Corpus ejusdem SANCTI JOSEPHI requiescit, visitandum accesserint, perpetuò septem annos, & totidem quadragenas de injunctis eis aut alias quomodolibet debitis pœnitentiis, misericorditer in Domino in forma Ecclesiæ consueta relaxamus.

Sub hæc Æternum Patrem, Regemque gloriæ Christum Dominum Patris sempiterni Filium, & Sanctum Paraclytum Spiritum, unum Deum ac Dominum, cum debita gratiarum actione venerati, omnibusque Christifidelibus ibi præsentibus plenariâ peccatorum remissione, & indulgentiâ concessâ; supra Beati Petri Confessionem Sacrosanctum Missæ Sacrificium solemniter celebravimus factâ eorundem Sanctorum speciali commemoratione.

Laudum igitur, & gratiarum debita Omnipotenti Deo præconia referamus, qui novis semper Ecclesiam suam & exemplis instruit, & decorat ornamentis; ita quidem ut in BEATUM JOSEPHUM intuentes, videant hæretici, & resipiscant, vel fracti pudore contabescant, dum Religionis Orthodoxæ tam perspicuas notas agnoscunt. Videant præcipue Catholici, & imitari studeant quod celebrare delectat: Quod si SANCTI JOSEPHI raptus, atque ecstases assequi in nostra non est potestate, sed in Dei imperscrutabili voluntate, qui dividit singulis, prout vult; illud tamen profecto conari & possumus, & debemus, ut avulso a terrenis animo, corpore quidem peregrinissimus, atque advenæ, spiritu vero Cives Sanctorum, & Domestici Dei. Flagrantissimus illius erga Deum amor vim suam vel in corpus exeruit, perinde quasi in antecessum agilitatis dotem induisset. Nobis illud satis sit, ut per pias, & crebras divinarum rerum meditationes mens expedita, atque alacris ad Cœlum affurgat.

Quoniam vero, hisce omnibus de more peractis, idem Carolus Cardinalis, & Procurator designatus, a Nobis, quo par erat obsequio, postulavit, ut Apostolicas Nostras Literas in gestorum omnium perenne monumentum decerneremus; Nos petitioni perquam libenter annuentes, præsentibus Nostras Literas edi, & palam fieri demandavimus: Statuentes earundem exemplis etiam impressis, ab aliquo ex Notariis publicis subscriptis, & sigillo Personæ in Ecclesiastica dignitate constitutæ munitis eandem prorsus fidem ab omnibus adhiberi, quæ ipsis originalibus literis adhiberetur, si forent exhibitæ, vel ostensæ.


Nulli

(XVII)

Nulli ergo omnino hominum liceat paginam hanc nostræ definitionis, decreti, adscriptionis, mandati, statuti, concessionis, relaxationis, & voluntatis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, ac Beatorum Petri & Pauli Apostolorum ejus se noverit incursum.

Datum Romæ apud Sanctum Petrum, Anno Incarnationis Dominicæ MDCCLXVII. Decimoseptimo Kalendas Augusti, Pontificatus Nostri Anno Decimo.

✠ Ego Clemens Catholicæ
Ecclesiæ Episcopus.



- ✠ Ego C. A. Episcopus Ostien. & Veliternen. Card. Cavalchini Sacri Collegii Decanus.
- ✠ Ego F. M. Episcopus Portuen. & S. Rufinæ Card. Lantes.
- ✠ Ego J. F. Episcopus Sabinen. Card. Albani.
- ✠ Ego H. Episcopus Tusculan. Card. Dux Eboracensis S. R. E. Vicecancellarius.
- ✠ Ego F. Episcopus Albanen. Cardinalis Serbellonus.

✠ Ego

✱ Ego J. F. Episcopus Prænestin. Card. Stuppanius .

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

Ego C. Tit. S. Clementis Presbyter Card. Rezzonico S. R. E. Ca-
merarius .

Ego F. M. Tit. Sancti Silvestri in Capite Presbyter Cardinalis
de Rubeis .

Ego J. M. Tit. S. Alexii Presbyter Card. Castelli .

Ego C. Tit. Sancti Petri ad Vincula Presbyter Cardinalis Ele-
phantinus .

Ego P. H. Tit. SS^{ma} Trinitatis in Monte Pincio Presbyter Card.
Guglielmi .

Ego P. P. Tit. S. Stephani in Monte Caelio Presbyter Card. de Co-
mitibus .

Ego Fr. L. Basilica Sanctorum XII. Apostolorum Presbyter Card.
Ganganelli .

Ego M. A. Tit. Sanctæ Mariæ de Pace Presbyter Cardinalis Co-
lumna .

✱ Ego

- ✱
- ✱
- ✱
- ✱
- ✱
- ✱
- ✱ Ego S. Tit. S. Joannis ante Portam Latinam Presbyter Card.
Buonaccorsi .
- ✱
- ✱ Ego J. C. Tit. SS. Johannis & Pauli Presbyter Card. Boschi Major
Pœnitentiarius .
- ✱ Ego L. Tit. S. Anastasiæ Presbyter Card. Calinus .
- ✱
- ✱ Ego A. Tit. Sanctæ Mariæ in Via Presbyter Cardinalis Columna
Branciforti .
- ✱
- ✱
- ✱ Ego P. Tit. S. Mariæ Transtiberim Presbyter Cardinalis Pam-
philius .
- ✱
- ✱ Ego Ph. M. Tit. S. Chrisogoni Presbyter Card. Pirellius .
- ✱ Ego A. Sanctæ Mariæ in Via-Lata Prior Diaconorum Cardinalis
Albanus .
- ✱ Ego N. S. Eustachii Diaconus Card. Corsinius .
- ✱ Ego D. Sanctæ Mariæ ad Martyres Diaconus Card. Ursinus .
- ✱ Ego Fl. Sanctæ Mariæ in Porticu Diaconus Card. Chisus .
- ✱ Ego A. M. Sanctæ Agathæ ad Suburam Diaconus Cardinalis Tor-
rigiani .
- ✱
- ✱ Ego J. C. Sancti Cesarei Diaconus Card. Caracciolus de Sancto
Bono .
- ✱ Ego N. Sancti Georgii in Velabro Diaconus Card. Perrelli .
- ✱ Ego A. Sancti Angeli in Foro Piscium Diaconus Cardinalis Cor-
sinius .

✱ Ego

✱ Ego A. Sanctorum Viti & Modesti Diaconus Cardinalis Nigronus .

✱ Ego Ae. S. Sancti Adriani Diaconus Card. Piccolomineus .

✱ Ego X. Sancta Maria de Scala Diaconus Card. Canale .

✱ Ego B. Sanctorum Cosma & Damiani Diaconus Cardinalis Veterani .

✱

✱

✱

✱

✱

✱

C. Card. Pro-Datarius . A. Card. Nigronus .

V I S A

De Curia J. Manassei .

L. Eugenius 4

Loco ✱ Plumbi .

Registrata in Secretaria Brevium .



Seal 11343

SANCTISSIMI IN CHRISTO PATRIS
ET DOMINI NOSTRI DOMINI

C L E M E N T I S

DIVINA PROVIDENTIA

P A P Æ XIII.

L I T E R Æ D E C R E T A L E S

S U P E R

C A N O N I Z A T I O N E

B. JOSEPHI CALASANCTII

A M A T R E D E I

Fundatoris Ordinis Clericorum Regularium
Scholarum Piarum.



R O M Æ M D C C L X V I I .



Ex Typographia Reverendæ Camerae Apostolicæ.

SAUCTISSIMI IN CHRISTO PATRIS
ET DOMINI NOSTRI DOMINI

CLEMENS

DIVINA PROVIDENTIA

PAPAE XIII.

LITTERAE DECRETALES

SUPER


CANONIZATIONE

B. JOSEPHI CALASANTII

A. MATTHEI DE

Typothecae Ordinis S. Basilii Regularium

Scholae Cracoviensis



ROMAE MDCCCLXVII.

Ex Typographia Reverendae Camerae Apostolicae.



CLEMENS EPISCOPUS

SERVUS SERVORUM DEI

Ad perpetuam rei memoriam.



DMIRABILIS sane Omnipotentis Dei providentia, tum in constituenda, tum in facta re-
 ctaque servanda Ecclesia, quam Christus ac-
 quisivit sanguine suo, jam inde ab ejus pri-
 mordio ad hanc usque diem illustribus, &
 præclarissimis, ut ab omnibus facile conspici
 possent, sese prodidit argumentis. Per omnes

enim ætates benignissimus Deus homines in ea sanctissimos ex-
 citavit, qui studio alienæ salutis incensi juvandis quoquomodo
 fidelibus adlaborarent. Quum autem cujuscumque ætatis homines
 Sanctorum virorum studio atque opera indigeant, ne ignoran-
 tiæ tenebris obcæcati meliora non videant, vel etiam si videant,
 a concupiscentia sua abstracti, & illecti deteriora sequantur;
 tenera profecto & puerilis ætas singularem quamdam & præ-
 cipuam curam requirit, ne sibi relicta atque inculta, volupta-
 tum lenocinio, paulatim ad vitia defluat, sensus quippe & co-
 gitatio humani cordis in malum prona sunt ab adolescentia
 sua. Quapropter tametsi Christus Dominus omnes promiscue
 ad se accedentes humanissime exciperet, pueros tamen eximio

quodam amore complectens, finite, inquit, parvulos venire ad me. Novissime vero cum rediturus ad Patrem Beato Apostolo Petro, quem Vicarium in Terris suum constituerat, Ecclesiam sibi carissimam regendam, & pascendam committeret, Oves quidem, per quas Adulti intelliguntur, non amplius quam semel, Agnos vero, quibus Pueri designantur, semel atque iterum commendavit.

Itaque quum B. JOSEPH CALASANCTIUS a MATRE DEI, genere, doctrinâ, virtute præstans, secum animo reputaret in optima Puerorum institutione spem Reipublicæ Christianæ certissimam positam esse, & pueros videret, inopes præsertim, atque infimæ fortis, propterea quod idoneâ, & singulari disciplinâ carerent, velut Agnos sine Pastore hac illac errabundos, & vagos facile ad vitia deflectere, pro eo, quo flagrabat, alienæ salutis studio hanc sibi, despicabilem forte apud homines, apud Deum vero gloriosam provinciam deposcens, ad eosdem, a teneris usque annis literis ac pietate informandos animum appulit. Et primo quidem suâ, atque aliorum ab se conductorum operâ usus est ad id muneris, in quo nimirum charitas simul, atque humilitas mutuam sibi operam dabant. At processu temporis reputans pium istud opus defuncto sibi superstes esse non posse; novum in Ecclesia Dei Regularem Ordinem excogitavit, sapienter, & per summam patientiam instituit, cujus labore atque industriâ, quod sancte ipse & utiliter inchoasset, in omne deinceps tempus maneret. Quot autem, quantosque labores exhausserit, ut cogitata perficeret, quam constanti animo aspera quæque toleraverit, quam præclara denique virtutum omnium, cunctis quidem fidelibus, sed suis potissimum Filiis monumenta reliquerit, dici vix potest.

Quapropter quum bonorum operum Author idem, & largissimus remunerator Deus, qui BEATUM hunc Servum suum tot, & tam præclaris virtutibus decoravit, easdem subinde, editis per ipsius Servi sui invocationem miraculis ostendere, & palam facere dignatus fuerit, Nos idcirco virtutum, & miraculorum examine habito perquam diligenti, in consilium adsci-

tis Venerabilibus Fratribus Nostriſ S. R. E. Cardinalibus, auditis etiam Patriarchis, & pluribus Archiepiſcopis & Episcopis in Urbe congregatis, ac divino Spiritu humiliter invocato, eundem B. JOSEPHUM Sanctorum numero adſcribimus, atque eo, qui Domesticos Dei decet, in Coeleſti Curia honore & cultu proſequendum eſſe ſtatuimus & declaramus.

BEATUS igitur hic SERVUS DEI Peraltæ Salis Aragoniæ Oppido non incelebri, anno a reparata ſalute MDLVI. Parentibus natus eſt antiqua nobilitate clariffimis. Jam inde a teneris annis ſuavitate morum, lenitate, patientia, precandi ſtudio, cultu Deiparæ ſingulari, qualis futurus eſſet haud obſcure indicavit. Grandiuſcula mox ætate pueros munuſculis ad ſeſe alliciens, avocare a vitiis, ad virtutem impellere, ad Dei cultum hortari ſolebat, ut proinde Sancti apud omnes nomen & famam adeptus, inſtituendo ab ſe Ordini proludere quodammo- do videretur. Humaniorum artium doctrinâ ſatis jam excultus ad præſtantes Jurisprudentiæ, ac Theologiæ facultates animum appulit, atque in iis quidem nulli ſecundus; innocentiam vero, caſtimoniâ, integritate morum ſupra cæteros eminebat. Quod enim tempus plerique adoleſcentum ludis atque otio, religionis ille ac pietatis officiis impertiebat. Solitudinis ſtudioſus continebat ſe domi, niſi vel ad templum pietas (quod frequens erat) vel neceſſitudo, ſtudioſumque communio ad æqualem quandoque conſuetudinem, & colloquium vocaret. Neque vero in illo aut modetiæ comitas, aut comitati modetiâ officiebat. Largiffima erat in eo erga inopes, atque egenos miſericordia. Ardor animi erga res divinas præſertim cum ad Sacra Myſteria, uti crebro ſolebat, accederet, ita ex vultu ipſo atque ore emicabat, ut in admirationem ſui oculos intuentium raperet. Pudor autem proſus in eo ſingularis, ut vel in tenera adhuc ætate, morbo licet urgente, nemini umquam, ne Matri quidem corpusculi ipſius partem ullam adſpicere nudam licuerit.

Ilerdæ non aliâ utique, quam eximiæ ſuæ commendatione virtutis, cunctis quum Magiſtrorum, tum Condiſcipulorum ſuffragiis univerſæ ſtudioſæ juventuti præfectus, ac princeps re-

nunciatus, ejusmodi honore, ac munere sic functus est, ut qua voce, qua exemplo (quod quidem suavissimum, idemque efficacissimum monendi genus est) segnes ad studia, dissidentes ad concordiam, improbos ad virtutem adhortaretur. Et quidem industriae suae fructum tulit, quem maxime optarat. Alia enim jam facies extitit juventutis in Scholis, in Templis, in Nosocomiis, ut propterea qui tam praecclare meritum de Scholis JOSEPHUM susciperent, eundem veluti delapsum e Coelo Angelum venerarentur.

Itaque coram eo nemo erat, qui impudenter dicere aliquid, vel indecore facere auderet. Tam spectatam virtutem, ac praesertim animi castimoniam teterrimus humani generis hostis ferre non poterat. Itaque ad eam labefactandam usus est impudentiam nobilis cujusdam foeminae, quam JOSEPHUS veterem suae cum familia illius necessitudinem retinens, invisere, subinde consueverat. Sed castissimus Juvenis blandientis foeminae illecebras tantam animi exhorrescentis constantiam elusit, ac respuit, ut non satis haberet, quod e domo illa, tamquam ex infami scopulo sese proripuisset; nisi etiam ex Urbe ipsa, uti praestitit, alio demigraret, ut alterius magis, vel famae, vel pudicitiae, quam castimoniae suae periculum declinaret. Post gratias igitur impense actas Deiparae, cujus tam praesentem in eo discrimine opem expertus erat, instaurato etiam virginitatis voto, statim Complutum profectus est, ubi novum innoxio quantumvis corpori ciliciis, inedia, vigiliis bellum indixit.

Peraeto denique studiorum curriculo, lauream donatus, tamen non dum Sacris majoribus initiatus ab Episcopo Jaccae socius laborum adscitus est, non sine magna Dioecesis utilitate. Jam vero mortuo Fratre sine liberis, a Parente in spem Familiae destinatus ad nuptias, morbo interveniente periculoso atque anticipi, ab iis sese expedivit. Quum enim ad mortem decumberet, in eo temporis articulo facile a Parente JOSEPHUS obtinuit, ut, si convalesceret, coelibem agere vitam liceret. Itaque praeter omnem opinionem recuperata valetudine Sacrorum Ordinum susceptione ut primum potuit, totum se Deo mancipavit. Neque

vero

verò diu licuit JOSEPHO sibi uni vacare. Cognita enim illius pietas, sapientia, integritas fecit ut a pluribus Episcopis in Pastoralis sollicitudinis partem advocaretur. Quibus ille quidem non mediocri laborum fructu operam egregie navavit, præsertim in Urgellensi Dicecesi, quum commissum sibi peculiaris asperrimorum locorum visitationis munus expleret. Multa sibi relata in melius, multa provisã prudenter, magnis propterea exhaustis laboribus, atque adeo non semel adito vitæ periculo. Barcinonem deinde Regiã missus autoritate scissam in factiones duas Civitatem, atque in mutuas mox cædes fædissime ruituram (quod optare magis, quam sperare Cives possent) ad concordiam & pacem consilio, & suis ad Deum precibus revocavit. Charitatis hoc & prudentiæ; illud animi demissionis fuit, quod, ut paratos sibi honores defugeret, oculis, atque aspectui plaudentium sibi Civium sese subducens, Urgellam statim reversus est, a qua tamen majus quoddam humilitati suæ instare ab Rege periculum suspicatus, ob rem tantam jam pervulgatam, haud ita multo post proficiscens ætatis suæ anno secundo supra trigessimum Romam, quò divinitus vocabatur, se contulit.

Vitam in Urbe JOSEPHUS absconditam cogitabat: sed a Cardinali Columna, qui præstantiam illius ab Episcopo Urgellensi cognoverat, in Aulam suam adscitus est, ut sibi Theologus a studiis, ac Fratris Filio præterea optimæ spei adolescentulo morum magister esset. Verum non is erat JOSEPHUS, qui Aulæ honoribus caperetur, cum non semel Dignitates amplissimas repudiaverit. Illud enim sibi proposuerat jamdudum ut Deo maxime, & proximorum saluti inserviret. Itaque, ut amplæ laborum, & meritorum seges suppeteret, quinque se celeberrimis Romæ sodalitatibus adscribi voluit, earumque sanctissimas leges sublevandis pauperibus, invisendis ægris, erudiendis agrestibus, ac plebeiis tam sedulo, ac naviter observabat, ut incenso suo studio ceteros omnes ad eadem charitatis officia inflammaret. Grassante per Urbem lue, hic enim vero, si umquam antea, quid christiana charitas possit, maxime ostendit. Nul- lum enim ab eo erga ægros, & pauperes officium defuit. Quæ quidem in re misericordiæ, atque humilitatis assidua erat exerci-

tatio , Talis namque ac tantus vir , onustum cibariis , ac pharmacis asellum per vias agere , & cum Sancto Camillo de Lellis , cui se socium addiderat , ad egentium , atque ægrotantium domos deferre nequaquam erubescerat . Neque vero cum juvandis proximis tantum temporis impertiret ; spatium illi deerat ad ea , quæ cultus Dei sunt , obeunda . Etenim ut præter cætera , quæ sibi proposuerat , Religionis officia , septem Urbis Ecclesias , quod a multis jam annis solemne habebat , inviseret , e nocturna quiete partem sibi maximam detrahebat .

Sed majus profecto aliquid , quod non ad Urbem modo , sed ad Christianam Rempublicam pertineret , JOSEPHUS aggressus est . Quum enim vir æternæ proximorum salutis maxime studiosus videret pueros , præsertim infimæ sortis necessaria instructione carere ; qua ex re cum inscitia passim vitia inolecerent , primo quidem sumptu suo Magistros quæsit , qui pueros , præcunte ipso , ac pauperrimos sibi deposcente , primis literarum , ac christianæ doctrinæ elementis imbuerent . Sed quum id ad tempus dumtaxat , & paucis profuturum intelligeret , novum quoddam Institutum meditatus est , cujus operâ assidua illa charitatis in edocendis adolescentibus exercitatio perpetua maneret : quod quidem Institutum , cum peculiarem potissimum profiteatur curam circa puerorum eruditionem , adeo ab omnibus commendari , & expeti cœpit , ut ipse JOSEPHUS adhuc vivens in septem Provincias late per Orbem diffusas , benedicente Domino , propagatum conspexerit .

Sed quam multas , quamque acerbis ob eam rem a domesticis ipsis , nedum ab aliis injurias , calumniasque pertulerit , haud facile dictu est . Illud sit instar omnium quod felicis recordationis Benedictus XIV. Prædecessor Noster , ut perhibent , aspera quæque atque indigna , quæ Servo Dei ad extremam usque ætatem subeunda fuerunt , animo reputans ; JOSEPHUM Jobum alterum appellare non dubitavit . Hujusmodi autem incredibilis patientia , atque animi æquitas tunc maxime enituit , cum ex infanda calumniatoris nequissimi delatione comprehensus , ac tota spectante Urbe , satellitum manu stipatus , ad carceres perductus fuit , ut hominibus quidem ludibrio , Angelis vero admira-

ratio-

rationi esset & gaudio . Etenim mitissimo atque humillimo viro, qui statim compertus innocens, ut impactæ calumniæ labes abstergeretur, summo cum honore cunctis plaudentibus domum reductus est, expetendum id magis visum fuit, quam dolendum. Illud utique dolendum maxime, atque acerbum accidit, quod vineam ab se tanto labore, ac studio plantatam, quæque palmites suos longe lateque extenderat, dissipatam jam, atque a singulari Fero pene exterminatam conspexit .

Attamen in his etiam rerum asperitatibus ne vestigium quidem de gradu constantiæ dejectus, ostendit quam vere scriptum sit: Justum non contristare quidquid acciderit . Contumeliis enim & conviciis laceffitus impudentissimis, ita se gerebat, ut iis delectari videretur . Obtrahentibus suis, quos coercere facile potuisset, non aliam rependit vicem, quam quæ a Christo præscripta est, ut bene scilicet precaretur iis, a quibus injuriam acceperat . Sed & Deus ipsi tam admirabili patientiæ coelestem aliquam vel in terris mercedem rependit . Deiparam enim cum puero Jesu videre meruit sibi, & commissis suæ disciplinæ adolescentulis benedicentem . Illius modo vultus inter orandum, modo corpus totum, dum Sacris operatur, coelesti lumine circumfusum, atque e terra sublime conspectum est . Illum in cubiculo preces fundentem Beatissima Virgo adspectu, alloquioque suo recreavit . Dono præterea Prophetiæ non caruit, qua vel futura prædiceret, vel arcana cordium penetraret . Absentibus invocatus præsto erat . Filiis suis pariter longo licet intervallo disjunctis aderat, ut vel moneret, siquid forte deliquissent, vel parantibus ad eum scribere in ipso articulo temporis responderet . Ejus item contactus ægrotantibus salutaris erat, præsentia Dæmonibus formidolosa .

Sed jam suprema dies aderat, qua JOSEPHUS ejusdem præsciis, post labores tam multos, post tam longas ærumnas sempiternâ quiete ac beatitudine potiretur . Itaque correptus morbo, quem Medici levem, & ultimum ipse affirmabat, christianarum virtutum, earumque maxime, quæ id tempus posceret, in occursum Domini parare se impense studebat . Morbi autem vim non patientia modo ipsius, atque animi æquitas, sed etiam

Beatissimæ Virginis, aliorumque cœlitum visiones suavissimæ leniebant. Inter eas porro illa utique jucundissima, qua eadem Dei Mater sese illi conspiciendam dedit, complurium, qui religiosæ illius disciplinæ Alumni fuerant numero comitata. Aliâ præterea visione Servum suum Deipara cum Sanctissimo Filio suo recreavit, pollicita insuper fore ut Ordo ab ipso institutus, de quo sollicitus erat, ne forte interiret, protegente se refloresceret. Quod quidem, cum ad erigendos in spem suos magnopere pertineret, existimavit se salvâ modestiâ posse id eisdem palam facere, atque adeo debere. Sanctissimo deinde Corporis Christi viatico roboratus quatuor e suis Alumnis in Vaticanum mittendos duxit: duos quidem qui Sancti Apostolorum Principis æneam Statuam venerati pium illius pedibus osculum darent, ceu testem Catholicæ Romanæ Fidei, in qua emori, uti vixerat, Josephus optabat: alios vero duos, qui a Summo Pontifice Christi Vicario plenam culpæ omnis, ac poenæ remissionem, ipsius nomine, peterent, atque impetrarent. Sacrâ demùm unctione munitus, lacrymas inter, ac preces suorum, sublatis ad cœlum oculis, & pendentis e cruce Christi imaginem oscularus, post invocationem suavissimi Jesu nominis ter iteratam, sui compos, & sensibus valens, pacatissimum Conditori suo spiritum reddidit, octavo Kalendas Septembris anni Domini MDCXLVIII. Illud autem sane admirabile, quod e tam cari Parentis obitu non mæror, ut affolet, sed inusitata quædam lætitia filiorum ipsius animos repente occupavit, manantibus jam præ gaudio lacrymis, quas antea dolor expresserat. Defuncti corpus majestatem quamdam præferens rapiebat oculos, suavemque, ac cælestem utique odorem efflabat. Jamverò virginalis illius eximii pudoris etiamsi alia nulla, dum inter mortales ageret, indicia extarent, illud unum satis abundeque foret, quod mortuus edidit plane admirandum. Quum enim Cadaver, detracto ut ablui posset indusio, nudatum esset, manus illius dextera, nullo alterius impulsu, statim partes eas cooperuit, quas verecundia conspiceri vetat: atque ut evidentius adhuc tam singulare pudoris studium appareret, dimotâ per eos, qui aderant, mortui dexterâ, sinistra pariter nemine impellente ad partes eas obtegendas dexteræ vicem supplevit.

Jam-

Jamvero cum SERVI DEI corpus ad Sacram Ædem Sancti Pantaleonis afferetur, quadriennis puer: En Sanctus inclamavit, ore lactenti, en Sanctus advenit. Magnus deinde concursus totius ferme Urbis ad funus illius celebrandum, præsertim post miracula, quæ complura statim patrari per invocationem SERVI DEI coepta sunt. Quæ cum ad aures felicitatis recordationis Innocentii Papæ X. Prædecessoris Nostri pervenissent, tum ipsius, tum Cardinalis in Urbe, ejusque Districtu Vicarii nomine Religiosis ipsius Filiis, qui spectatores, ac testes extiterant, demandata cura est, ut ea fideliter, atque accurate perscriberentur, ad eorum deinde, quorum interest, examen debitum revocanda. Quum autem novis in dies miraculis SERVI DEI Sanctitas coruscaret, ejusque fama increbesceret, Cardinalis primum in Urbe Vicarii, Apostolica deinde auctoritate coeptum est agi de Virtutum illius excellentia. Quæ quidem cum in Congregatione S. R. E. Cardinalium Sacris Ritibus præposita, communi Patrum judicio ad heroicum gradum pertigisse constaret, sanctæ memoriæ Benedictus XIII. Prædecessor Noster eorundem judicium decreto suo confirmavit die octava Septembris MDCCXXVIII. In Miracula deinde auctoritate Apostolica per tres Episcopos inquisitum, iisque rite in acta relatis, ac duobus ex illis Patrum suffragio dignis probatu compertis, ejusdem memoriæ Benedictus XIV. Noster item Prædecessor, consulto multis precibus Deo, Patrum judicium, acceptâ divinitus auctoritate, ratum habuit, atque approbavit die Maji decima anni MDCCXLVIII.

Ac primum quidem Miraculum patratum est in Margaritha Tanteri Virgine Florentina, quæ decenni aneurismatâ in ultimum vitæ discrimen adducta, post imploratam JOSEPHI opem, puncto temporis integram valetudinem recuperavit. Miraculum alterum conspectum est in Christina Ceccherina Virgine ex eadem itidem Civitate Moniali, inter eas, quæ Cappuccinæ vocantur. Hæc enim per septennium variis simul morbis implicata, ut immobilis jam citra spem ullam decumberet, opitulante JOSEPHO, perfecte atque integre, divinitus repente convaluit. Quum igitur de JOSEPHI virtutum heroica excellentia, & perspicua miraculorum nota satis abundeque constaret, laudatus Benedictus XIV. nihil amplius cunctandum ratus, die VII. Augusti anni ejusdem MDCCXLVIII.

MDCCXLVIII. datis Apostolicis literis, JOSEPUM Beatorum fastis adscripsit.

Sed novis subinde coelestibus signis, SERVI SUI Sanctitatem Deo declarante, ut reliqui summi honores JOSEPHO decerni possent, auctoritate Apostolica de recentioribus, quæ ferebantur per eundem patrata miracula, quæstio de more instituta est; quâ feliciter expletâ, duo potissimum præ cæteris Patrum Sacrorum Rituum Congregationi præpositorum calculo probatu digna sunt habita, & Nos ipsi probavimus die xxv. Maii MDCCLXVI. Ac primum quidem editum est in Maria-Constantia Caminati Genuensi Virgine, Moniali in Monasterio Ordinis Sanctæ Claræ extra mœnia Civitatis Tuderti. Phtisim illa jamdudum paterna in domo contraxerat, quam aliquamdiu dissimulatam celare amplius non potuit. Per undecim ipsos annos, assidua febris deteriora in diem symptomata tertium morbi illius gradum clare indicantia; Scirrhus in jecore duro extrinsecus, & late fuso tumore se pandens, aliaque exinde subnascencia morborum genera eò jam ægram adduxerant, ut pelle dumtaxat atque ossibus, nulla prætera corporis parte constare videretur. Itaque non semel extremo sacramentorum subsidio munita, nihil jam aliud apperiri poterat, quam ut e consumpto corpore anima demigraret. Sed desperatam humanitus valetudinem pia Monialis per BEATUM JOSEPHUM divinitus est consecuta. Quum enim brevi, quam morbus in lectulo sineret, novemdiali prece illius se patrocinio commendasset, die ipsâ, quæ nona & postrema erat institutæ precationis, placide confopita, & somno (quod numquam antea contigerat) diu producto, morbi vim omnem discussam sensit. Eodem tempore color vultui, vires corpori redditæ, quodque magis utique mirandum fuit, caro non modo restituta, sed ea visa est addita, quæ fortasse nunquam extiterat. Neque vero integra tantum fuit valetudo, sed etiam perpetua.

Altera superans naturæ vim sanatio contigit Vincentiæ Buada Valentiniæ. Hæc enim tres vel quatuor annos nata, ex gravi lapsu; (dum per ludum ab imprudenti quopiam jactatur in aera, & excipitur) luxatis aliquot spinalis medullæ vertebra, gravibus primum morbis, perfectâ dein comprehensa fuit paralyti, ita quidem ut crura ob interclusos succi vitalis meatus, arida jam, ac

pene

penè lignea motum & sensum omnem amisissent. Conversa igitur puella ad cœlestem opem, quandoquidem in humanis remediis nulla jam reliqua spes erat, novemdiali obsequio BEATI JOSEPHI auxilium implorat. Eo peracto, nondum tamen compos voti facta erat: Sed Patre admonente, brevi adhuc fusa prece, ea ipsa die, momento temporis motum, sensum, & quod mirandum est magis, carnem recuperavit.

Post hæc ejusdem Congregationis generalis die xxiii. mensis Septembris anni proximi elapsi coram Nobis habitæ consilium audivimus, an juxta consultissimas leges a Prædecessoribus Nostri ipsi Congregationi præscriptas, tuto ad BEATI JOSEPHI Canonizationem procedi posset, & quamvis in ea suffragium ferentes unanimi consensu id affirmaverint, nihilominus, ut accuratius causam perpenderemus, precibusque cum nostris, tum aliorum in re tanti momenti divinum promereremur auxilium, nonnisi die xii. subsequenti mensis Octobris decretum, quo ad solemnem BEATI JOSEPHI Canonizationem, servatis servandis, quandocumque procedi posset, edi jussimus.

Interim vero Charissimus in Christo Filius Noster Carolus Hispaniarum Rex Catholicus, ut hoc decretum ad effectum perduceretur, se summopere optare Nobis significavit: ac dilecti filii Ordinis Clericorum Regularium Scholarum Piarum Superiores proprio, & cunctorum illius Professorum nomine assiduas Nobis preces porrigebant humillimas, ut eum, a quo divini numinis afflatu leges exemplo suo confirmatas acceperant, supremo tandem cultu decoratum conspicerent, & venerarentur.

Ut itaque quod supererat, ad Sacrorum Canonum normam & juxta venerabilia eorundem Prædecessorum Nostrorum instituta perficeremus, universi primum Collegii Fratrum Nostrorum S. R. E. Cardinalium consilium exquisivimus in Consistorio Secreto die xxvii. Aprilis proxime præteriti habito, in quo Nos ipsi summam virtutum, & Miraculorum BEATI JOSEPHI, necnon seriem eorum omnium, quæ in ejus causa gesta fuerant, ipsis exposuimus, cunctisque adsentientibus, ut ad supremam gravissimo huic negotio manum imponendam progredieremur, quamplures Venerabiles Fratres Archiepiscopos, & Episcopos ex universa ferme Italia in Urbem accivimus, eos quoque ante
quam

quam definitivam sententiam ferremus, in consilium adhiberi.

Hi omnes causam totam perdidicerunt, tum ex peroratione in Consistorio publico die VII. mensis Maji proxime præteriti coram Nobis habita a dilecto filio Alexandro Tozzi Nostræ Consistorialis Aulæ Advocato, tum ex plena, accurataque relatione gestorum, & virtutum BEATI JOSEPHI, cum Miraculis e Tabulario sæpeditæ Congregationis Sacrorum Rituum desumpta, quæ typis impressa singulis tradita fuit.

Coactò propterea die prima proxime etiam elapsi mensis Junii semipublico Consistorio, in quo præter eorumdem Fratrum, Nostrorum S. R. E. Cardinalium Collegium, omnes itidem Patriarchæ, Archiepiscopi, & Episcopi, qui hac ipsa de causa in Urbe aderant, sessionem habuere, factaque omnibus dicendæ sententiæ potestate, spectabilem hujusmodi Confacerdotum coronam summa consensione audivimus ad BEATI JOSEPHI Canonizationem Nos adhortantem. Qua de re omnium suffragia proprio singulorum chirographo subscripta colligi, & in Tabularium Romanæ Ecclesiæ referri iussimus: mandantes præterea dilectis filiis Sedis Apostolicæ Notariis, ut super solemnibus actibus publicis instrumenta conficerent.

Indictâ deinde ad perficiendum Canonizationis actum hodierna die, qua solemnia Coronationis nostræ recurring, postquam superiori hebdomada per triduum omnes Christiani fideles ad jejunium hortati fueramus, tribus Patriarchalibus Basilicis designatis cum plenariæ Indulgentiæ concessione, ut ad impetrandum divini Spiritus lumen Fideles ipsi suas nostris adderent preces. Hac demum die congregatis in Vaticano omnibus utriusque Cleri ordinibus, & Curia, ac Aulæ nostræ Proceribus, præcipue vero Venerabilibus Fratribus Nostris S. R. E. Cardinalibus, Patriarchis, Archiepiscopis, & Episcopis, solemnibus supplicatione divinam Majestatem exorantes ad Basilicam Principis Apostolorum processimus. Ibi autem cum dilectus Filius Noster Carolus Tituli S. Clementis S. R. E. Presbyter Cardinalis Rezzonico nuncupatus ejusdem S. R. E. Camerarius, pro Canonizatione impetranda Procurator designatus, enixa Christianorum Principum, Antistitum, Capitulorum, Ecclesiarum, Magistratuumque, ac totius Ordinis

nis Clericorum Regularium Scholarum Piarum vota, atque preces Nobis obtulerit pro solempni Canonizatione ipsius BEATI JOSEPHI, ac etiam BEATORUM JOANNIS CANTII, JOSEPHI A CUPERTINO, HIERONYMI ÆMILIANI, SERAPHINI A MONTE GRANARIO, AB ASCULO denominati, & JOANNÆ FRANCISCÆ FREMIOT DE CHANTAL, Nosque semel, iterum, ac tertio rogaverit, ut exoptatam dudum sententiam pronunciantes, commune gaudium expleremus. Ideo Nos implorato prius universæ cœlestis Curiaë præsidio, & advocato cum gemitibus Paraclyto Spiritu, eoque sic inspirante, ad honorem Sanctæ & Individuæ Trinitatis, ad exaltationem Fidei Catholicæ, & Christianæ Religionis augmentum, auctoritate Domini Nostri Jesu Christi, Beatorum Apostolorum Petri & Pauli, ac Nostra, B. JOSEPHUM CALASANCTIUM A MATRE DEI Ordinis Clericorum Regularium Scholarum Piarum Fundatorem, omni christianarum virtutum genere ornatum, de re christiana optime meritum, cœlestium donorum copiâ, & miraculorum gloriâ prælustrem, Sanctum esse definiendo pronuntiavimus, & una cum prædictis JOANNE CANTIO, JOSEPHO A CUPERTINO, HIERONYMO ÆMILIANI, SERAPHINO A MONTE GRANARIO, AB ASCULO denominato, & JOANNA FRANCISCA FREMIOT DE CHANTAL Sanctorum Ecclesiæ fastis adscripsimus. Decernentes, juxta Benedicti XIV. Prædecessoris præfati literas, ipsius SANCTI JOSEPHI CALASANCTII memoriam Sexto Kalendas Septembris, qua nimirum die illius Corpus tumulo demandatum fuit, in universa Ecclesia quotannis recolendam esse, ac ritu debito celebrandam. Ac omnibus Christifidelibus, qui in Ecclesia Sancti Pantaleonis de Urbe nostra, ubi SANCTI JOSEPHI mortales exuvia coluntur, eadem designata die religiose accedent ac Deum Optimum Maximum juxta Nostram, & Piæ Matris Ecclesiæ mentem precati fuerint, Indulgentiam septem annorum, & totidem quadragenarum perpetuo in forma Ecclesiæ consueta concessimus.

Mox decantato pro debita gratiarum actione laudis, & confessionis Hymno, ad Aram Basilicæ Maximam supra Sacratissimam Principis Apostolorum Confessionem incruentam salutis humani
gene-

generis hostiam oblaturi reverenter accessimus, & facta eorumde in Sanctorum speciali commemoratione post Evangelicam lectionem a Diaconibus latinâ, & græcâ linguâ decantatam, justa & sancta exultatione spiritus sensimus Nos impelli, ut Venerabilem Sacerdotum coronam, & Populum universum, quem Religionis studium, atque Apostolicæ Sedis reverentia non ex Urbe modo, sed ex longinquis etiam Regionibus attraxerat; ad eorundem Sanctorum virtutes imitandas, & Patrocinium promerendum, Paterno affectu breviter adhortari, & accendere conaremur. Denique, inexhausti Ecclesiæ thesauri divitias in eos qui adstabant Fideles veluti effundentes, Plenariam omnium peccatorum Indulgentiam, & remissionem misericorditer in Domino concessimus.

In hac autem tum nostra, tum Populi totius Fidelis justissima exultatione nostræ huic Urbi dilectissimæ alia profecto quædam peculiaris est causa, cur non modo S. JOSEPHO, sed etiam sibi magnopere gratularetur. Solatium est enim non parvi utique faciendum, quod venerabile JOSEPHI corpus apud Nos extat, quasi amoris erga Nos sui perenne pignus, & monumentum. Nam etsi ubique Terrarum Coelites clientibus suis opem impertiant, ibi tamen & uberius id, & frequentius præstare solent, ubi corpore hoc est aliqua sui parte adhuc resident. Ad JOSEPHI ergo tumulum in angustiis, in periculis, in rebus dubiis quisque accedat, per hæc præsertim tam plenum ærumnis, & calamitatibus tempora, nec dubitet, quin cum ex iis, quæ passus est, tam multa, tam aspera, patientiam didicit in Terris agens; regnantem modo gloriosum in supernis ædibus pium erga se, & propitium experiatur.

Quoniam vero post prolatam a Nobis Canonizationis sententiam, ab eodem Cardinale Procuratore Nobis humiliter supplicatum fuit, ut super præmissis omnibus Apostolicas literas perpetuo valituras decernere, & edere dignaremur; ideo Nos justissimæ annuentes petitioni, præsentium tenore omnia & singula præmissa confirmamus, roboramus, atque iterum statuimus, decernimus, atque universæ Catholicæ Ecclesiæ denunciamus. Mandantes, ut earundem præsentium exemplis, etiam impressis, manu alicujus Notarii publici subscriptis, & sigillo

Perfo-


(XVII)

Personæ in Ecclesiastica Dignitate constitutæ munitis eadem prorsus fides ab omnibus habeatur, quæ ipsis præsentibus adhiberetur, si forent exhibitæ vel ostensæ.

Nulli ergo omnino hominum liceat paginam hanc nostræ definitionis, decreti, adscriptionis, mandati, statuti, & voluntatis infringere, vel ei ausu temerario contraire; si quis autem hoc attentare præsumperit, indignationem Omnipotentis Dei, ac Beatorum Petri & Pauli Apostolorum ejus se noverit incursum.

Datum Romæ apud Sanctum Petrum, Anno Incarnationis Dominicæ MDCCLXVII. Decimoseptimo Kalendas Augusti Pontificatus Nostri Anno Decimo.

✠ Ego Clemens Catholicæ
Ecclesiæ Episcopus.



- ✠ Ego C. A. Episcopus Ostien. & Veliternen. Card. Cavalchini, Sacri Collegii Decanus.
- ✠ Ego F. M. Episcopus Portuen. & S. Rufina Card. Lantes.
- ✠ Ego J. F. Episcopus Sabinen. Card. Albani.
- ✠ Ego H. Episcopus Tusculan. Card. Dux Eboracensis S. R. E. Vicecancellarius.

✠ Ego

- ✱ Ego X. Sanctæ Marie de Scala Diaconus Card. Canale.
- ✱ Ego B. Sabinus Cosma & Damiani Diaconus Cardinalis.
- ✱
- ✱
- ✱
- ✱
- ✱ Ego S. Tit. S. Joannis ante Portam Latinam Presbyter Card. Buonaccorsi.
- ✱
- ✱ Ego J. C. Tit. SS. Joannis & Pauli Presbyter Card. Boschi Major Penitentiarius.
- ✱ Ego L. Tit. S. Anastasia Presbyter Card. Calinus.
- ✱
- ✱ Ego A. Tit. Sanctæ Mariæ in Via Presbyter Cardinalis Columna Branciforti.
- ✱
- ✱
- ✱ Ego P. Tit. S. Mariæ Transtiberim Presbyter Cardinalis Pamphilius.
- ✱
- ✱ Ego Ph. M. Tit. S. Chrisogoni Presbyter Card. Pirellius.
- ✱ Ego A. Sanctæ Mariæ in Via-Lata Prior Diaconorum Cardinalis Albanus.
- ✱ Ego N. S. Eustachii Diaconus Card. Corsinius.
- ✱ Ego D. Sanctæ Mariæ ad Martyres Diaconus Card. Ursinus.
- ✱ Ego Fl. Sanctæ Mariæ in Porticu Diaconus Card. Chisus.
- ✱ Ego A. M. Sanctæ Agathæ ad Suburam Diaconus Cardinalis Torigiani.
- ✱
- ✱ Ego J. C. Sancti Cesarei Diaconus Card. Caracciolus de Sancto Bono.
- ✱ Ego N. Sancti Georgii in Velabro Diaconus Card. Perrelli.
- ✱ Ego A. Sancti Angeli in Foro Piscium Diaconus Cardinalis Corsinius.
- ✱ Ego A. Sanctorum Viti & Modesti Diaconus Cardinalis Nigronus.
- ✱ Ego Ae. S. Sancti Adriani Diaconus Card. Piccolomineus.

✱ Ego

* Ego X. Sancta Maria de Scala Diaconus Card. Canale .
* Ego B. Sanctorum Cosma & Damiani Diaconus Cardinalis Ve-
terani .

*
*
*
*
*
*

C. Card. Pro-Datarius . A. Card. Nigronus .

V I S A

De Curia J. Manassei .

L. Eugenius .

Loco * Plumbi .

Registrata in Secretaria Brevium .



* Ego

SANCTISSIMI IN CHRISTO PATRIS
ET DOMINI NOSTRI DOMINI

C L E M E N T I S

D I V I N A P R O V I D E N T I A

P A P Æ X I I I .

L I T E R Æ D E C R E T A L E S

S U P E R

C A N O N I Z A T I O N E

B E A T I S E R A P H I N I

A M O N T E G R A N A R I O , A B A S C U L O

D E N O M I N A T I

Laici professi Ordinis Minorum
S. FRANCISCI Capuccinorum.



R O M Æ M D C C L X V I I .

Ex Typographia Reverendæ Camerae Apostolicæ.

(XX)
SANTISSIMI IN CHRISTO PATRIS
ET DOMINI NOSTRI DOMINI

CLEMENS

DIVINA PROVIDENTIA

PAPAE XIII.

LITTERAE DECRETALES

SUPER

CANONIZATIONE

BEATI SERAPHINI

A MONTE GRANARIO, AB ASCULO

DE NOTI



Laici profelli

S. Francisci Capucinorum.



ROMAE MDCCCLXVII

Ex Typographia Reverendae Camerae Apostolicae.



CLEMENS EPISCOPUS

SERVUS SERVORUM DEI

Ad perpetuam rei memoriam.



RETIOSA illa super omne aurum, & argentum, ac Regnis ipsis, & Sedibus præoptanda sapientia, quâ nimirum docemur, caduca omnia despicienda, & non quæ super terram, sed quæ sursum sunt quærere, & sapere, tametsi nullam respuat indolem, ac diversis hominum ingeniis æque se communicet, cælestique charismata, quibus affluit, libentissime largiatur: in rudes tamen homines, atque idiotas gaudet aliquando sese uberius effundere, ut sæculi hujus sapientes, quos nempe scientia inflat, confundat, ac de sapientia sua inaniter gloriantes humiliet. Idcirco fons veræ sapientiæ Verbum Dei Christus Jesus, qui revelare se dixit abscondita a constitutione Mundi, exultans olim in Spiritu ad eum, ejus Unigenitus est, conversus: Confiteor, inquit, Tibi Pater Domine Rex Cæli & Terræ, quia abscondisti hæc a sapientibus & prudentibus, & revelasti ea parvulis: Atque id quidem in Catholica Romana Ecclesia, ab ejus exordio, ad hanc usque diem, semper videre licuit, ap-

paruitque luculenter, quam vere de sapientiæ authore scriptum sit. Et cum simplicibus sermocinatio ejus. Mirum vero in modum novissime, superiori scilicet sæculo luculentissime perspectum fuit in BEATO SERAPHINO A MONTE GRANARIO AB ASCULO denominato, Laico professo Ordinis Minorum Sancti Francisci Capuccinorum nuncupatorum, qui rudis, & literarum omnium expertus, cum neque legere nosset, neque scribere, literatos tamen ipsos, atque eruditos longo post se intervallo reliquit, utpote qui ex libro illo scripto intus & foris, hoc est Christo Jesu; docibilis Dei hauserat tantum cælestis doctrinæ, ut inter præcipuos Divini Præceptoris Discipulos propter supereminentem scientiæ caritatem numerandus esse videatur.

Cum itaque pauper hic apud homines tam dives fuerit apud Deum gratiâ, & virtutibus, atque ad majorem his laudem, & celebritatem conciliandam evidens accesserit testimonium per miracula, quæ Omnipotens Deus Beati hujus SERVI SUI intercessione patrare dignatus est, Nos, nullâ re prætermisâ, quæ in tam gravi causâ servari solet; de consilio & assensu Venerabilium Fratrum Nostrorum S. R. E. Cardinalium, necnon Patriarcharum, Archiepiscoporum, & Episcoporum in Romana Curia frequenti numero congregatorum, imploratâ iterum, iterumque Dei ope eundem BEATUM SERAPHINUM utpote Civem cælestis Hierusalem publico in Ecclesia cultu prosequendum esse declaramus, & in Sanctorum numerum referendum decernimus.

SERAPHINUS in Oppido Montis Granarii Firmanæ Diocesis natus est anno reparatæ salutis MDXL. Parentes habuit humiles quidem genere, sed honestos, ac pios. In Baptismo nomen illi inditum, Felix. Piâ & sedulâ Matris optimæ disciplinâ probe institutus ab ineunte ætate proferre cœpit futuræ sanctitatis indicia. A puerorum oblectamentis, & pravorum sodalium consuetudine alienus nihil ferme puerile habuit, præter innocentiam. Assiduus in Templis erat; ac præterea ad intentius orandum loca sæpe abdita acquirebat. A Villico, cui
opc-

operam suam locaverat, demandata armenti custodia impedimento non erat, quin consueta pietatis officia diligentissime obiret. Secretiorem namque sylvarum solitudinem querens, ibi de genu fervidas ad Deum preces fundebat, easdemque mox a brevi vespertina cœna diu multumque iterabat. Domum a Fratre post Parentis obitum revocatus, ut in cœmentaria arte sibi esset adjutor, atque ab effero illius ingenio aspera quæque perpessus Felix inhumani Fratris convicia, verbera, mallei etiam crudeles ictus æquo, diu, atque invicto animo tulit. Neque vero Fratris asperitas, & laboriosæ artis exercitatio dimovere illum potuit ab eo, quod sibi proposuerat, ut tribus in hebdomadam diebus jejunaret, ac piâ precatione animum per id maxime tempus, quod cæteri laborum socii reficiendo per cibum corpori dabant. Quam accepta Deo esset **SERVI SUI** pietas, insigni sane miraculo patefactum est. Quum enim Deiparæ Virginis, cujus se in fidem, & clientelam tradiderat, Sacram Lauretana n Aedem inviseret, Potenti & flu men ex aquarum redundantia intumescens, quod nemo sociorum trajicere ausus erat, ipse, obtupescentibus qui aderam, semel atque iterum sicco vestigio transivit. Ex audita lectione de divini Judicii severitate tanto motu, ac terrore percussus est, ut de vita heremitica cogitaret. Sed meliore deinde consilio rigidum Capuccinorum Institutum statuit amplecti, quod quidem non sine iteratis precibus, & lacrymis tandem obtinuit. Voti compos, **SERAPHINI** nomine assumpto, in Tyrocinio ita se gessit, ut peracto anno probationis, in Sacrum illum Ordinem cooptaretur omnium suffragiis. Novum inde atque ardentius perfectionis evangelicæ studium in ejus pectore efferbuit. Itaque severioris illius Instituti leges omnes, quamdiu vixit, ita observavit, ut diligentiam mirarentur omnes, pauci admodum imitari se posse confiderent. Benignus erga omnes, lenis, affabilis; Superioribus vero ita obsequens, ac dicto audiens erat, nullum ut munus, quantumvis arduum, ac laboris plenum defugeret, nihil cunctaretur, nihil perquireret, in id unum intentus, scilicet ut imperata quæ fuerant, ea sequeretur.

(VI)

Paupertatem vero ita adamavit, ut ab iis etiam, quibus carere vix possumus, abstineret. Cellulam perpetuo habitavit obscuram, humilem, squallidam, duro lectulo, vili scamno, nullâ suppellectili instructam. Vestis illi nonnisi obsoleta, ac detrita; eadem & in cæteris rebus, quæ corpori operiendo deseruiunt, extrema paupertas. Jamvero ea erat vitæ innocentia, ut nullo se umquam crimine obstrinxerit, quin etiam a levibus quoque noxis, itaut in Sacra Exemologesi nihil ferme, quod expiandum esset, afferret. Quidquid enim voluntati Dei consentaneum non esset, non modo cogitare, sed ne audire quidem fas esse ducebat. Diebus fere singulis Eucharistico se pane reficere, & Sacrificiis, quotquot poterat, adesse, ac ministrare, protensis in formam crucis manibus, solemne habuit. Inexplebile orationis erat studium, ut diurnas plerumque, ac nocturnas horas in ea consumeret. Cæterum, excepto trium dumtaxat horarum spatio, quod quieti corporis negare non poterat, reliquum tempus omne, vel rerum divinarum contemplationi, vel piis precationibus impendebat.

Quum in re qualibet aliquod Dei vestigium agnosceret, inde fiebat, ut ubi esset, quidquid ageret, ad contemplationem rerum cælestium facile raperetur, atque tum etiam oraret, cum aliud agere videbatur. De Christi Domini cruciatibus quotidiana meditatio ita animum afficiebat, ut de ea sine lacrymis nec cogitare, nec loqui, neque audire loquentem posset. Tantâ in Deum caritate ferebatur, ut pro illius gloria mortem oppetere vehementer optaret. Itaque Superiorem supplex adiit, a quo potestas sibi fieret, in regiones se barbaras conferendi, ut incensam apud eas martyrii sitim expleret. Caritati erga Deum gemina erat, & erga proximos caritas. Quocirca errantes corrigere, avocare a vitiis, ad virtutem impellere, qua monitis, qua precibus, qua etiam objurgationibus conabatur. Nec vero frustra. Multi enim a perdita vivendi ratione ad bonam frugem redacti, multi a sæculi vanitate, & mundi periculis ad securius religiosæ vitæ institutum illius operâ traducti sunt. Aleas e ludentium manibus non semel extorsit. Intestina, atque inveterata inter

Ascu-

(VII)

Asculanos Cives odia, & diffidia homo ut erat humili loco, nullis literis, professione laicus extinxit. Tantum illi auctoritatis a sanctitate perspecta. De miseratione ejus in pauperes, atque egenos illud vere dici potest, quod ore pallente, jejuniis, fame torquebatur alienâ, ita quidem ut aliorum memor, immemor sui dimidio in diem pane victitans, quod reliquum erat, cum integro fere obsonio in pauperes erogaret. Quin etiam, eo processit, ut, in quadam annonæ difficultate, ex illo ipso dimidio pane alteram adhuc partem detraheret, qua esurientibus quoquomodo poterat subveniret. Contigit aliquando, ut a Præsidente reprehensus, quod pro numero pauperum pane non suffecturo, olera ex horto distribuisset, bono illum animo esse juberet: neque propterea enim defuturam religiosæ familiæ olerum copiam, quæ satis foret. Quod quidem eventu non caruit. Succisis enim pridie germinibus, alia subinde mane satis abundeque succrescere conspiciebantur. Illud autem mirandum magis, quod quum horti pars quædam exigua eidem a Præsidente peculiariter in usum pauperum attributa esset, plus ea fructuum, quam reliquæ, tametsi longe majores, & multo diligentius excultæ partes, afferret.

Neque vero in uno, aut altero calamitatis genere SERAPHINI misericors indoles se continebat. Carceribus enim detentos invisere, sedulo ad patientiam hortari, & quidquid solatii posset, afferre consueverat. Moerentes præterea solari suaviter, ærumnis pressos in spem erigere, ægris inservire, assidere lectulo, bene monere, vilissima quæque ad eos sublevandos ministeria obire, hæc illi dulcis cura, jucundaque exercitatio. Jamvero qui tam leni & benigno erga alios ingenio erat, juvat nunc videre quam durus, atque acerbus in sese fuerit. Asperis contextum fetis cilicium, velut alteram vestem; quam numquam exueret, ad nudam carnem perpetuo adhibuit. Confecto e clavorum acuminibus flagro utebatur ad quotidianam corporis lanienam, qua fiebat, ut copiosus e laceris membrum sanguis deflueret. Sandaliis inferne omni ex parte detritis, cum

nudi pedes relinquerentur, pellis nonnunquam derumpebatur, cui ille malo dum acu diruptam pellem confuit, acriori longe malo, ac dolore medicinam faciebat. Fuit aliquando, cum noctes ipsas infomes traduceret. Cæterum brevissimam illam, quam supra diximus, trium tantummodo horarum quietem non aliter fessis membris, quam vel sedens, vel capite ad scamnum reclinato indulgeret.

Diris ejusmodi cruciatibus abstinentiam addidit singularem, crebra & longa sui Ordinis jejunia servare, quasi loco ille deliciarum habuisset. Itaque illud adjecit, ut exigua etiam vespertina refectioe perpetuo abstineret, & tres hebdomadæ dies panis dumtaxat, & aqua transigeret; quod quidem inediae genus jam inde ab adolescentia tolerare consueverat. Reliquis autem diebus ad partem panis exiguam nihil obsonii adhibebat, unicam, eademque insuavi, quæque fociis etiam pridie superfuisset; cinere nonnumquam conspersam, pulvere contentus. Atque inde ortum habuisse censendus est malus ille habitus corporis, ex quo fiebat, ut sanguinem mingeret. Inter has macerati corporis asperitates, adjunctam præsertim oculorum custodiam, securior in dies, & vividior castitas efflorescebat, quam nullam umquam labe inquinatam, nullamque, vel raro admodum, ut fertur, corporis aut mentis pugnam tentatam servavit.

Jamvero si castimoniam custos est humilitas, hæc in eo tam alte radices egerat, ut quamvis alieno judicio Sanctus, scelestissimus omnium, ac nequissimus esset suo. Laudis humanæ fugitans, contemptus sui appetens quam qui maxime. Cujus quidem rei, hæc duo perridicula sint argumento. Prandere aliquando jussus apud Nobilem Civem, alias ab Asculano Episcopo Cardinali, utrobique ita se gessit, ut ludum, & risum tamquam incomptus, & rusticus de se præberet. Ibi enim ad liquidæ pulvis esum fuscinulam usus est: hic ovum forbens de industria in barbam effudit. Patientia porro in eo admirabilis plane fuit, tum in Fratris, quæ dicta sunt, verberibus, & conviciis, tum in iis pene quotidianis mulctis, ac poenis, quæ a Religiosis Præsidibus infligi solebant. Ab aliis enim ob ingenii tarditatem duri-

duriter, ne dicam immaniter, ab aliis ad experimentum virtutis severe, ac rigide multabatur. Atque hæc quidem initio turbantur hominem, sed imploratâ postea Dei ope confirmatus, aspera quæque ita ferebat, ut ea beneficii loco duceret, & manus, pedesque illis, qui quoquomodo multassent, oscularetur.

Par fuit in eo lenitas, & mansuetudo, qua illatas sive ab externis, sive a domesticis etiam injurias æquissimo animo tulit, impactâ ab nequissimo homine alaphâ, apprehensâ a domestico per contumeliam barbâ, atque aliquot pilis evulsis, nullum omnino SERAPHINUS perturbati animi signum dedit. Sed illud longe præclarius. Cum enim protervus quidam, atque impudens, mali Dæmonis instinctu, nudum illius caput plumbeâ laminâ tam graviter percussisset, ut SERVUS DEI præ dolore animo linqueretur, ac pene exanimis humi procumberet, statim ac redditus sibi fuit, ridenti vultu, ac lenissimis verbis percussori, quasi optime de se merito, fausta illi omnia a Domino precatus est. Ad injurias hominum accessit & alia a Dæmone haud minus dira vexatio. Modo enim protrahere pedibus, dum ille oraret, modo sublime elatum conari ad terram allidere, modo sævissimis plagis ægrum illius, & confectum corpus male multare consueverat. Quas tamen ille molestias, ac teterrimas infestationes ita despiciebat, ut adversarii nequissimi increparet ignaviam, atque ad sæviendum acrius acueret. Qua quidem animi magnitudine Dæmon adeo victus, & fractus est, ut ejus deinde præsentiam ipsam reformidaret, atque ab obsessis corporibus eo adventante diffugeret.

Tantam virtutum præstantiam cælestibus donis Deus inornatam esse noluit: Itaque SERVUM SUUM superno lumine, quo futura prædiceret, & cordium secreta penetraret, plurimis etiam raptibus, ac mentis ab usu sensuum alienationibus insignivit. Pluribus quoque etiam, gravissimis morbis laborantibus, adhibito a SERAPHINO, Sanctissimo Crucis signo, sanitas restituta fuit. Quocirca confluentium ægrorum ad Montis Granarii Cœnobium tanta erat multitudo, ut in iis fausta precatone sanandis non

semel dies tota SERAPHINO abiret. Accedebat e tumultuosa gentium frequentia Coenobitis illis molestia non levis. Itaque parum abfuit, quin Præses factam SERVO DEI potestatem divinitus patranda prodigia ex obedientia coerceret. Sed ad vitandam molestiam satis visum est, si SERAPHINUS in Afculi Coenobium demigraret.

Tam multis igitur, ac tam præclaris virtutibus, ac donis cælestibus cumulatus apud omnes non vulgares modo, sed etiam summos, ac præstantes viros sanctitatis nomen, & famam adeptus est. Illum consulere, illius se precibus commendare, incedenti per viam non solum deosculari vestes, sed etiam præscindere.

Sed jam dies aderat, quâ Sanctitas tam excellens aliis longe illustrioribus in Cælo honoribus decoraretur. Gravem, pectoris affectionem e corporis maceratione contractam, quâ quodam veluti jaculo confodiebatur diu ille dissimulaverat. Sed cum magis magisque ingravesceret, optatissimam sibi ex ea mortem instare superno etiam lumine intelligens, postulavit, ut Sanctissimæ Eucharistiæ viatico muniretur. Abnuebant Medicus, & Sodales, quod morbi gravitas nondum se prodebat, præsertim cum æger nec ureretur feбри, nec lectulo decumbere cogereetur, sed iteratis precibus obsisti non potuit. Sanctissimum igitur Christi corpus allatum est; quod quidem quo ille animi sensu, quo amoris æstu perceperit, Angeli magis, quam homines intelligere potuerunt. Postulat subinde, ut Oleo sacro inungatur. Quod pariter cum præproperum Fratibus videretur, affirmat ille quod in præsens negligenter, satis festinanter paulo post omnino facturos. Itaque post fervidas per horam de genu in lectulo fufas preces, sublatis ad Cælum oculis Deum obsecrat, ut quandoquidem Sodales se loquentem non audiebant, divinis ipsius vocibus auscultantes Sanctum ad se Oleum afferrent. Precationem hanc deliquium animi statim secutum, est cum pallore vultûs, aliisque defecturæ mox vitæ signis, quibus videlicet Sodales admoniti, expetitâ illum unctione prope-re munierunt. Itaque ad SERVI DEI solatium cum nihil resta-

ret aliud, placido vultu in Conventu sui Ordinis Civitatis Asculi Sanctissimam Deo animam reddidit.

Porro Coenobii Custos veritus (quod assolet in Sanctorum hominum funere) tumultuosam confluentis populi multitudinem, nullo edito campani æris signo, SERVI DEI pretiosam mortem occulere cogitarat tamdiu, dum justa illi solemnitate more persolverentur. Sed divinitus factum est, ut puerorum voce per Urbem SERAPHINI obitus vulgaretur. Quod Cives cum audivissent, ad Coenobium omnes concurrere, SERVI DEI corpus exosculari, vestes tertio, atque iterum superinductas præscindere, pilos auferre, præcidere ungues, quin etiam nec corpori parcere, nisi adhibitis decem Custodibus cautum esset, ne Sanctum cadaver ab imprudenti multitudine discerneretur. Venerationem auxit non mediocrem suavissimus odor, quem molle, ac flexibile corpus efflabat, donec ligneâ capsâ holoserico intus convestitâ inclusum peculiari tumulto, Senioribus Urbis ita jubentibus, mandatum fuit.

Memoriam, quam moriens reliquit sui nominis sempiternam, statim testatæ sunt quamplures ejus imagines tum impressæ, tum pictæ, ac duæ potissimum, quarum altera in ædibus Magistratûs, altera ad tumulum, quod ea ætate licebat, posita fuit. Concurfus inde ad Sepulchrum, non a propinquis modo, sed etiam a diffitis locis augetur in dies, prout nova subinde, invocato SERVI DEI nomine beneficia imperita populorum frequentiam excitabant; ita quidem ut, cum votivis tabellis in pariete spatium deficeret, auferendæ fuerint veteres, ut novis fieret locus. Anno deinde Domini MDCX. Asculanorum Civium precibus piæ mem. Paulus V. Prædecessor Noster annuit, ut ad BEATI VIRI Sepulchrum accensa lampas venerationis publicæ testis esset perpetua. Civium pietatem æquavit sedulitas Præsulis Asculani in cognitione causæ super fama sanctitatis, virtutibus, & miraculis SERVI DEI; cum igitur Processum, quem informativum vocant, explevisset, res in tunc existentium S. R. E. Cardinalium Congregatione Sacris Ritibus præposita delata fuit, ac ad trutinam revocata,

atque, ut ea ferebant tempora, die VII. Junii MDCXXXV. imper-
 titata fuit facultas specialiter in caussa inquirendi. Itaque, aucto-
 ritate Apostolica, nova caussa cognitio instituta, atque in acta
 relata, siluit tamen ad annum usque MDCCIV. Sed quum ex
 Decretis interea a Ven. Mem. Innocentio XI. etiam Prædeces-
 fore Nostro confirmatis, ad prosequendam, rem necessaria esset
 nova resumenda caussa commissio, non ante id obtineri con-
 tigit, quam sub recol. mem. Clemente XI. pariter Prædeces-
 sore Nostro ad annum MDCCXII. Probato deinde cultu, qui, Pon-
 tifice annuente, BEATO VIRO exhibitus fuerat, & casu exce-
 pto a Decretis recol. mem. Urbani VIII. itidem Prædecessoris
 Nostri tandem fel. record. Benedictus XIII. similiter Prædeces-
 sor Noster anno MDCCXXVI. peculiari Cardinalium, qui Sacris
 Ritibus præfunt, Congregationi negotium dedit, ut de SERVI
 DEI virtutibus examen instiruerent.

Inter hæc ab eodem Pontifice, mense Augusto illius anni,
 facultas concessa est, ut SERAPHINI Corpus a veteri Sacel-
 lo ad alterum recens exstructum, ad ejus honorem proprie di-
 catum publice transferretur. Sed anno demum MDCCXXIX.
 auctior fuit & SERVO DEI cultus, & cultoribus ejus lætitia;
 tunc scilicet, quum laudatus Pontifex benigne indulfit, ut ab uni-
 verso Ordine Minorum SANCTI FRANCISCI, atque a Clero præ-
 terea tum Civitatis, & Diocesis Asculanæ, tum Oppidi Mon-
 tis Granarii Officium sub ritu duplici quotannis recitaretur, &
 Missa ad honorem BEATI VIRI celebraretur die XII. Octobris,
 die scilicet, qua ejusdem fortunati obitûs annua memoria re-
 currebat.

Jussu deinde Clementis XII. itidem Prædecessoris Nostri,
 qui, Benedicto Prædecesfore vitâ functo, proxime successerat, a
 peculiari quem diximus Cardinalium confessu BEATI SERA-
 PHINI virtutum inquisitio ad Ordinariam Sacrorum Rituum
 Congregationem revocata, cum probationibus, ut ajunt, dire-
 ctis, inniteretur, tandem factum est, ut rata haberentur, ac
 probarentur.

Abso-

(XIII)

Abolutâ denique inquisitione, seu Processu Apostolico super miraculis post indultam B. SERAPHINO venerationem, a Deo patris, & compertâ die xvii. Septembris MDCCLXIII. Processûs validitate in Ordinaria Sacrorum Rituum Congregatione, cujus Decretum Nos die xxiiii. ejusdem mensis confirmavimus; subinde miraculis ipsis in Congregatione antepreparatoria diei xxvii. Novembris MDCCLXIV. examinatis, atque iterum in preparatoria Congregatione diei ix. Junii MDCCLXV. Postremo vero in generalibus Comitibus coram Nobis die xxviii. Januarii anni proxime exacti, ut moris est, perpensis, atque discussis, duo ex illis in tertio genere ix. Martii ejusdem anni (ad quam usque diem divinam opem imploraturi Decretum distulimus) rite approbavimus.

Primum nempe instantaneæ sanationis Januarii Ranalli a pessimo ulceroso tumore sub sinistram axillam, quo per plures jam menses conflictatus, frustratâ diu Chirurgorum industriâ, non nisi ferro, aut igne curari posse videbatur.

Alterum vero perfectæ sanationis a paralyti sinistræ manûs, qua correptus fuerat Ugo-Antonius Carletti, dum septuagesimum quartum ageret ætatis annum, quod naturæ vi, seu humanæ artis ope nequaquam assequi potuisset.

His itaque duobus miraculis cognitis, & approbatis, illud definiendum supererat, an ad solemnem BEATI VIRI Canonizationem rite procedi posset, quod cum universi Patres unanimi suffragio assererent, Nos Sancti Spiritûs tum propriis, tum aliorum precibus implorato lumine, die xii. Octobris proxime præteriti Decretum in eandem sententiam edidimus.

Cumque dilecti Filii Civitatis Nostræ Asculanæ Magistratus & Incolæ, ac religiosissimus Ordo dictorum Fratrum SANCTI FRANCISCI Capuccinorum nuncupat. enixis precibus a Nobis postularent, ut decretam BEATI VIRI Canonizationem tandem exequeremur, Nos ut in hoc gravissimo negotio juxta præscriptam a Prædecessoribus Nostris agendi normam procederemus, universi primum Collegii eorundem Venerabilium Fratrum Nostrorum S. R. E. Cardinalium in Consistorio Secreto
die

(XIV)

die xxvii. Aprilis proxime elapsi coram Nobis congregatorum sententiam, atque consilium exquisivimus. Quibus post auditam a Nobis gestorum seriem, & BEATI VIRI præclara merita, ad legitimam Causæ hujus absolutionem una voce Nos adhortantibus non viciniores modo, sed remotiores per Italiam Venerabiles Fratres Archiepiscopos, & Episcopos monendos curavimus, ut ad Urbem sese conferrent, & Nobis de BEATI SERAPHINI, necnon BEATORUM JOANNIS CANTII, JOSEPHI CALASANCTII A MATRE DEI, JOSEPHI A CUPERTINO, HIERONYMI ÆMILIANI, & JOANNÆ FRANCISCÆ FREMIOT DE CHANTAL solemnè Canonizatione deliberantibus, consiliorum etiam suorum suffragia, prout Spiritus Dei ipsis suggestisset, exponerent.

Ut autem præclaræ BEATI SERAPHINI virtutes, & probata miracula, necnon in totius Causæ discussione adhibitæ cautiones neminem laterent, indicto prius publico Consistorio coram Nobis, universoque Ecclesiasticorum Ordinum, & Collegiorum confessu, mandavimus inibi a Dilecto Filio Josepho Ascevolini, Nostræ Consistorialis Aulae Advocato virtutes, & Miracula BEATI SERAPHINI oretenus palam exponi: integrum quoque, & exactum eorundem compendium ex authenticis documentis fideliter collectum, typisque impressum, omnibus suffragium laturis, exhibendum curavimus. Demum convocatos die x. labentis mensis Julii in Consistorio semipublico præfatos S. R. E. Cardinales, necnon Patriarchas, Archiepiscopos, & Episcopos, qui jam in Urbem convenerant, ab iis quæsvimus, an ad BEATI SERAPHINI Canonizationem deveniendum esse censerent. Ipsi vero, uno omnes ore, pluribus, gravibusque rationibus in affirmativam sententiam ire comperti sunt. Nosque a dilectis quoque filiis Apostolicæ Sedis Notariis publica Instrumenta confici, ac præterea suffragiorum ipsorum exempla, a singulis subscripta, in Tabularium Ecclesiæ Romanæ referri mandavimus.

Reliquum erat, ut a Patre Luminum, quid ei placitum esset edoceremur. Indicto propterea per totam Urbem tridua-

no jejunio, in tribus Patriarchalibus Basilicis Sanctissimum Eucharistiæ Sacramentum publice adorandum exponi mandavimus, omnibusque Christifidelibus vere pœnitentibus & confessis, sacræque communionem refectis, unam saltem ex dictis Basilicis visitantibus, atque in ea, ad implorandam in tanto negotio divinam opem plenariam peccatorum indulgentiam elargiti fuimus. Humillimas quoque Nostras, & diuturnas fudimus Omnipotenti Deo preces, donec hac die Beatissimæ Mariæ Virgini de Monte Carmelo sacrâ, ad quam scilicet, cum Omnipotenti Deo placuit Nos immerentes ad Beati Petri Cathedram evehere, solemnia Coronationis Nostræ distulimus; generalis supplicationis ritu ad Basilicam S. Petri in Vaticano, ut moris est, procedentes, unacum omnibus prædictis, cæterisque Romanæ Curia, & Nostræ Aulae Prælati, universo Clero Sæculari, & Regulari, & frequentissimo Populo divinam opem invocantibus, auditis iterum per Dilectum Filium Nostrum Carolum, Tituli Sancti Clementis, S. R. E. Presbyterum Cardinalem Rezzonicò nuncupatum, ejusdem S. R. E. Camerarium, Postulationum pro Canonizatione impetranda Procuratorem, enixis precibus, post Sacros Hymnos, Litanias, aliasque preces de more decantatas, ad laudem & gloriam Sanctæ, & Individuæ Trinitatis, ad Fidei Catholicæ exaltationem, & Christianæ Religionis augmentum, autoritate Domini Nostri Jesu Christi, Beatorum Apostolorum Petri, & Pauli ac Nostra, & de præmissorum omnium Venerabilium Fratrum Nostrorum consilio, & assensu prædictum SERAPHINUM A MONTE GRANARIO AB ASCULO denominatum, Laicum Ordinis Minorum, SANCTI FRANCISCI Capuccinorum nuncupat. expresse professum, de cujus vita pie sancteque traducta, & de virtutibus in gradu heroico, ac miraculis, ejus intercessione, a Domino patris plenissime constabat & constat, Sanctum esse definiendo pronuntiavimus, & pro Sancto ab omnibus habendum, atque colendum ediximus in nomine Patris, & Filii, & Spiritus Sancti, omnibusque Christifidelibus, qui singulis annis die XII. Octobris vere pœnitentes & confessi Ecclesiam Conventus dicti Ordinis in Civitate Asculana, ubi ipsius Sancti corpus religiose

asser-

asservatur, devote visitaverint, septem annos, & totidem quadragenas de injunctis eis, vel aliás debitis pœnitentiis eâdem authoritate in perpetuum misericorditer relaxamus. Denique, in obsequium Omnipotentis Dei decantato Laudis, & Confessionis hymno, incruentam salutis nostræ hostiam ad Altare Confessionis Beatissimi Petri in Spiritu humilitatis obtulimus cum commemoratione ipsius SANCTI SERAPHINI, necnon SANCTORUM JOANNIS CANTII, JOSEPHI CALASANCTII A MATRE DEI, JOSEPHI A CUPERTINO, HIERONYMI ÆMILIANI, & JOANNÆ FRANCISCÆ FREMIOT DE CHANTAL, quos pariter Sanctorum albo rite adscripsimus, omnibusque, qui aderant, plenariam peccatorum indulgentiam elargiti fuimus.

Quum autem gratias Omnipotenti Deo egimus, quod inter cœtera Nobis, quamvis immerentibus, collata beneficia, illud etiam datum fuerit, ut BEATUM SERAPHINUM Sanctorum numero adscriptum definiremus, gavisi pariter fuimus in Domino, eique benediximus, qui, Ecclesiam suam perpetuâ defensione custodiens, manifeste ostendit e quolibet personarum ordine Sanctos exoriri perfectionis eximiæ, eorumque præclaris exemplis subinde propositis Christianæ Fidei cultores admonet, ut imitari non pigeat, quod celebrare delectat.

Quoniam vero post prolatam a Nobis, ut præfertur, hujusmodi Canonizationis, & adscriptionis sententiam ab eodem Carolo Cardinale, & Procuratore Nobis humiliter supplicatum fuit, ut super præmissis omnibus Apostolicas Literas perpetuo valituras edere dignaremur; Nos justissimæ petitioni annuentes præsentium literarum tenore, atque ex certa scientia, & Apostolicæ authoritatis nostræ plenitudine omnia & singula præmissa, confirmamus, roboramus, atque iterum sancimus, ac decernimus, universæque Ecclesiæ denunciamus; Mandantes, ut earundem præsentium transumptis, sive exemplis etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ab omnibus habeatur, quæ ipsis præsentibus adhibetur, si exhibitæ forent, vel ostensæ.


Nulli

(XVII)

Nulli ergo omnino hominum liceat paginam hanc nostræ definitionis, decreti, adscriptionis, mandati, statuti, concessionis, relaxationis, & voluntatis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, ac Beatorum Petri & Pauli Apostolorum ejus se noverit incursum.

Datum Romæ apud Sanctum Petrum, Anno Incarnationis Dominicæ MDCCLXVII. Decimoseptimo Kalendas Augusti, Pontificatûs Nostri Anno Decimo.

✠ Ego Clemens Catholicæ
Ecclesiæ Episcopus.



- ✠ Ego C. A. Episcopus Ostien. & Veliternen. Card. Cavalchini Sacri Collegii Decanus.
- ✠ Ego F. M. Episcopus Portuen. & S. Rufinæ Card. Lantes.
- ✠ Ego J. F. Episcopus Sabinen. Card. Albani.
- ✠ Ego H. Episcopus Tusculan. Card. Dux Eboracensis S. R. E. Vicecancellarius.
- ✠ Ego F. Episcopus Albanen. Cardinalis Serbellonus.

✠ Ego

✱ Ego J. F. Episcopus Prænestin. Card. Stuppanius .

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

✱

Ego C. Tit. S. Clementis Presbyter Card. Rezzonico S. R. E. Camerarius .

Ego F. M. Tit. Sancti Silvestri in Capite Presbyter Cardinalis de Rubeis .

Ego J. M. Tit. S. Alexii Presbyter Card. Castelli .

Ego C. Tit. Sancti Petri ad Vincula Presbyter Cardinalis Elephantinus .

Ego P. H. Tit. SSmæ Trinitatis in Monte Pincio Presbyter Card. Guglielmi .

Ego P. P. Tit. S. Stephani in Monte Cælio Presbyter Card. de Comitibus .

Ego Fr. L. Basilicæ Sanctorum XII. Apostolorum Presbyter Card. Ganganelli .

Ego M. A. Tit. Sanctæ Mariæ de Pace Presbyter Cardinalis Columna .

✱ Ego

(XVIX)

- ✠
- ✠
- ✠
- ✠
- ✠
- ✠
- ✠
- ✠ Ego S. Tit. S. Joannis ante Portam Latinam Presbyter Card.
Buonaccorsi .
- ✠
- ✠ Ego J. C. Tit. SS. Johannis & Pauli Presbyter Card. Boschi Major
Pœnitentiarius .
- ✠ Ego L. Tit. S. Anastasiæ Presbyter Card. Calinus .
- ✠
- ✠ Ego A. Tit. Sanctæ Mariæ in Via. Presbyter Cardinalis Columna
Branciforti .
- ✠
- ✠
- ✠ Ego P. Tit. S. Mariæ Transtiberim Presbyter Cardinalis Pam-
philius .
- ✠ Ego V. Tit. Sancti Calixti Presbyter Card. Paraccianus .
- ✠ Ego Ph. M. Tit. S. Chrisogoni Presbyter Card. Pirellius .
- ✠ Ego A. Sanctæ Mariæ in Via-Lata Prior Diaconorum Cardinalis
Albanus .
- ✠ Ego N. S. Eustachii Diaconus Card. Corsinius .
- ✠ Ego D. Sanctæ Mariæ ad Martyres Diaconus Card. Ursinus .
- ✠ Ego Fl. Sanctæ Mariæ in Porticu Diaconus Card. Chisius .
- ✠ Ego A. M. Sanctæ Agathæ ad Suburam Diaconus Cardinalis Tor-
rigiani .
- ✠
- ✠ Ego J. C. Sancti Cesarei Diaconus Card. Caracciolus de Sancto
Bono .
- ✠ Ego N. Sancti Georgii in Velabro Diaconus Card. Perrelli .
- ✠ Ego A. Sancti Angeli in Foro Piscium Diaconus Cardinalis Cor-
sinius .

✠ Ego

- ✱ Ego A. Sanctorum Viti & Modesti Diaconus Cardinalis Nigronus.
- ✱ Ego Ae. S. Sancti Adriani Diaconus Card. Piccolomineus.
- ✱ Ego X. Sanctae Mariae de Scala Diaconus Card. Canale.
- ✱ Ego B. Sanctorum Cosmae & Damiani Diaconus Cardinalis Veterani.

✱
✱
✱
✱
✱
✱

C. Card. Pro-Datarius . A. Card. Nigronus .

VISA
De Curia J. Manassei .

L. Eugenius .

Loco ✱ Plumbi .

Registrata in Secretaria Brevium .



